

第一集

黃炎培考察教育日記

上海商務印書館出版

敬告讀者

本書內容四之二寫教育狀況其一社會狀況  
又其一則山川名勝也

本書之末有結語為未獲讀全書而欲悉  
本書內容大槩者可先讀之

本書記皖贛浙三省之行游踪而及次第刊  
布為此預白

記者

上海图书馆藏书



A541 212 0017 9745B

# 要目

余之所以旅行

計畫

日記之所以刊行

南京

瞻園

栖霞

蕪湖

聖公會小學

省立第二女師範

乙種商業

貧民小學

蕪關小學

省立第二農校

司法狀況

詩

商業狀況

萃文書院

聖雅各高等學校

論教會學校

驛磯山

黃炎培考察教育日記 第一集 要目

李淳風墓

地方教育狀況

警政及路政

一般狀況

銅陵

城

詩

李太白殘像

銅官山

銅官鑛之交涉

詩

聯

石洞者

桐

茶

對於教育之感情

銅陵小學

女學

大通

和悅洲小學

大通市小學



329053

安慶 福音堂小學

財政狀況

安徽教育行政狀況

第二小學

聖公會小學

學校與家庭

省立第一師範

誘之一字

第一中學

聖保羅學校

培媛女學

第三小學

第二女子小學

演說

第一女子小學

學生不合理之要求

演說

師生之親愛

第一小學

習字教授

法政學校

談話

懷寧中學

東流

生計

疫

司法

田賦

建築

初等小學

高等小學

雷水

望江

臥冰池

馬當山

彭澤

二童聽講

詩

高等小學

初等小學

小孤山

詩 湖口

高等小學

地方教育概況

第二初等小學

第一初等小學

女學

痘

石鐘山

詩

九江

高等小學

縣教育概況

女學

初等高等小學

第三初等小學

南潯鐵路

德安

詩

南偉烈學校

教會學校之禮拜日

九江中學

儒勵女書院

諾立女書院

婦幼醫院

商業狀況

茶

聖約翰中學

廬山

牯牛嶺

租界之由來

租界地方自治之盛況

雲

金竹坪

黃龍寺

神龍宮

天池

御碑亭

仙人洞

含鄱口

栖賢寺

詩

玉淵

思孟

金井

萬杉寺

秀峯寺

青玉峽

歸宗寺

墨池

溫泉

柴桑橋

簡寂觀二瀑

香爐雙瀑

白鹿洞

五老峯

海會寺

三疊泉

詩

忽陸忽周之偵探

吳城

南昌

滕王閣

心遠中學

江西教育行政狀況

省立女師範

省立農校

省立農場

美利奴羊

高等師範

匡秀女學

葆靈女學

音樂

圖畫

國文默誦

中國物產圖

義務女學

模範小學

兒童對於各科之嗜好

各科教授

洪都中學

第一小學

省立師範及中學

百花洲

第五小學

葆靈幼稚園

演說

澹臺墓

婁妃墓

詩

演說

天主教會狀況

歐洲之服兵役

學堂

物產

貧女教養院

商會立貧兒小學

康郎山

詩

相似之三人

### 饒州

私塾式之小學

第一區初等小學

竟成女學

鄱陽縣之教育

饒州中學

縣立高等小學

復科舉之謠傳

陶業學校

陶土

瓷之製造

昌江

劉女士

諾立書院之內容

### 景德鎮

瓷業狀況

瓷業公司之種種改良計畫

天主堂小學

女子公學

模範兩等小學

時敏小學

演說

地方概況

詩

袖果

詩

贛省之水與紙幣

沖田高等小學

復科舉之疑問

沖田嶺

謠

清華街小學

大石洞

婺源源

沱口織布廠

山坑小學

浙嶺下之雷雨

浙嶺

詩

婺源美俗之種種

詩

黃氏小學

### 屯溪

教育狀況

皖南之師範學校

鄉土之種種

植物之徵集

訓育

學年曆

實施訓練機會

乙種農業

婺源之飲食品

戴東原讀書處

二童聽書

余被拘之訛傳

### 黃山

詩

容溪逆旅

楊村蔣叟談

紫雲庵

黃山志

湯泉

紫雲二瀑

慈光寺

古木蓮

石

天門坎

雲巢洞



---

小心坡  
松與石  
文殊院  
雲海之幻想  
天都峯  
蓮花峯  
文殊院之僧  
第二閻王壁  
山羊  
蓮花絕頂  
詩  
黃山脈  
鰲魚洞  
天海  
獅子林  
清涼臺  
始信峯  
鳥  
接引松  
琴臺  
夢筆生花

---

雲谷寺  
蘿松  
九龍瀑  
黃山異產之種種  
聯  
黃山大概  
敬告遊黃山者  
三十六峯  
巖寺  
聯  
皖南茶市  
歙  
大橋  
新安中學  
第一高等小學  
教育概況  
初等小學  
太白樓  
皖南之民業  
新安江  
淳安

雒城小學

教育狀況

縣立高等小學

師範講習所

物產

嚴州

模範小學

教育狀況

第九中學

時雨小學

嚴子陵祠

釣臺

詩

桐廬

取締私塾方法之布告

第一高等小學

教育狀況

女子小學

第一初等小學

富陽

東城小學

高等小學

教育狀況

金華之學務

杭州

屯溪至杭之路程

省立女師範

第一中學

第一師範

附屬小學

安定中學

宏道女學

馮氏女學

蕙蘭中學

之江學校

青年會演說

第一高等小學

第一初等小學

浙江教育行政狀況

西湖之今昔

詩

結語

余之所以  
旅行

# 黃炎培考察教育日記

第一集

余之本國旅行。積夢想者有年矣。此念之發生。蓋亦有自。方庚戌辛亥間。余嘗調查江蘇地方教育狀況。全省六十縣。足跡及三之二。斯時便

記 者 小 影



之。治。病。外。國。攷。察。讀。方。書。也。內。國。考。察。尋。病。源。也。方。書。誠。不。可。不。讀。而

私自發願徧遊各省。未幾而武漢義旂起。余則承乏江蘇省教育行政機關二年。此二年間。未嘗一日置此念也。以謂吾輩業教育。教育此國民。譬

計畫

病之所由來與其現象不一。研究執古方治今病。執彼方治此病。病曷能已。每遇自外國留學卒業歸者。輒以之相慫恿。顧鮮有能省。去歲十一月。省遣俞君子夷。陳君容。郭君秉文。赴歐美考察教育。一年而歸。余則銳以此役自任。異時彼此歸來。各舉所得。互相質證。以解決今茲教育上種種問題。是則余之願望也。瀕行。定計畫如下。

旅行

目的  
觀察天然物  
調查社會現狀

方法

求友 遊覽 訪問 晤談 演說 投贈 攝影 繪圖 購索

注重教育界人物及學校青年

圖物

照片 地圖 地方志 乘 官廳報告 各種機關報告 其他印刷物

此行誠以考察教育爲主。雖然教育者將俾其人克自適於所處之社會。以遂其生存者也。故離社會無教育。欲定所施爲何種之教育。必察所處爲何種之社會。凡夫一切現象。苟足以表示其一社會之特性。慣習能力者。皆在所宜。考例如宗教之盛衰。政治之得失。民業種類之差。別物價工價之消長。以及風俗習尚之異同。不可不三致意。此行並自任二事。其一、各地有志之士。則爲之紹介。俾互相結識。減其素居岑寂之悲。予以切磋相得之益。其二、各地教育上善良之方法。則爲之傳播。俾彼此交換所長。而促其進步。凡皆余此行之所有事也。此行純用私人名義。萬不敢以之自私。誠重視此旅行事業。以爲凡業教育者。斷不可缺此功夫。故竊願盡貢所得於教育界。俾各以間接有所獲益。此則旅行日記之所以刊行也。

此第一屆之旅行略定路由如下。

上海 南京 蕪湖 大通 銅陵 安慶 九江 南昌 饒州

石 之 園 瞻




景德 屯溪 徽州 嚴州  
桐廬 富陽 杭州 上海  
部署既定。邀得同行者二人。顧君志廉、漣清書記。呂君天洲、頤壽攝影。民國三年二月二十二日(日曜)晨雨。上滬寧早車。江君易園同往寧。受代教育行政未盡事務。巧遇楊君月如(保恆)顧君述之(倬)楊君子侁(鼎復)蔡君禹門)文遜劉君北禾(勳麟)劉君琴生(永昌)童君伯章(斐)於車次。皆省立學校校長。赴寧揚兩地會議者。入城交代事已。夜宿下關大治樓。二十三日(月)晴。晨入城。至省立法政

專門學校。訪鍾君叔進。福慶訂明日遊栖霞。將借栖霞行遊。山開幕式。焉。至省署。舊同事諸君子。設筵以餞。互爲贈答詞。並攝影。余亦挽呂君。爲攝瞻園景。園故明中山王物。於清爲藩署。今爲省行政公署。山石絕勝。備皴瘦透之妙。甲於江寧。諸園是爲旅行風景攝影開始。至青年會訪海以士君。復至公署。夜餐後。出城。晤袁君叔畚。希洛。易園子。侁伯章。均約遊栖霞。

二十四日。火陰。午前八時二十分。車赴孤樹村。此行帶有一統志及小方壺齋叢鈔等書。戲語同人。余此行。攜有大題文府。小題三萬選等夾帶品不少。易園曰。吾知之矣。非小題三萬選。而大清一統志也。伯章曰。此對絕工。然不如大題文府對小方壺齋之尤妙。

栖霞山故名攝山。其麓有栖霞寺。南唐隱士曰棲霞。修道於此。故名。今以寺名名山焉。自孤樹村下車步行。直抵山下。同行者叔進。易園。叔畚。子侁。伯章。志廉。天洲。外。又有徐君子美。與余而九。江君之僕。一繞山行。

栖 霞 寺




三四里至寺。

栖霞山屬大茅山脈。作山字形。寺當其中條之麓。今存瓦屋五楹而已。寺東向。門嵌入壁際。作東南向。和尚殆亦信堪輿家言。取東南方生氣。歟。佛座旁。張僧人規約。用民國年月。而其前。尚供皇帝萬歲牌。山北條之麓。有明徵君碑亭。碑完好。索拓本不可得。明徵君者。南齊明僧紹。隱居此山。寺後有塔。石壁上下。鑿佛像數百。五六尊七八尊。爲一龕。面目無相類者。高。手也。最奇者。曰達摩洞。鑿白石達摩像。在絕壁間。求一見大不易。和尚餉。



自樓霞絕  
頂俯視圖




余輩以麵。既飽。各折木  
 爲杖。鼓勇上。自達摩洞  
 對面絕壁。攀藤葛。獠行  
 方得一瞻禮。亟攝其影。  
 叔進行最猛。忽不見。伯  
 章稔其年者。曰聽之。春  
 秋五十矣。忍相強。耶有  
 水一泓。曰功德泉。其上  
 爲桃花澗。爲紫峯閣。清  
 高宗南巡。嘗五至此。有  
 句。畫屏雲。紫峯閣。乳  
 竇。春淙。白鹿泉。猶張寺  
 壁間。再上。得一嶺。佛像

益多不可數。碑工李禎祥殷勤爲導。且自和尚假得栖霞山志。指而示之。若爲千佛嶺。若爲紗帽峯。紗帽峯者。塊石突聳。平其頂。可立十人。其名於是山。殊不稱奇。其容咸自後繞以上。或坐或立。或斜倚。合攝一影。見者將疑何處。石工補此像。鬚眉如生。而面目無一相類。將嘆其技爲高絕矣。私心竊以伯章不來。後吾輩成佛。爲憾。再前行。過清高宗行宮故址。僅於豐草間見石礎二三。時山勢益高。寺也。佛也。澗也。俯視皆不可見。偶舉首。近山巔處。危坐一佛。禿其頂。訝此佛何獨尊。熟視之。則赫然。童君伯章也。皆大笑戲之。曰。童先生猶有童心。旣登絕頂。攝一影以志。時羣山皆在脚下。長江若臥。蚪汽車過。若行磐之蟻。童君指且告。若爲八卦洲。若爲黃天蕩。若爲划子口。易園曰。是謂登高能賦。舉物能名。下自中條之左。來時其右也。所過曰疊浪巖。曰珍珠泉。土人掘地取煤。斷石爲礮。利皆細甚。和尙雇人煨石爲灰。售以取息。叩其庸值。日錢三百。有爲人擔泥築隄者。叩其值。歲三十千。

車站之左。有結茅賣茶者。既下山。促膝團坐。以待車來。依表。車當以五時來。乃日落昏黃不至。村人一一散歸。有操湖南音者。詐爲尋兄失路。就余。輩乞錢。鐵道警察。復助之。乞叩之。皆湖南產。目灼灼。視其意。絕。叵測。時黑夜。荒村食宿俱絕。同人。不勝寒心。九時。車乃至。歸不及入城。皆宿下關。

二十五日(水)上午四時頃。上大福丸。住一號房艙。志廉友趙君魯璠爲是船執事。頗賴照料。諸人皆送行江干。可感也。午後二時。至蕪湖。魯璠爲介紹華洋旅館。先是臧君福根爲作書致水巡高海亭君。故行李上岸。絕未感困難。至西門大街。購得蕪湖地圖。係光緒三十二年邑人潘柱測繪者。略玩市景。至聖公會。訪鄭君和甫(平)未值。晚滄後。正籌畫明日參觀方法。有投刺來訪者。署皖江日報館總理譚秉鑑。明卿安徽太平人。一接談如舊識。譚君蓋從高海亭君得悉余來。不速。遂至余之於蕪。固亦不速客也。



二十六日(木)晨訪明卿於皖江報館。偕至聖公會小學。晤李君。是校高等初等共七十餘人。分兩教室。高等課算術。尙用筆算。數學爲課本。別設女學。學生四十餘人。以漢文及英文算學。分班。頗訝與一般小學異。校舍皆特建有草場。足供遊息用。

至西門內詹家巷乙種商業學校。訪校長于君遜成(椒膽)適在女子師範上課。遂至女師範。兩校相隔一巷。晤主任姚君愼思。(孟振)此校本私立。現改爲安徽

省立第二女子師範學校。然省費僅月補助二百圓。別由江蘇駐蕪米捐局撥二百圓。尙不能支。故教員多盡義務。去年有生二百餘人。今年僅到百十人。本科預科各一教室。高小二室。初小一室。校舍內外界限頗嚴。教員則男女皆有。時各級方上課。欲參觀教育課。姚君謂本科係初學。年未之授。有手工室。課裁縫。學生皆自攜材料。來年齡多數係二十左右。無過大者。以費絀。故不免有愁嘆聲。無從與談教育矣。

于君導觀乙種商業。有二年級生二十餘人。困於費不添新級。附設初等小學四十餘人。按單級編制。觀其時間表之排列。教授器具之使用。頗合法。于君謂蕪湖各校單級教授法尙傳自江蘇教育總會。當時派二人往學。歸設傳習所。流傳至今。是校懸忠信篤敬四字爲校訓。出示章程及所編課本。國文注重寫信及各種商業應用文字。重珠算簿記。則先授家庭簿記。以商務館出版者爲藍本。學生亦活潑。有精神。經費由商會月貼六百圓。

貧民小學

縣署之旁。設貧民小學。不收費。有生四十餘人。授以初小功課。按單級編制。懸小黑板。多方惜。未見上課。學生皆就廊下。或坐或立。習算於石版。晤其教員安君。蓋一免納學費之初等小學也。初未有其他。適於貧民生活之施設。

蕪關小學

蕪關小學者。兩等小學也。以關款充費。故能不逐省令。停辦之潮流。校址係舊中江書院。內有故袁爽秋太常祠。晤其校長吳松亭君。吳君舊係縣議長。對於時事頗致感慨。有生八十餘人。見上算學及手工課。手工授厚。紙工教授有法度。

省立第二  
農校

以上各校。皆在城內。出東門里許。見宏壯之校舍。則安徽公學現改爲省立第二農業學校者也。原係中學。嗣改實業。設農蠶商三科。去歲以費絀。商科停辦。欲兼辦中學不果。現存農蠶兩科。計農二班。蠶一班。共學生百餘人。現初開學。止到二十餘人。校舍特建。局勢寬敞。教室門窗部位均合法。但未有氣窗宿舍。每室置榻兩行。相對。每榻分上下層。兩

榻間有梯緣以上。博物標本理化儀器及農蠶各種器具保管得法。歷經變亂未有損壞。晤校長潘君仰仙（光祖）及各科教員略談農業教育。及蘇皖兩省聯合研究方法。有試驗場二處。未及觀。潘君留學日本畢業。法政者也。

明卿偶談及地方審判廳長顏子畏詢以是否廣東人名澤祺者曰是。亟訪之。蕪湖有地方廳有初級廳而訴訟事件大抵爲軍事機關縣知事警察廳所分故司法廳案獨簡就其性質論則刑事較多於民事若詐欺奸拐等事尤大多數皆坐土客雜處之故。昔吾聞蘇州訟事簡於上海亦屬此例。蕪湖縣知事某新到任公然出示放告輿論異之。二十七日（金）晨共明卿子畏攝影於李氏園兩君邂逅相遇而傾誠招待。明卿終日奔走導觀尤至可感。寫一詩貽兩君。

一官拋卻便疑仙。直拽春帆上水船。誰分蒼涼人海外。相逢邂逅使君賢。文章有力能移俗。哀樂無端欲問天。爲取贛江登庾嶺。鄉

心一片落尊前。

二君皆有和作。青年會鄭君和甫熱心任事。愛交遊。以余君日章之介紹。兩訪之於聖公會小學。鄭君亦兩至旅館。皆相左不得見。至是乃約午後三時三十分在獅子山聖雅各學校相候。子畏招午餐。於席次得晤商會協理粵商湯君善福。鈺泉深悉蕪湖米市近況。蕪湖爲長江米市中心。全盛時出口年約六百餘萬石。每歲陰歷正月亦必有四五萬石出口。今年陰歷正月初一至二十日出口僅四千石。計至月終極多不過一萬石。其故因蕪米運至廣州潮州者佔出口總數十之七。烟台寧波上海僅佔其三。而廣東商業自辛亥革命。商人有因緣以起家者。亦有因二次獨立受嫌疑。走香港。輟故業者。富商驟稀。而四鄉復多盜。交通阻礙。富家不敢出資營業。又有一絕大原因。則廣東全省方受困於三千萬圓之紙幣。小商大買。幾無一家不蓄。是物現金希罕如珍寶。運米往廣東承買者。寧依時價多給紙幣。莫肯易以現




金。此。正。月。前。二。旬。之。四。千。石。猶。賴。商。家。因。新。年。慣。例。須。卜。利。市。各。運。數。百。石。稍。撐。門。面。其。本。心。固。顆。粒。不。願。運。往。以。易。此。覆。醬。甌。不。足。之。紙。幣。故。蕪。湖。米。市。之。衰。據。老。於。是。業。者。言。爲。有。生。以。來。所。未。見。午。後。三。時。至。鳳。凰。山。萃。文。書。院。晤。其。校。長。美。國。人。徐。鴻。藻。君。是。校。房。舍。新。構。頗。壯。麗。學。生。百。人。係。中。學。及。高。等。小。學。程。度。未。及。觀。上。課。職。員。胡。君。伯。泉（天濬）去夏畢業金陵大學時。余往演說。故一見便識。集學生於堂。令演說。倉卒間爲略道『守規從令與將來受信用於社會之關係』四時。至聖雅各高等學校。校長美國人盧義德君。監學鄭君和甫。集學生奏樂歡迓。爲演說『實用教育主義之關係』既畢。盧君招至宅。偕其夫人。餉以茶點。盧君深以是主義爲然。謂美國亦有以學校所授材料。不盡切於實用。而主改革者。

二十八日（土）午前鄭和甫君徐鴻藻君胡伯泉君萃文書院監學李彤甫君見訪。殷殷下問。爲貢所見。

教會所立學校社會歡迎之者每以注重外國文故以余論之有特別之優點二有宗教以爲根柢故其檢束青年之身心較易鏗鏗禮拜之鐘琅琅贊美之詩較之尋常學校呆講修身枯坐欲倦其效力相去奚止萬里一也必有廣大之運動場行比賽競爭之方法較之尋常學校局促於書院神社之故址求一寬敞之庭園而不可得相去又奚止萬里二也雖然有大缺點焉於本國文往往未能注重以余往日所見延教員也選課本也與其他學校輒遜一籌此亦莫能爲諱者鄭君謂教會所設學校實亦甚重國文而苦於學者挾一專重外國文之目的而來未易奪其所好答以可設種種方法如校長教員時演講本國文之關係以時宣布注重本國文之宗旨或特別試驗其成績規定各種考試特重國文分數之方法或可漸移其趨向

偕鄭君及譚君明卿等遊驛磯山峭壁臨江風景絕勝同遊者踞其下攝一影山上有醫院美以美會所設層巖上下林木蒼蔚一絕好養生



處。過。禿。龍。山。李。淳。風。墓。在。焉。攝  
一。影。

蕪。湖。地。方。教。育。實。已。陷。於。可。憐  
之。境。去。冬。都。督。停。辦。全。省。學。校  
之。令。下。蕪。湖。各。校。校。長。或。教。員  
之。有。能。力。者。強。自。籌。款。支。持。然  
已。不。絕。如。縷。今。歲。停。辦。之。限。滿  
而。死。者。不。可。復。生。廢。者。不。可。復  
興。雖。經。地。方。人。士。竭。力。經。營。而  
各。校。學。生。皆。寥。寥。若。晨。星。蓋。社  
會。上。但。知。學。校。從。此。停。辦。初。不  
意。半。年。後。復。准。開。辦。也。舊。有。之  
中。學。師。範。皆。停。歇。而。教。會。所。設

警政及路政

一般狀況

男女中小學其就學者較之往歲大爲增進。燕湖警政形式尙好，警官逐漸改用北人或鄂人土著，日少警察站街。雖未見如何精神，而若揭示場、停車場、路名牌以及六言之文告成條之禁令，燦然具備，但路政失修，乘車者咸若醉漢，東扶西倒，莫能自主。評其成績，僅比南京今日之下關高一籌耳。燕湖各種文明機關，可謂應有盡有：有農會、有商會、有教育會、有醫學會、有律師公會、有鐵路公司、僅築燕廣段二十里土方耳。有電燈公司、全市電燈四千餘盞，頗足開銷，有男女戲園各一，生涯異常寥落，藝員幾無以餬口，醫院僅驛磯山一處而已。

夜上江新船赴大通。潘君仰仙家銅陵，知余遊銅官，其叔杏林先生特偕行爲之導。

三月一日(日)午前四時至大通。上蘆船候天明。至和悅洲。潘君杏林導入同仁局。晤章君讓卿(家祉)向局借紅船開赴銅陵。自大通往四十里。

午後二時至銅陵。上陸處古稱鵲岸。春秋楚伐吳。吳人敗諸鵲岸。卽此地。行四五里。經大小磯頭。入城。主於潘氏宅。仰仙乃翁杏仙。適送其幼子入學赴省。未見其戚章君鏡人。導遊全城一周。

銅陵城甚小。北枕銅鼓山。登山全城在目。大江界其西南。其南銅官之山。玉帶之水迴環。數十里外。佳氣鬱葱。寶光四溢。疑天無負於銅陵。顧其民瘠甚。家懸百結之衣。室有不煙之突。自洪楊劫後。元氣迄未能復。滿城瓦礫。市溝瓷石傾圮。幾與地平。城之水竇若大路。然水至且將與人爭道。無怪乎累歲被淹。居民愁嘆也。

## 大通之銅陵

言至銅官。下橫江。一舸風民貧。知地富。色古見山童。夜望金銀氣。春愁杼柚空。我聞正無限。遊屨徧南東。

二日。晨潘君杏仙歸。偕遊銅官山。縣知事祝君崧年爲備肩輿以行。過太白書堂遺址於草際。搜得太白石像。僅存半截。扶而立之。攝一影。

太 白 像



途次。潘君之甥自鄉入城上學。遠見自輿躍下。鵠立問候。為禮至恭。號稱文明發達地方。所未易見也。

行十里至山。山屬黃山餘脈。黃山自


銅官山

銅官鑛之  
交涉

徽寧間分二支。北行其西一支。終於銅陵。而銅官為其終點之最高峯。峯鈍角形。故近處不覺其高一至數百里外。則他山不見。獨見銅官。銅陵之所以名縣。銅官之所以名山。皆以產銅故。據志書。南唐時即設官採銅。其實所產不止銅。土人自誇五金皆有。今請先述銅官山之交涉始末。以明是山之關係。

銅官山大交涉。起於清光緒二十八年。其時撫皖者爲聶緝槩。由商務局與英商凱約翰訂勘鑛合同。立有期限。厥後遷延又遷延。展限又展限。至光緒三十一年。期限又滿。銅陵縣知事某君大有心人也。俟其月日既滿。不動聲色。一紙公文報省咨部。以並未如限開工等語。請先立案。皖人士亦出而力爭。向英人聲明。合同作廢。英人稱中外曆法不同。期限未滿。以前已派工程師前往開工。不能作廢云云。所謂工程師卽是案中赫赫有名之麥奎是也。頗聞凱約翰與麥奎實亦無力任此大工程。於是。一變而爲中英兩國合辦。再變而加入日商三井爲中英日三國合辦。吾國皆不之許。時使英大臣爲皖人李經方代表。皖人士赴京力爭者爲方履中(玉山)厥後不知費多少唇舌。多少筆墨。直至宣統三年始克以四十五萬圓贖回此礦。

民國二年。安徽省政府以財力不支。借日商三井二十萬圓指銅官山礦砂作抵。此爲新交涉。迄今未了。



徽州人程源銓者。去歲雇美工  
程師往勘兩星期。請於省。願繳  
前向麥奎贖回之價四十五萬。  
並代還三井借款二十萬。承開  
此礦。皖省行政長官及皖人士  
皆有允意。咨於部。部不之許。當  
時以鉅價易得之。礦路數十丈。  
銹壞不全之機器若干件。與麥  
奎所居之洋樓四五間。由方玉  
山派員保管至今。

山有老礦。宋時所開。有新礦。麥  
奎嘗於此試挖。而新礦之苗。遠  
過於老礦。滿山土石作黃色。赤



色間作綠色。任拾塊礫。能以肉眼辨見。中含銅鐵鉛煤諸質。潘君杏仙杏林昆仲。既導遊一周。憩於洋樓。保管員爲言。美工師稱百分中含銅六十。去冬全山自然發火。樹木焚燬殆盡。山麓去江岸僅十里。拾礦石數掬以歸。

潘君有別業在東鄉。自銅官山繞行以至茅屋。數間種樹養魚。極村居之樂。自題一聯。『樂水樂山萬物靜觀皆自得。種梅種杏一春無事爲花忙。』又自題長聯。有『比臥龍岡上何如』句。既小憩啜茗。爲題一詩。潘君謂地方困於生計。農事不進。吾將以是爲之倡也。

結茅自喜比隆中。路出銅官一脈東。三四寸魚半塘水。萬千竿竹數株桐。我來小駐遊山屐。世亂能高抱膝風。自是化民勤畎畝。不關豚酒羨年豐。

返於城。復書二聯。分贈潘君昆仲。以誌高誼。

深情抵江水。

古道照南山。

贈潘君杏林

稚子無憂。走風雨。

先生有道。出羲皇。

集少陵句贈潘君杏仙

三日(火)晨就潘氏宅主賓合攝一影。石洞耆人張君科臣(駿書)何君魯生(守中)來。暢談種樹法。

### 石洞耆

### 桐

銅陵全縣分十五耆者。耆者猶他邑稱圖稱保也。石洞耆在東南鄉。談者稱其民殷物阜。風俗勤樸。甲於他耆。其所設小學。聞其成績在銅陵城。縣立高等小學上。余未之見。其農產物主品爲稻麥之屬。與他耆無異。而其副品收利之厚。良可健羨。非用心研究者不能享此美果也。

二君爲言石洞耆係山鄉。故種桐最宜。其效用在取其子榨爲油。可以塗木材。使不易腐蝕。桐分兩種。一爲週年桐。每畝可種百二十株。下種三年後可收子。榨油十餘年。後須拔去。另種一爲千年桐。每畝可種五六十株。多至七八十株。下種五年後可收子。經七八十年。然後須拔去。另種。每株豐收時。年可得子十觔。次者亦可得五觔。每子二觔可榨得油一觔。每油一觔可售錢二百文。依此計算。大約每地一畝。歲穫必可。

易錢四五十千文以上。石洞者亦產茶。稱牡丹茶。以余之口福得於銅官山。親試嘗之。其香清冽。色亦可餐。又種葶麻子。收穫亦佳。正在調查製油法。爲函上海鍾君憲。邕朱君志堯共訪求之。

余詢二君以耆人對於教育之感情。答比來冷淡。以有中學畢業生數人去習法政。後無所事。故人頗疑。在校學成。後不足以謀生意。爲之阻。因告以宜注意。多送學生習農業。與師範兩種。皆根本計畫也。

參觀縣立初等高等小學校。晤校長胡君竹谿（青浦）及諸教員。潘君杏仙亦是校名譽校長也。高等生四五十人爲一教室。校長言一、二、三、四、學年均。有。且。有。五。學。年。生。故。算。術。理。科。教。授。極。困。難。閱。其。時。間。表。每。週。三。十。六。時。每。時。六。十。分。讀。經。二。時。今。年。新。增。英。文。六。時。初。等。生。四。十。餘。人。爲。一。教。室。亦。各。學。年。均。有。其。教。授。法。則。同。時。同。科。目。同。教。材。也。閱。時。間。表。每。週。三。十。時。每。時。六。十。分。尤。可。異。者。教。室。多。數。學。生。向。教。桌。坐。獨。

女學

近窗之兩行背向教桌爲余向所未見。至其光與氣無可研究矣。參觀公立女學校。適校長章女士晚芬。遭大故輟課。校無一人。閱名牌則甲班生十一人。乙班生四十七人。

潘君言各校均在改良計畫中。銅陵去歲全境有小學十五處。自停辦後。現陸續籌設。未能全也。

大通

知事祝君堅邀午餐。午後一時坐肩輿回大通。五時至大通市。渡至和悅洲。宿通安客棧。和悅洲本名荷葉洲。取其形似也。土人從而文之曰和悅。和悅之市大於大通。以形勢便利故。

和悅洲小學

參觀和悅洲初等高等小學校。校舍特建教室。光氣頗合。時已向晚。罷課不及觀。附設半日學校一所。其款均由本市籌給。校門之內設有閱報社。係地方公立。

大通市小學

四日(水)渡至大通市。參觀大通初等高等小學校。門外高揭一榜。硃墨燦然。余所未嘗見。錄之如下。

軍法科長銜銅陵縣知事大通學校監督某南二區正議長大通初等高等學校校長某爲

榜示事照得本校第二班學生修業年限業已滿足程度亦均合格理應畢業前由本知事呈請

安徽都督兼民政長倪核准在案遵於一月二日本知事親臨試驗評定甲乙並查考歷年成績別爲等差由本校按名發給畢業文憑除呈報

長政育民

外合亟榜示爲此仰該學生等一體知悉須至榜者

計開

甲

某某

等

四

名

乙

某某

等

一

名

中華民國三年一月十五日揭示

右榜通知

福音堂小學

安慶

初入一教室。學生三十餘人。似自習者。教員一。一喚至教桌前。教授既而休息。職員導至樓上高等科教室。學生席十餘。黑板書論語。君子不器。章至。子張學干祿。章全文。閱時間表。則每週三十六時。歷史地理多至。各五時。理科。圖畫。農業。各一時。英文。二時。方知適纔一教室。乃初等科教室也。每週亦三十六時。

參觀福音堂附設初等小學。有讀經數學格致聖經諸課。學生二十人。時方遊戲。中有外國兒童一。教員謂此爲牧師之子。遇遊戲時。共同遊戲。他課則否。其內卽牧師宅也。

夜十一時半。上江寬船赴安慶。

五日(木)午前十時至。寓二郎巷鴻陞旅館。

六日(金)午前訪內務司長李君斐君(國筠)暢談頗洽。爲述安徽財政情形。

財政狀況  
安徽全省歲入除鹽關歸中央不計外現可得銀六百萬圓其出款雖

安徽教育  
行政狀況



軍費甚鉅。而以其他行政種種節  
縮。停廢。故收支差可相抵田賦征  
收。光復後。未曾改章。地丁每額銀  
一兩。徵一兩三四錢不等。縣知事  
解正銀一兩。耗銀一錢於省。餘留  
地方用。省令各縣設財政局。清理  
地方財政。凡自治停辦後之自治  
費。地丁項下解省。餘款咸歸管理  
巡警團防與其他支出。咸歸支配。  
若論教育。自去年九月。倪都督下  
令全省學校停辦。一學期以辦學  
經費。移充辦團。於是。有匪之縣。移  
辦學。以辦團。無匪之縣。團未必辦。

而學無不罷。今年一月，省令六十縣知事調查所屬公立學校，歷辦成績，以其優劣定存廢。應辦之校，趕於二月開學。然而規復之難，甚於建設。學生一去不肯復來，學款一挪不可復返。以故六十縣全境無一校者。今尚佔三之一。至省立學校，前經規定師範中學各五，女師範實業等。稱是。今僅存師範三（省城、潁州、徽州）女師範一（蕪湖）中學二（省城、廬州）農業一（蕪湖）。此外省立初等、高等小學四，女子初等、高等小學二（省城、綜計省立學校經費自本年一月至六月預算僅七萬圓，亦儉矣哉。此皆得之人言。

第二小學

二時參觀省立第二初等高等小學校。是校高小二教室，初小四教室，共學生百三十人，皆通學。時已課畢，晤其校長王君子寬（平屋國文令背讀。王君謂不熟讀不能應用，修身每課前半時用教科書，後半時取近頃生徒行爲評示其當否，告以此法授修身，甚佳。最好分爲兩半節，而與他科合，或與操合，或與歌合，並與討論國文讀法。高等小學以上



之國文由應用而漸近於美術美術的文字非第求能解已也字法句法以有所本爲美以能運用成語成典爲美此非熟讀讀本不可私塾教國文病在不講而不在背誦固不必盡反其所爲而轉病矯枉過正也。

七日(土)八時參觀聖公會小學校會長嚴奇清君爲校長校舍特建在禮拜堂之旁但乏廣大之運動場聞有教士正在美國募貲謀擴充現有高小三級初小三級各五十餘人時間表載科目爲修身聖經國文算術地理音樂歷史習字作雜件作文圖畫其教科書算術用筆算數學物理用物理引蒙(書名未知是否但總似廣學會出版者)參觀時學生均在禮拜堂聽講經唱歌有攜書具後到者陸續入堂亦有校外婦女隨同聽講者俟其上課略觀教授附設女學與會長嚴君住宅相連學生四級共九十餘人參觀教授手工全體集大教室自由縫紉教師往來指示問教師以多數學生嗜何學科以國文對是校學生去年驟

學校與家庭

省立第一師範

增極注意聯絡家庭。每晚教員會集檢查學生遲到及不告假而缺席者。至其家勸戒之。不悛請其父母至校。由校長勸戒之。如父不在家者。由女教員至其家勸戒之。貧者爲免學費。病則爲送醫院免醫費。別有聖公會所設男女醫院。學生數之驟增。蓋有由也。於是校晤聖公會主教美人韓君。管理皖贛兩省者。

參觀省立第一師範學校。聞去年鬧風潮。受大懲創。其時行畢業試。省公署派員監試。甚嚴。初命題爲學生先期偵知。皆有所懷以入。爲監試員搜得。立易他題。學生大悲。欲毆監試員。不得。擲桌毀玻璃窗。全校秩序大亂。事聞於都督。立遣衛隊巡警往。取諸生以歸。其結果從寬責手心開釋者若干人。予以六個月拘留者二人。此二人。迄今猶在縲絏中。今歲重組織。與蕪湖第二師範併。校長謝君曉林（榮敬）教務主任王君德溥（多輔）皆新就職。現有學生甲乙丙三班。甲第二學年第一學期。乙丙皆第一年第一期。甲二十餘人。乙三十七人。丙三十六人。謝君向在

陝西辦學。以嚴肅著稱。爲示開校日訓詞一首。大意戒諸生勿惑於無法律之自由平等說。當尊崇孔道。以立品爲第一義。勤學爲第二義。衛生尙武爲第三義云云。且爲言所希望諸生者。以博文約禮四字爲歸。談次爲之進一解。博文約禮非教。師循循善誘。不爲功誘之一字。實孔子一生陶成後進絕妙方法。任師範教育者宜躬行之。尤宜使師範生身體而力行之。時初開課。參觀教授一堂爲代數。一堂爲修身。修身校長自課。用自編講義。而逐句講解之上。食堂起坐皆以校長按鈴爲號。極肅靜之致。校舍舊係書院。甚深而狹。殊不便於管理。土曜日行職員會一次。尙無附屬小學。教務主任王君。畢業於日本高等師範者。省立第一中學校長鮑君中遠。光照則少年新進派也。有學生三班。特注重科學預備。畢業後直接入唐山路礦學校。與上海工業專門學校。是爲有目的之辦學者。

八日(日)大風雨。

九日(月)雨。午前參觀聖保羅高等學校。校爲基督教聖公會創設。成立十二年。畢業三次。校舍。特建。校長爲麥嘉德君。分下班預備班。高等班。學生共百二十人。各班學科。於中文。中史外。有孔。經。一。課。課本。下班算術。用筆算。數。學。理。化。用。廣。學。會。本。參。觀。理。化。試。驗。室。儀。器。少。而。精。其所陳列。有。湖。北。產。各。種。礦。石。標。本。有。學。生。自。製。之。動。物。標。本。各。室。四。壁。俱張。圖。畫。參。觀。樓。上。寄。宿。舍。室。長。八。尺。廣。四。尺。高。一。丈。一。尺。容。八。十。人。楊不設帳。窗用升降式。外張鐵絲網。以阻蟲入。梯一。問。一。梯。是。否。嫌。不。足。麥君。答。現。擬。於。窗。外。懸。軟。梯。以。備。非。常。食。堂。以。教。師。六。人。坐。高。臺。監。食。臨。食。必。禱。告。一。工。人。築。校。舍。傷。足。特。許。在。食。堂。賣。食。物。爲。生。學。生。一。律。寄。宿。每。晨。上。課。前。晚。退。課。後。赴。禮。拜。堂。聽。講。道。二。十。分。鐘。禮。拜。堂。陳。設。極。莊。嚴。壁。間。嵌。有。銅。質。已。故。領。班。生。紀。念。牌。全。校。釀。資。設。立。者。文。曰。『某君爲本校領班之一。將畢業於主生後若干年某月日病故。公立此碑。以誌追悼。學友公誌』

參觀培媛女學。亦聖公會立。校長美國何永愛女士。校舍特建分初等高等兩班。初等三年畢業。高等五年畢業。現有學生五十四人。校址與聖保羅相接。旁有聖公會所設醫院。地勢寬暢。皆有極大之運動場。師生共同運動。與一般學校束縛拘苦者大異。

參觀省立第三初等高等小學校。學生百五十人。多通學。時適午課畢。放學。與校長劉君季威文虎略談而返。

午後。參觀省立第二女子初等高等小學校。校長劉友菊女士(世杰)於校務頗盡心力。初小一年二十四人。二年二十八人。高小二年十六人。參觀各科教授。算術。能用開發式縫紉。課學生自製衣服。高小單袷衣。皆本生親製。課餘令學生習蠶桑。有學校園。在經營中。表簿亦略備。校多通學生。乃仿日本辨當式。製橢圓形之食物匣。令試用之。

晚。各校公開歡迎會於師範學校。出席者。男女各學校職員。暨師範學校師範生。可二百餘人。令余演說。略述實用主義之趣旨。復於小學教

育。女。子。教。育。師。範。教。育。並。對。於。師。範。生。皆。有。所。贈。言。而。對。於。各。學。校。則。歸。納。於。利。用。機。會。一。語。校。長。教。員。多。與。學。生。接。觸。乃。得。考。察。其。各。個。之。性。行。而。施。相。當。之。訓。話。若。呆。講。修。身。空。談。德。育。既。無。深。厚。之。感。情。必。不。能。養。成。正。當。之。意。志。不。如。就。學。生。日。常。所。接。觸。之。事。物。與。其。自。身。發。見。之。現。象。而。乘。機。實。施。訓。練。所。謂。利。用。機。會。也。若。對。於。學。生。有。所。命。令。或。訓。戒。宜。多。用。語。言。少。用。文。字。否。則。非。隔。闕。而。生。漠。視。即。因。誤。會。而。起。枝。節。無。益。有。損。

第一女子  
小學

十日(火)陰。午前參觀省立第一女子初等高等小學校。校長江桐士女士。學生分高小二三年。初小一二年。共百三十人。本係兩校。近始合併。略觀教授。

學生不合  
理之要求

近頃學生每有程度不及而要求升級。甚至以罷學相挾者。此殆科舉初罷一種相沿未斷之惡濁思想。騫虛名忘實際。心目間但知有文憑。不知有學業。其舉動不值一笑。而學校處置是種舉動。竟有見好學。

生遷就。允許愛學生乎。害學生耳。是宜決然拒絕。以極誠懇之意。思極剴切之訓話。使之恍然覺悟。校長一人之力不足全體。教員共教戒之。猶不足延學生所信仰之舊職員。或地方負聲望之老成名宿來校。特教戒之全體。訓話無效。招主動學生。密室教戒之。聚其精神。多其方法。務俾知悔教育者。全於此等處。猛下功夫。苟其效也。因此一要求而學生思想獲進一步。因禍爲福。轉敗爲功。此卽利用機會之說也。

聖保羅學校麥嘉德君招演說。乃先餉以午餐。語麥君學校來賓演說。本亦教育上一種方法。第來賓不悉學校內容。苟所言不能對病發藥。猶無效也。麥君令演說。注重國文。從之。培媛女學亦集全體學生。令演說。先之以樂歌禱告。爲說國文算術兩科。宜注意應用與學校不可拋棄家庭生活。

余觀於外國人之爲校長教員。日與學生親課餘。共同遊戲談笑。權洽無間。是日在培媛女學演說。畢學生退入運動場。爭圍繞其教師。牽衣。

握。手。如。羣。兒。之。媚。其。慈。母。吾。國。各。學。校。校。長。教。員。反。是。方。其。退。息。未。嘗。不。劇。談。縱。謔。自。相。尋。樂。及。至。學。生。來。前。則。立。變。為。凜。然。不。可。犯。之。容。使。人。卻。步。二。者。所。施。不。同。而。其。結。果。亦。大。異。孰。得。孰。失。願。教。育。界。共。研。究。之。

第一小學

習字教授

十一日(水)午前參觀第一初等高等小學。學生百二十人。觀時間表。無大異。所異者。體操兩節。連續教授習字。以無教授之必要。令學生在家自習。上手工課。以初小二三年生之程度。而黑板命題為直角不等邊三角形。色板排成八角形。云云。恐非其所瞭解。

近頃學校各科教授法。他科不過優劣之差。獨習字。直是無教授法。往往教師呆坐教壇。一聽學生自由練習。絕不過問。迨學生繳到。亦惟隨手擇尤。加圈發還了事。若此誠不如聽其課餘自習之為愈矣。雖然習字。豈真無教授法哉。

法政學校  
安徽法政學校當全盛時在省城者四所。省外亦有之。每校多者千人。



少亦數百。今省外無復有存焉者。而省城僅江淮大學一校。部令改爲專門學校。擬歸省立而未果。偶往參觀。學生到者僅數十人。九日之會。時間匆促。未能盡意。訂各校教職員今日來談話。午後咸集。有以管理寬嚴爲問者。有以處置生徒缺席爲問者。有以教員兼任校務之得失爲問者。有以習字教授法爲問者。有以珠算教授法爲問者。有以現行教科書文字深淺爲問者。相與討論至晚乃散。十二日(木)懷寧縣知事徐君茗樵(旭)邀觀懷寧中學。就鳳鳴書院改設校舍。未甚合式。亦不敷用。學生兩班各僅十餘人。一班今年畢業。一班明年畢業。費絀。學生少。故乏興會。省城中學校獨盛。一省立。一府立。此爲縣立。頗有人倡議歸併。略觀上課。學生年齡有甚大者。凡考察。僅至省城。必不能得一省之真相。余於省城外頗注意偏僻之縣。聞皖六十縣最瘠苦者。東流與績谿也。東流去省近。乃借紅船往。此行得省署教育科長董君亨衢(嘉會)殷勤指導。最所心感。

東流

生計

十三日(金)微雨。舟泊東流江干。登岸約里許。卽入城。東流城臨江。其城之大。試以里計。恰合算書所云。圍三徑一。城南北有塔二。其北臨江者。土人名其塔址曰水牛。其南塔址名曰黃牛。農地之民習見牛。往往以牛名物。猶北人習見河。以河名一切水。南人習見江。以江名一切水也。城有五門。而北門不啓。相傳清光緒初年。曾開此門。有朱某者。以左道割人髮。伏法。故人益信。開此門。地方必殺人。相戒不敢復開。出入寧遠。繞他門以行。全城商店數十。最大者資本不滿三百。千文。飯店僅一家。兼留客宿。鄉有互五里。無人烟者。全縣人口。詢之縣署。謂約七八萬。確否不知也。

農產物大宗爲稻。其次爲麥。爲棉。然有田而無溝。洫水稍漲。苦淹。稍落。苦旱。時復苦蟲。去歲大蟲。故田成熟難豐。歲一年所穫不足供邑人。四個月之食。田甚賤。有持贈而莫肯受者。人工品僅土布一種。質至麤劣。其成也。女紡紗而男織之。產額微甚不足給。自衣女無貧。富足皆織甚。

疫

司法

田賦

建築

初等小學

故無能操作。

地多疫。以飲惡水。故友人戒余。此去必自攜水。否則大危。邑有古井。題

曰汲福。土人以其水。夏寒而冬溫。指為神明。所憑。

審檢廳長某君為告余。民本質馴良而好弄。小狡滑遇事不肯遽供實

情。稍加威嚇。亦即吐實。訴訟事不多。而民事多於刑事。民事田土多而

錢債少。但無論銀錢田土。其額甚細。亦可見人民富力也。刑事竊多而

盜少。全縣實徵地丁銀四千餘兩。每兩帶征學費四十文。警察費五十

六文。漕米二千石。每石學費警察費各九十六文。串票捐每紙十文。以

四文充學費。餘充辦公費。

城之中央壞屋一所。丹牆斑剝。土人告余。此聖廟也。東城天主堂。則白

板門二。其中瓦屋三間。為行禮拜之所。出東門一片荒涼。但餘數樹。桃

花作慘紅色。掩映破茅。頽壁間而已。

初等小學。聞鄉間有一所未之見。城內一所。設城隍廟。內往觀。未見教

師。有。學。生。男。七。八。人。女。一。人。在。殿。後。自。習。窗。之。大。縱。橫。僅。各。尺。許。所。讀。爲。商。務。本。國。文。教。科。書。及。論。語。除。大。殿。懸。黑。板。設。課。桌。外。宛。然。一。私。塾。也。學。生。頗。能。爲。請。坐。奉。茶。等。酬。應。語。於。吾。輩。出。送。之。門。其。活。潑。可。愛。而。容。服。甚。穢。

高等小學

縣立高等小學一所。在西門外菊江亭故址。亭爲陶淵明憩息所。今不存。尙於教室梁間供靖節木主。堦下有碑。載前清雍乾年修葺緣起。地臨大江。風帆沙鳥。出沒可數。學生不納學費。及膳宿費。然僅得三十餘人。分二教室。而程度卻相等。惟不納費。故雖城居者。亦膳宿校內。以兩廂爲自修室。自修桌特製而室甚黑。教科目按之部章。缺手工而增讀經。每週三十六時。全年費二千七百千文。據校長言。

午後四時。下舟。風猛。不得行。

雷水  
望江  
十四日(土)黎明。舟行四十里。至望江華陽鎮。雷水自鎮南入江。庾亮報溫嶠書。無過雷池一步。卽指此鎮。較大於東流城市。步行十五里。至望



王祥卧冰空

江城東門外有塔不知其名登塔則全城在目城之西岡陵蜿蟺長亘百里有新栽之松數叢城外有長隄有水曰寶帶水渡船二以二索各貫纜之端橫於水面欲渡者自循索移纜端引船達彼岸有飯店有筆墨店有烟葉店有爆竹店東流無設肆專售一種物者此則由普通進於專門矣有三孝祠祀王祥孟宗徐仲源三孝子敬謁之縣知事王君覺民爲言全境去年有小學若干所自九月奉省令停辦今尙未能規復城內初等高等小學定期開課在即而學生未集無可觀民生至苦沿江有長七十里寬八里之荒灘正擬從事築隄



開墾。邑之腹。地種稻。而濱江。宜棉。云出  
城南門。過臥冰池。攝一影。由吉水鎮返  
至華陽。易望江紅船。  
十五日。日行二十五里。至馬當上岸。山  
下商店數十。成小市集。山頭有礮臺。沿  
江上。戍兵遙阻。急揭示護照。既驗明導  
以上山形。似馬。有首。有背。自仄徑上馬  
首。卽峭壁。突入江心。如劈處也。迤邐至  
馬背。登極峯。江流曲折。如繪。遠望小姑  
凝妝。以待矣。至山之形勢。與其設戍之  
布置。事關要塞。非所宜述。  
午風大作。舟近小姑山。不得泊。泊彭郎  
磯下。有寺曰龍津寺。神龕前題曰小孤

彭澤

二童聽講

詩

高等小學

初等小學


娘。娘。循。江。西。行。五。里。至。彭。澤。因。山。爲。城。其。北。臨。江。東。西。南。三。方。雉。堞。皆。遙。在。山。頂。東。曰。東。山。危。崖。千。疊。西。曰。西。山。下。有。讀。書。巖。宋。石。振。攜。三。子。讀。書。處。黃。魯。直。爲。之。題。今。之。字。非。魯。直。書。矣。山。麓。孔。廟。其。正。面。當。東。山。之。南。有。小。峯。二。爲。狀。至。恭。土。人。以。其。正。對。孔。廟。字。之。曰。二。童。聽。講。西。山。脈。盡。處。有。石。臨。江。如。鏡。遙。對。小。孤。名。鏡。子。山。土。人。告。余。此。小。姑。妝。鏡。也。

彭澤

我。行。彭。澤。縣。暨。舍。小。孤。舟。古。柳。巖。虛。抱。靈。潮。鏡。暗。收。西。山。二。童。子。東。魯。一。尼。丘。聖。教。自。無。類。空。勞。汝。點。頭。

城。有。高。等。小。學。一。校。長。周。君。未。見。見。其。庶。務。員。丁。君。學。生。三。十。餘。人。分。兩。班。多。寄。宿。去。歲。有。六。十。餘。人。不。收。學。費。略。收。膳。費。然。不。盡。繳。也。校。舍。舊。係。書。院。薄。有。基。本。產。故。肯。納。費。者。鮮。學。生。最。長。者。二。十。歲。歲。支。經。費。三。千。圓。本。年。減。至。二。千。圓。城。內。初。等。小。學。去。年。規。設。五。所。以。附。稅。爲。省。所。提。今。年。止。成。二。所。而。費。

小孤山



尙無所出。兩校各有學生三十餘人。是日爲日曜日。學生留校溫習。舊在私塾所受三字經四子書龍文鞭影等教員監視之。午後五時尙未散校員謂星期學生遊蕩無事且不如。此無以合社會心理。星期日外固不讀此書也。時間表列脩身國文算術體操四科。每日四時兩校一致。

十六日(月)風息。登小孤山。寺門臨水。當山之西北。舍此無由上。寺名啟秀。爲樓四進。後樓之趾當前之頂。愈進愈高。樓盡處石梯。嶄絕懸。



詩

鐵鍊緣以上得竹林林盡則絕頂矣有樓曰梳妝樓塑女像樓前鏡奩  
數事計自水面至絕頂得石梯三百八十餘級寺門左偏峭壁鑄海門  
第一關五字同遊者就其下攝一影

午後無風舟曳繚以行擬宿中甲口不得相去十里宿

十七日(火)西南風大作復逆流至中甲口不得進乃議折回華陽改乘  
輪船過小孤成四絕

在昔三年一相見茲行三見小姑山玉容微俯肩如削絕世風姿

縹緲間

宜嗔宜謝馬當神離合誰能證夙因人定自然天莫勝不如人意  
轉如人

人心天意兩疑猜一道風帆去復來有福歸逢妻不妬今朝飽看

小姑回

明朝三見小姑山一棧遙飛未等閒巫峽雨雲枉朝暮清波終古

此靈巖。

晚舟泊華陽對岸香口鎮宿。

湖口

十八日(水)午後一時上美大船。晚六時頃至湖口。泊輪處去城尙五里。雇漁舟載行李運至城北門外。天黑入小客棧宿。小輪泊處卽在城外對岸。敬勸遊客至湖口者宜搭小輪萬勿搭大輪。若黑夜孤客此境絕危。一遇風雨更復難堪。不可不慎。

十九日(木)參觀湖口縣立高等小學校。校舍係舊時考棚。初通刺謝以校長他出同行者私告以余曾爲江蘇教育行政官且道來意旋教員周君在蒲出見繼校長張君衍琛亦至極荷殷勤招待是校係癸卯年創辦曾畢業三次現有學生甲班見十三人乙班六人校長言尙未齊到齊到可得四十人。程度甲班第三年第二年合級乙班第一年但均未在初小畢業。年齡多數在二十左右。其經費除基本產息五百千外以各種雜捐撥充併計年可得錢二千千文左右。教員三人校長兼教

高等小學

員一人不收學費。僅收膳費。每生錢二十千文。校長兼教甲班國文。以事忙故。國文每週僅七時。而增歷史。至五時。謂歷史亦國文類也。甲班每週三十三時。乙班三十二時。唱歌稱音樂。乙班多至每週三時。歷史亦三時。

參觀教授。甲班英文。乙班手工。手工新增於黑板上寫手工教授之沿革。一節似於高小不甚相宜。索閱國文成績品。見所命題大抵爲兩漢史論及四書義。學生頗有能文者。而全乏新思想。中有一題爲專制政體改爲共和於民之苦樂如何。原本殊泛且腐。評語貶之。而未曾爲之改算術。從前授至代數。現專授數學圖畫。前授幾何。畫現僅授鉛筆畫。詢以比年校風。校長言頗未因共和而流於放縱。

湖口縣小學光復前有二十餘所。光復後多至四十餘所。其經費於地丁每兩征三千文外。附征二百數十文。漕米每石征四千文外。附征四百文。均充學費。中學經費近奉令提省。幸未及小學。然去年事變。地方

學。欸。爲。前。知。事。攜。去。故。今。年。現。開。者。僅。三。之。二。餘。以。無。欸。停。閉。城。區。去。年。有。小。學。四。所。今。存。二。所。均。張。周。二。君。言。二。君。又。言。四。鄉。小。學。有。讀。經。者。城。中。則。恪。遵。功。令。不。讀。其。意。甚。不。以。小。學。讀。經。爲。然。

第二初等  
小學

午後參觀城區第二初等小學校。校舍係用現成公屋光線尙好操場借用天井。晤校長張君學敬。學生分甲乙兩班。甲爲第一第二年。得十六人。乙爲今年新招者。得十四人。於一教室教授。別有女生四人。設坐位於教員預備室。每週二十二時。每時五十分。科目爲修身國文算術體操手工圖畫唱歌。歌與操併爲一節。頗合。但同學年國文算術不用同程度之教科書。各科均由張君一人教授。去年月薪十千文。自膳加雜用二千文。今年減爲五千文。張君畢業本縣高等小學者。承指令學生面講國文。頗不誤。學生不收學費。

第一初等  
小學

參觀第一初等小學校。校舍不如第二遠甚。學生一堂二十餘人。內有


女生年齡均稚。此二十餘人。新生爲多。亦有去年來者。程度不等。時間  
 表。無有其科目。爲脩身國文算術手工四種。無體操。每週授課三十  
 二時。晤校長吳君耀東。承令學生面講國文。均不誤。學生不收學費。  
 參觀美以美會所設女學。學生三十七人。均通學。係高女士一人教授。  
 其母助之管理。每日上午授國文算術讀聖經。下午教手工。學費年收  
 一元。貧者半元。給以書籍筆墨等。高女士本縣人。是校開辦及三年。  
 沿江一帶。天痘盛行。亟宜普種。牛痘爲預防計。在安慶曾爲學校校長。  
 言爲行政官。言頃至此。更烈。兒童死者甚多。每於小學校內。見痘癩未  
 淨之兒童。亟告以種種關係。此間種牛痘者。無有惜同行者。未攜痘苗  
 與器具。否則活兒且不少也。

湖口城南北甚長。倚山臨湖。而枕江市。大於彭澤。惟倍其南。盡處爲上。  
 石鐘山北盡處。爲下。石鐘下。石鐘以能鳴。故人皆揚下而抑上。余遊下  
 石鐘。其巔駐兵。門阻不得入。僅於石趾。見有所謂仙人洞。今知事魏謙



光紀念碑及坊舍之雇小舟蕩於上石  
鐘之下怪壁插天其臨水處無片石不  
玲瓏剔透時則落日滿湖一波不起雙  
漿容與心神爲之灑然絕壁有鐫英雄  
石三字者就其巔獨攝一影覺此行所  
見石以此爲最矣小舟隨流以至下石  
鐘其石壁險削亦頗可驚而較遜於上  
石鐘臨湖有巨穴一舟子謂其中甚深  
有古棺以鐵鍊懸於崖際惜水落不能  
上穴口險峭巨石欲墜能豎人髮鐘聲  
則未之聞也購縣志十二冊得讀古來  
遊石鐘山者所爲詩文次東坡韻成二  
絕。

不平物乃鳴。江濤息無日。誰激石。使聲漁謳。擾清逸。夕陽紅滿湖。怪鶻破空逸。萬籟一時休。吾遊且永日。



二十日(金)晨再登下石鐘。無門焉者。昂然逕入。卻了無足觀。亭榭樓閣大都爲軍人污損。臭穢不可近。繞行自後山下。攜行李雇小舟上小輪。重過兩石鐘告別。午後五時半抵九江。

人。現因校舍之一部分駐兵。不能多招年費三千餘圓。學費不收。參觀。二十一(土)午前參觀德化縣立高等小學。開辦一十餘年。畢業七次。校長張君崑山。未見。見庶務員孫君。國文教員張君。現有學生五十九人。稱甲班乙班丙班。實則第三第二第一。年均年底畢業。去年上半年有生九十。

縣教育概況

女學

初等高等  
小學

各科教授俱用演講式。有一事異於他校者。每晚六時半至八時半。自習。通學生一律於四時去。六時復來。訪悉德化縣教育概況。城有縣立高等小學一。兩等一。初等四。女學一。回教立清真小學一。舊九江府立中學一。校數視光復前無增減。去年上半年鄉間小學有二十。三十。所現存十餘。所頗聞是縣新舊城鄉土客不無意見。故辦學者殊感困難。女子兩等小學。尚係癸卯年創設。初私立。現改公立。晤教長蔡清和。本張女士。學生八十人。寄宿二十餘人。高等十四人。爲一室。學年不等。中四五人。今年可畢業。初等六十餘人。分兩堂。年齡有逾二十而已。嫁者。蔡女士本在教會立學校。爲國文教員。因意見不合。故創此校。意頗注重。國文脩身。參用四書。爲教本。大街之上。嶄然新建築。是爲縣立初等高等小學校。校長鄔君銘。心義務職。未見。見職員張君小宋。係集同志創此校者。於校務頗熱心。既添




校舍明日將開會落成。惜余有德安之行。不克與。高等生三年僅八人。二年二十人。此間有極困難之一端。遇中學校招生時。高年級生紛紛。應考。故如三年原有四十人。大都不待畢業。卽入中學。近來中學復因人數不多。設旁聽。生趨之者益多。大爲高小累。觀教授復索觀國文成績。大都爲論說題。其思想總在歷史方面。高等授商業。公款各項收入一千餘千文。有不受薪教員二人。

參觀第三初等小學。其校址一神社也。前殿爲操場。教員一人。月薪一百四十千文。學生二十人。內女生二人。不收學費。皆通學。是校有特異處。午前九時半放。早膳。午後三時半放。晚膳。故八時至九時爲第一課。十一時至午後二時爲第二三四課。四時至五時爲第五課。蓋此間學生家庭多一日兩餐也。僅見溫習。未見上課。

二十二日(日)預定行程。至九江後。當之南昌。時南潯鐵路未告成。坐輪船往較便。但南潯路已築至德安。頗擬乘車一往。乃以晨九時行。車每

安 德



日往返各一次。客少。故時刻不甚準。南潯鐵路爲以商辦名義。用借外債。未經收歸國有之一路。現所告成之九江德安間一段。長一百六里。又百分里之八十。據鐵路中人言。若工事不停。則今年四五間月。可築至建昌。明年下半年。可築至南昌。是路發起最早。以商辦名義集股。聞僅得百萬左右。中間不知經歷多少曲折。至去年。乃獲與日人訂約。借得日銀五百萬圓。年息六釐。工事始得漸次進行。但直築至南昌。則萬萬不敷。江西爲木材產出地。德安以上枕木。採土產松木。參合用之。省費不少。橋工

德安

之最鉅者爲山下。渡一道尙未着手。建築九江至德安間。遠近山坡。徧種林木。生機蓬勃。與沿江一帶大異。德安土貨以米麥爲大宗。次則桐油菜油之類。皆裝車運九江。若開車至建昌。則土產較富。茶紙漆麻夏布等物。出於是途。現均走吳城水道。德安車站在城東門外。既至。渡濠入城。城市尙不如彭澤。殆與望江彷彿。今日爲日曜。不及觀學校。惟路過私立沈毅小學校。略觀其設備。敷淺原一云在德化縣南。一云卽廬山。聚訟頗紛。出南門。詢野人以敷淺原。皆莫識。嗒然遂返。


德安訪敷淺原禹跡不得

九江東。滙桑落。尾百里南。尋敷淺原僻地。遂荒神禹跡。仙居空記。老農言桃花野渡。春如夢。烏石名門霧。半昏猶見山。民生事。厚油。油新木。綠千村。

南偉烈學校

二十三日(月)午前七時半。南偉烈學校校長庫非思君學監胡其炳君

招演說。校為美以美會立。舊稱同文書院。高屋廣場。學生近三百人。其現設各級如左。



預科(補習性質)

清晨。冒。大。雷。雨。往。全。體。學。生。集。大。講。堂。首。唱。歌。次。學。監。問。各。級。告。假。學。生。姓。名。次。祈。禱。次。聖。經。問。答。次。余。演。說。注。重。國。文。於。莊。嚴。之。儀。式。中。寓。活。潑。之。精。神。殊。難。得。正。課。以。外。有。文。學。競。爭。會。分。演。說。辨。論。背。誦。唱。歌。誦。詩。報。告。新。聞。等。皆。用。英。語。教。員。為。之。評。判。於。土。曜。晚。舉。行。有。青。年。會。分。佈。道。團。祈。禱。會。唱。歌。等。於。月。曜。水。曜。等。日。舉。行。至。日。曜。日。學。生。之。行。

爲規定如左

午前八時半

青年會祈禱會

青年會員出席

九時

分班講談教旨

全體出席

十一時半

正禮拜

全體出席

午後二時至三時

主日學課(背讀聖經畢分班授讀)

全體出席

全地舉行耶教會同  
時舉課題亦同

六時

務德會演講

以美會會員出席全地  
美會同時舉行講題亦同

七時一刻

晚禮拜

全體出席

是日舉行正禮拜時教員雖不奉耶教者亦當出席由此以觀同一日  
曜日視教會以外之學校學生全日遊蕩浸淫於不良社會中者其相  
去爲何如耶

九江中學舊爲九江府立自府制廢尙未正名省立校長由民政長委  
任經費則仍以舊書院產息年六千餘圓暨舊九江府屬五縣附加稅

院 儒勵女書  
院 諾立女書

充之學生百十人稱丁班戊班己班蓋以開班先後定名者數十年後  
千支名用盡將何以名之是不如稱第幾學年之較明確也丁爲第四  
學年戊爲第二學年己爲第一學年另設旁聽生同入教室聽講但無  
考試無記分其爲學生權迎可知雖然以普通教育性質之中學校而  
收旁聽生異乎吾所聞矣晤校長楊君升皆(凱元)率貢此意未悉能聽  
受否學費不收每年膳費丁班十六圓戊班二十圓爲一種二十四圓  
爲一種已班三十圓蓋前後定章不同故參差若是亦可異也年齡小  
者十三歲大者二十七歲頗聞此校風紀不甚好學生有干涉教員進  
退之舉楊君非本地人初就職訐之者甚烈  
前述南偉烈學校高屋廣場其旁尙有兩女學焉皆美以美會所立宏  
敞稱是一爲儒勵女書院專收未嫁者分中學高等小學初等小學均  
四年畢業另設幼稚園一爲諾立女書院兼收已嫁者以師範科爲主  
六年畢業每年開兩班現有十二班兩校學生各百六十餘人宿舍皆

患人滿諾立則有附屬小學五十四所分設皖贛鄂三省交界處畢業者皆得爲教員故來者大盛其左近有婦幼醫院石美玉女士所創設女學畢業生亦得入醫院習看護若干期間卽在院任看護但以信耶教者爲限石女士九江人留美學醫畢業歸設此院成立二十年矣極得社會信用兩女學皆囑余演說爲說教養子女管理家庭爲女子應盡天職儒勵校長李女士諾立校長胡女士皆美國人

二十四日(火)

九江商務表面雖尙好內容實不堪其總原因在金融停滯從前各銀號銀行所放現款總在三四百萬以上現合江西民國銀行交通銀行日人臺灣銀行民國儲蓄銀行四家所放市面現款併計僅得前數十之一進口以洋貨爲大宗雖流行之區域漸廣而以購買力之耗弱故近年無大增減出口土產茶爲大宗次則雜糧年約二百餘萬米則本地所產差可自給未准外運若夫茶市紅綠兩種全年產出額不過三

十萬箱。價值約銀六百萬兩。左右較前年僅得百分之八。五。茶商分兩種。其一專向產茶各地收買草茶。自行焙製。名曰草茶。棧。其二收買產茶各地已經製成之茶。兼收買草茶。棧。所製之茶。分別裝運。漢口。上海。銷與洋商。名曰絲茶。棧。此等茶商。資本較厚。從前兼業絲茶。兩宗生意。今則絲茶分離。而仍沿舊稱。惟資本厚。故兼貸。欸於草茶。棧。取其息。而卽定買其貨。蓋以茶商而兼放銀。取利爲業者。草茶。棧。所收之茶。爲瑞昌。龍港。通山。義寧。武寧。河口。等處。皆在九江。西南。其茶紅綠。皆有。此外就地製成。而爲絲茶。棧。所收買者。三種。曰祁門。茶。產於安徽之祁門。建德。江西之浮梁。等處。曰寧州。茶。產於江西之義寧州。及武寧等處。以上皆紅茶。曰婺源。茶。產於安徽之婺源。江西之德興等處。爲綠茶。此三種。皆在九江。過。儼而已。紅茶。運往漢口。綠茶。運往上海。皆聽洋商開盤。定價。華商無權焉。別有俄商。兩家在此設廠。收買各地次等之茶。製成茶磚。運俄。銷售。則併我焙製之工業。販運之商業。而奪之。此聞之商會總



廬山

理舒先庚君暨洪君曉雲。

參觀聖公會立聖約翰中學。附設初等小學。女子初等小學。土曜午後。學生得由父兄請假回家。日曜日午前。預備道學課及正禮拜。午後。道學課及晚禮拜。略如南偉烈。余演說。學求實際。晤聖公會監督美國人林君。夜。會長聶其清君復令余在閱報社演說。

二十五日(水)擬遊廬山。風雨不果。欲即赴南昌。而南偉烈校長庫君謂風大。過鄱陽湖。殊險。依氣壓表不日且晴。乃止。

二十六日(木)天有晴意。十時半。起程上廬山。自九江至蓮花洞。二十五里。自蓮花洞至山巔牯牛嶺。十八里。外國人於九江及牯嶺各設公司。爲遊客代辦山橋及挑子。規定一橋四夫。自九江至牯嶺。二圓。四角。挑子每名六角。余輩三人皆立意步行。向公司雇挑子二。肩行李以從。十里至十里坡。又七里至華封橋。皆平地。過橋神社。設小學校。曰德化西鄉。第一初等小學。學生三四十人。就神龕左右爲教室。羣兒雜坐。教員

牯牛嶺



方。上。地。理。課。繪。地。球。於。黑。板。隨。指。隨。講。學。生。則。七。縱。八。橫。有。背。師。坐。者。蓮。花。洞。爲。小。市。集。當。山。北。麓。一。徑。曲。折。斜。上。石。級。層。累。直。抵。牯。牛。嶺。五。時。乃。至。宿。胡。金。芳。客。棧。胡。其。炳。君。所。介。紹。並。爲。介。紹。蔡。君。廣。田。蔡。君。舊。同。文。書。院。畢。業。復。留。美。畢。業。現。任。牯。嶺。租。界。公。事。房。副。辦。既。相。見。導。遊。租。界。一。周。廬。山。絕。頂。高。出。平。地。四。千。五。百。尺。牯。嶺。高。出。三。千。五。百。尺。在。廬。山。中。心。而。略。偏。西。北。據。廬。山。志。

其地舊號長衝。地長且平。兩山環之。泉水甘美。夏不苦熱。今之租界面積。南北長約三里。東西寬二里。居留者之國。凡七。英、法、德、美、意、瑞、威、日本。今請略述此行訪得之歷史。與其現狀。

距今二十年前。美人李德立。向廬山某秀才。以銀二百圓購地一方。不立界址。用李名向官廳納契稅。官廳誤爲華人。李姓德立名也。既給印契。驗爲外國人。大悔。亟與交涉。無效。乃捕賣地者。久之。案擱不問。外人乃續購地。遂有今日之面積。至滿清末年。始禁賣地於外人。而外人則改賣爲租。仍復推廣。民國二年。乃下租賃並禁之令。立石劃界。此租界之有。則民國官吏較勝於滿清之所爲也。然所推廣之租地。不立年限。與購無異。僅歲納租金總額千餘圓於吾國官吏耳。

界內歐美人住宅三百餘所。日本人購地而未建屋。由此三百餘家。組成自治機關。經理界內土地買賣、房屋建築、修理、收稅、道路工程、衛生、警政、教育、慈善事業。及一切事宜。其法以界內土地除先經購買外。悉

歸公有而定價出售之。每長二十五丈寬十二丈五尺。價三百圓。建屋則每年納稅二十圓。充界內自治費。住界內之外國人與外國人。偶遊廬山入此界者。皆須年納稅一圓。充界內築路費。額設董事十二人。爲名譽職。由此三百餘家互舉之。無房屋不納稅者。無權每年六月開常會。此十二人中規定至少須舉常駐界內者三人。置總辦一員及職員若干員。皆有給職。由董事聘用之。總辦爲外國人（現爲英人）餘則中外兼用。


住民以避暑者爲多。平時他去其屋。由自治機關派人保管。設警察二十名。夏時站岡。他時督工。或令保管房屋飲料及市售食物。皆須受自治機關衛生員之檢查。嚴禁傾棄污穢之水。與一切物於溪內。

界內有小學校。有禮拜堂。有醫院。有公共之運動場。但見道路橋梁。修治平坦。綠陰夾道。溪流。水清方罫。整齊氣疏。以達自治之總辦策馬巡行於其間。百工各舉其職。入其境者。恍遊歐美焉。

此外俄人租界一區。地較小。房屋僅四所。未有經營成績。本國人亦有購地嶺旁。籌畫建築者。江西省公署於山嶺立清丈局。經理清丈買地及收受外人地租等事。

租界一邨。落景象也。其市集則在租界以外。雖整潔不及租界。亦頗染歐風。胡金芳棧在焉。收拾精潔。供應亦佳。而價較貴。夜與蔡君廣田商定遊山路程。

二十七日(金)今日擬先遊西北一帶。十時裹糧出發。既過七國租界及俄租界。遠望西北。空曠處白雲一片。狀若覆絮。無數山峯被揜。無出頭地。獨己身高立其上。彼下界居民。但見蔽日浮空。長天一白。安知雲表尚有吾輩。念及此覺一步一履。非人間世。時則望西而行。滿地山石。犖确。卻亦無甚艱險。八里至金竹坪。在黃龍山南背倚九奇峯。爲高峯下之長坡。古有千佛寺。今存破屋。亦莫識寺名。但呼金竹坪而已。廬山之頂峯巒四潰。此居其中。舊設牧馬廠。今改種植公司。其地坡陀平行。可



種植也。顧事初創。在經營中。北  
行五里至黃龍寺。

黃龍寺以黃龍潭得名。有藏經  
閣尚存。寺前娑羅樹二。為千年  
前古物。相傳自西域移植來。此  
入門。寺僧方集傭人而泣。異而  
詢之。且泣且語。寺四圍森林。採  
伐權被奪。於種植公司。且迫立  
願書。如再采者。被逐無悔。佛門  
清淨地。乃亦受此煩惱。懼阻遊  
興也。亟辭出自西北。下入遂谷  
中。有聲若雷。一瀑短而肥。注入  
碧澗。清淺可浴。是日神龍宮前

天池

行循小徑上。至天池。

天池在天池山絕頂。長約四五丈。寬可二丈。周鑿以石。池水終年不涸。當天池寺前。陽明先生曾題廬山最高處五字。已不可見。寺建於明嘉靖中。地高寒。陶力不支。覆以鐵瓦。今僅破屋三椽。而鐵瓦尙有存者。寺僧爲贈一片。叩以遊程。頗能了了。此間爲廬山最西北之峰頭。遠眺長江。俯覽平畦。一綠界以白色。之小溝。實則潯陽九派之分支也。用遠鏡能窺見南潯鐵道之軌線。旁有臺曰文殊臺。南臨危崖。巨石聳出空際。數丈下瞰。絕壑深不可度。曰捨身崖。西南望鐵船白雲諸峯。雄奇秀拔。而仰天坪。若坦腹。空際高曠。出塵。東北行三里。得御碑亭仙人洞焉。御碑亭當白鹿昇仙臺之上。奉明太祖御製周顛仙碑。亭半圯矣。東北數百步。爲佛手崖。一曰仙人洞。石室嵌空中。有小池。水寒冽而不涸。僧人淪茗以供客。小憩。夕陽西落。辨途以歸。

是日行三十餘里。向西南繞自西北以返。上下諸峯之巔。有時四覽。寥

御碑亭  
仙人洞

廓。有。時。一。往。幽。深。是。爲。第。一。天。所。見。漸。引。吾。人。入。勝。矣。

二十八日(土)昨日之遊。蔡君爲定路程。雇土人導以往。今日蔡君鼓與約同遊。東至栖賢。轉而南經萬杉秀峰。以達歸宗。還至白鹿洞。經三疊泉以歸。計往返至少須三日。晨九時行。余輩三人。蔡君與兩挑子。而六望西南。過租界。取道橫門口。出大口。境與昨遊無少異。一過大口。循石磴。曲折以下。乃見漢陽太乙五老。犁尖諸峯。雄偉秀麗。景物大變。東南鄱陽湖帆影可數。其南能以遠鏡瞭見南康城。山半有民居。可小憩。曰大石頭。蓋結茅大石之上者。至此悟大口卽志所稱含鄱口。其位置方向。與志載均不謬。實自東上廬山大道。時天忽微雨。亟前進。四山濃翠。欲滴。雨漸甚。道旁磐石中空。恰容二三人坐。急入。暫避。路見小瀑一道。按卽志所稱白龍潭瀑。俗謂白水漕者。過栖賢橋。道左臥大石上。鐫尺痕。積之爲丈大楷。題曰「上古之一石尺」。不知其何自來也。時已從峯巔降麓。傍流泉而行。微雨空濛。作潤清幽。中但聞山鳥啁啾。泉流瀾渺。至



栖賢寺


栖賢寺

栖賢寺唐李渤讀書處。以渤故謂之栖賢。廬山五大叢林。曰歸宗。曰秀峯。曰萬杉。曰海會。栖賢其一也。在廬山南部。寺供白玉佛一尊。高二尺許。瑩潔有風致。有五百羅漢圖二百軸。清康熙間蘇藩金世揚以重金倩浙畫師許從龍繪以施諸寺者。歷劫散佚。其存者張寺壁間。高如殿壁。神采生動。寺四周古樹修竹。碧嶂之下。清泉縈繞。其境幽絕。乃口占一首。

行行環太乙。曲曲望栖賢。一座白玉佛。四山紅杜鵑。石空偏障雨。梁偃便侵泉。重念僕夫苦。行囊此息肩。

栖賢之勝在玉淵。金井玉淵者。水自四山奔流而下。輾轉與大石觸。奇鬱盛怒。至寺側忽得平石溜瀉。數十丈下陷不得貼石。則駕空斜飛。十丈餘而後墜。其聲至厲。潭面石激於水。皆凹滑。縱足則溜。其深莫測。觀者髮豎。潭既溢。復奔經數百武。復陷爲潭。如是者可七八。今且記一軼。

淵 玉



事。

距今七八年前有美國人六

就玉淵浴甲忽發奇想仰臥

水次藉水力刷其全身不意

水力猛推陷潭底甲本善泅

三躍不得上乙與甲為至好

急投入欲共挾以上卒俱淹

死余所攜導者當時實從六

人游故述之甚悉此甲乙為

上海約翰書院教員乙孟姓

衆感其義於院內建思孟堂

為紀念

玉淵之水奔放直下數折得

萬杉寺




有。怒。態。與。廣。田。志。廉。分。踞。危。石。之。巔。攝。一。影。十。里。至。萬。杉。寺。宿。是。日。行。四。十。里。

二十九日(日)萬杉寺僧曰書齋熟廬山掌故語言思想皆清澈昨宵冒

橋。曰。三。峽。橋。俗。呼。觀。音。橋。其。下。有。潭。清。瑩。澄。澈。曰。金。井。夾。溪。巨。石。或。眠。或。立。驚。湍。撼。之。砰。訇。跳。激。草。木。咸。

秀峯寺

青 玉 峽




黃炎培考察教育日記 第一集

雨。抵。此。燃。松。明。向。火。暢。談。勝。  
蹟。實。一。絕。好。遊。山。顧。問。員。寺。  
在。慶。雲。峯。下。門。前。古。樟。多。株。  
有。一。本。而。二。榦。三。榦。者。有。五。  
榦。者。俗。呼。五。爪。樟。皆。宋。時。物。  
寺。後。四。巨。石。踣。地。劓。盈。丈。大。  
字。曰。龍。虎。嵐。慶。旁。石。署。槐。京。  
包。帚。書。舍。之。西。赴。秀。峯。寺。  
秀。峯。寺。爲。今。日。遊。山。正。的。寺。  
當。鶴。鳴。峯。下。古。名。開。先。寺。李。  
白。廬。山。謠。所。稱。銀。河。倒。挂。三。  
石。梁。香。爐。瀑。布。遙。相。望。指。此。  
顧。香。爐。峯。雙。劍。峯。及。瀑。皆。絕。

高陰雨。不得見晴矣。白雲繞之。又不得見。維時雨後。陰晦。出寺仰望。濃嵐一抹而已。僧梅深導。游青玉峽峯頭。諸瀑合流。出山峽中。下注石潭。石碧而削。水白而飛。盪成深淵。空青幻碧。名其潭曰龍池。梅深攜我度峽。踞壁際。磐石玩其狀態。石坡題刻無數。中有宋米芾第一山三大字。寺後有臺。世訛爲昭明太子讀書臺。實則南唐後主李煜少時來遊。築書堂於此。其後卽位。詔改爲寺。故臺猶存。觀馮黃諸記。可見臺下刻。王陽明平宸濠記。功碑黃山谷書。七佛偈。時雲闕不開。香爐雙劍。終不得見。乃復南遊歸宗。


歸宗近廬山西南盡處。王右軍守潯陽。旣解組。卜居金輪峯下。家焉。其後捨宅爲寺。寺有墨池。方可丈許。水黑相傳。右軍洗墨處。據志。寺後尙有鵝池。今沒。山頭高峰。所謂金輪第一峯是也。峯頭有塔。寺僧謂藏舍利。故數千年不毀。未及上。西行得溫泉。地在曠野。小水一勺。溫處約四五方丈。其地南去黃龍山約五百尺。北去廬山八百尺。距南潯鐵路黃

老門車站二十五里向村婦購雞子入泉經十三分鐘微凝可食惜其



苦尋原路歸不得黑夜防相失彼此叫號摸索幸秀峯寺僧以燈遠迎  
乃達寺是日行四十餘里秀峯去南康城僅十里耳

地無人爲經營也回過柴桑橋訪栗里陶淵  
明故宅不得詢土人恰遇陶姓謂陶姓尙多  
但無顯達者觀道旁築橋捐金題名碑陶姓  
固不少也時定計歸宿秀峯爲一覽香爐雙  
劍地過金雞峯忽見山坳二瀑土人導入道  
觀則簡寂觀也爲宋道士陸脩靜所居有大  
石橫臥曰禮斗石高如人長可三丈置天井  
中幾無隙地時天漸晚不肯舍二瀑乃匆匆  
從寺後山麓攀藤以上卒盡見之瀑雖非至  
肥然散珠噴玉滌盪胸次足償今日奔走之




雙劍峰及深瀑

三十日(月)凌晨睡起。出天井。忽見香爐雙瀑。高出青霄。狂喜不暇。覓僧爲導。遽從寺側小山攀藤。捫葛。以上山無路。或阻於流泉。或冒於叢薄。恃其頑健之腰脚。鼓氣直上。藤多刺。滿掌皆血。勢已有進無退。亦不復顧。卒登虎山之巔。盡覽諸勝。旣攝影。復圖其大概如下。

廬山此行。以茲地爲最苦。亦最樂。時則天無片雲。峯頭寶鼎。莊嚴氤氳。暫歇二瀑。得數日雨。益肥。襯以朝霞。初旭清麗之山光。

登虎山北望圖



黃炎培考察教育日記 第一集

直撲眉宇。其地在重巒疊嶂中。遠望不可見。苟登其巔。俯視者。又不可見。故虎山之巔。實為絕好覽此勝境處。無怪古今遊客到此。輒欲辭謝人間。苟余無他志者。亦且散髮入山。不願復落塵海矣。

流連既久。僧漢堂來迎。訝此非路也。何得來此。乃導自他路。以下是山產雲母。僧名之曰千層石。滿地一白瑩澈。俯拾即是。廬山之南。此石甚夥。東望白鹿洞行。

白鹿洞在廬山東南五老峯下。峯南餘脈蜿蜒中。崛起一山。四山環之。曰後屏山。白鹿洞在焉。洞為李渤隱所常蓄。白鹿自娛故名。南唐立為國學。宋初為四大書院之



五老峯  
海會寺


一。及。朱。晦。庵。知。南。康。軍。關。舍。置。田。講。學。其。中。時。稱。極。盛。厥。後。興。廢。不。常。  
清。末。廢。書。院。旋。改。爲。高。等。農。林。學。校。光。復。後。未。續。辦。僅。保。管。而。已。時。適。  
省。城。高。等。農。林。學。校。林。科。生。在。此。實。習。晤。教。務。主。任。周。君。濬。初。蔚。生。舊。  
識。於。北。京。中。央。教。育。會。者。校。旁。祀。朱。子。有。偶。像。院。故。爲。朱。陸。講。學。極。盛。  
地。故。凡。有。建。築。題。名。皆。采。取。宋。儒。學。說。名。詞。如。院。前。之。溪。曰。貫。道。溪。橋。  
曰。貫。道。橋。曰。流。芳。橋。亭。曰。朋。來。亭。山。曰。卓。爾。山。源。曰。聖。澤。源。  
自。白。鹿。洞。赴。海。會。凡。十。里。途。次。觀。五。老。峯。頭。雲。氣。忽。生。忽。滅。其。間。正。對。  
東。南。削。成。一。片。海。會。寺。在。其。下。入。門。住。持。僧。他。去。僧。海。寬。出。迎。寺。藏。有。  
血。經。僧。普。超。以。刀。剗。掌。瀝。血。於。杯。蘸。之。以。書。已。成。七。部。可。謂。苦。行。矣。時。  
已。近。暮。若。依。原。定。之。路。程。尙。有。三。疊。泉。未。去。而。蔡。君。告。假。僅。三。日。今。夜。  
必。須。遄。回。牯。嶺。明。晨。可。供。職。計。海。會。至。三。疊。泉。有。二。十。里。若。行。間。道。較。  
艱。而。近。自。三。疊。泉。回。牯。嶺。尙。有。十。五。里。乃。決。自。間。道。趨。三。疊。泉。期。今。夜。  
必。返。

三疊泉



廬山之南有虎五老峯一帶屢  
 食人余輩一行人衆無畏循山  
 逕行犖确至不能著足其陡削  
 處稍縱卽溜計行叢薄中二小  
 時許始達其巔而泉見  
 三疊泉出自大月山由五老峯  
 背東下始懸注大磐石上裊裊  
 如垂練旣激於石摧碎散落蒙  
 密紛紜噴洒第二大磐石匯爲  
 洪流下注龍潭轟轟如萬人鼓  
 惜不獲薄觀僅得隔谷遙望計  
 近當更大廬山瀑此最著名苟  
 以人力經營建築俾遊觀者得

三 疊 泉



大月嶺

匡廬絕頂疑大月。黑夜攀藤擣杖登。大壑風迴騰虎氣。斜坡樹密

一。親。其。噴。沫。豈。不。至。善。天。漸。黑。以。杖。擣。地。而。上。大。山。月。度。

閃。僧。鐙。俯。看。五。老。強。猶。昔。仰。訝。諸。天。階。可。升。行。矣。壯。哉。何。所。畏。今  
宵。飛。度。最。高。層。

今日走路較多。挑子力疲。口尤渴。偶迴顧一人。狂飲。余所汲。玉淵水。急  
走。奪。取。則。飲。幾。盡。猶。喃。喃。辨。余。雖。恕。之。不。能。不。深。致。惜。經。女。兒。城。回。牯  
嶺。胡。金。芳。棧。已。十。下。鐘。矣。是。日。計。行。八。十。餘。里。

三十一日(火)休息。傍晚。蔡君廣田。魯君壽山(鎮)共攝影。魯君廬山地方  
巡警局副官。過余寓所。見所爲文。輒傾倒。願共締交。其人誠慤。閒雅。無  
習氣。夜。蔡君邀至其家晚餐。晤牯嶺租界議員英人都約翰君。暨租界  
學務委員小學校長賽君。今日無可記。忽發生一事。以充資料。

方二十六晚。初至牯嶺。胡金芳棧。卽與地方警局接洽。夜十一時。許。既  
睡矣。忽有叩室門入者。就榻次詢。余行蹤。職業。刺刺不已。叩其姓。曰。陸。  
問。何。自。來。曰。警。局。翌。晨。忽。見。陸。某。隔。室。盥。洗。且。若。甚。注。意。余。之。舉。動。者。  
意。其。爲。偵。探。不。設。法。釋。其。疑。且。妨。吾。遊。乃。懷。所。攜。江。蘇。民。政。長。上。海。鎮。

守使護照令棧僕持刺延之來既坐問姓曰周問是否自警局來曰否  
我與君同爲遊客問然則昨夜惠臨何故答見君攜照相器特來請教  
照相法則詰之曰君休矣君之高姓何今周而昨陸也昨以來自警局  
告而今乃作遊客也謂以談照相法來而曾一語未之及抑夜十一時  
豈談照相法時者君其無誑我君其偵探彼大呼曰不不再三詰之堅  
不肯承乃邀逆旅主人來告以故要以嚴戒館僕勿得在深夜室門閉  
後縱並無查詰旅客權責者入晚間警局有人來告此忽陸忽周者赴  
局囑勿任黃某行余將下山報告有後話警局答以黃某未犯警律不  
能拘留則謂爾輩但伺其行蹤可矣三日後余必來此二十七日事也  
至是方飲蔡君家忽報前日忽陸忽周者邀得九江第六師參謀長一  
人參謀二人兵六人來別以兵六人守山下繼又報警官就參謀長問  
辦法答先由警局檢查黃某行李參謀長等姑旁觀勿露面報告者問  
余受檢查否余曰有何不可余方將受軍警保護何不可受其檢查余

所斤斤者無檢査權責者耳回棧則警官率警察至大搜査傾筐倒篋卒無些子違禁物復索護照去參謀長參謀圍燈下反復觀覽亦無懈可擊嗒然散特不知山下守兵何時始撤防耳

四月一日(水)晨有投刺名周國昌者求見則卽忽陸忽周者也具道歉意且謂余實偵探前日徒以未攜偵探證書不敢承耳余乃正告以偵探之權限與道德願彼此勿侵勿讓旣某君爲告周悉余將赴南昌懼與爲難特來陳謝一笑是日本擬下山雨甚不克行昨夜大雷雨霽

二日(木)午前九時乘輿下山本不欲輿或謂廬山代步品不可不一嘗況味纔行九里大雨止於道左草屋午雨漸止復行二時至蓮花洞本欲遊馬尾水橋獅子巖濂溪墓皆不果自蓮花洞步行回九江


三日(金)午後二時上華通輪晚掠鞋山而過經南康未泊

四日(土)晨過吳城未上岸江西商業今推九江古推吳城父老言南昌吳城之商業曩皆十倍於今當時海道未通粵東貨物須度大庾嶺取

南昌

滕王閣

心遠中學



道。贛。江。經。南。昌。吳。城。以。出。揚。子。江。故。商。務。獨。盛。相。傳。預。言。家。劉。誠。意。過。吳。城。謂。此。地。數。百。年。後。必。為。荒。煙。蔓。草。今。吳。城。市。迥。不。如。前。一。二。年。後。九。南。鐵。道。一。通。贛。西。南。土。貨。悉。由。此。入。江。斯。時。之。吳。城。乃。真。荒。煙。蔓。草。耳。午。後。六。時。抵。南。昌。五。日。日。十。時。攜。公。文。見。戚。升。淮。民。政。長。揚。略。談。江。西。行。政。近。況。上。滕。王。閣。啜。茗。觀。西。山。南。浦。景。物。如。故。閣。下。屏。翁。覃。谿。所。書。王。子。安。序。閣。上。屏。某。君。書。韓。昌。黎。重。修。滕。王。閣。記。閣。附。設。公。立。初。等。小。學。是。日。停。課。無。所。見。訪。熊。君。育。錫。純。如。於。其。所。辦。私。立。心。遠。中。學。導。觀。全。校。校。舍。

係熊氏試館。雖舊式。頗極苦心經營。此校尙係辛丑年創立。有生近二  
百人。經費以熊氏舊給。應試科舉及第者之獎金充之。其成績頗爲興  
論。所許熊君開示省城各校名時正春假。須八號上課。夜晤李君有甲。  
(仲禾)張君應奎(芝生)

六日(月)至聖公會訪程君子贛(宗洛)至教育司訪司長宋君公威(育德)  
江西省教育費現歲支三十九萬餘圓。省立之學校爲法政專門農林  
專門甲種工業各一所。師範與中學合設一所。女子師範一所。均在省  
城。此外師範贛南寧一校。設贛縣撫州一校。設臨川鵝湖一校。設鉛山  
向以基本產息或就地撥款充用。勢將不支。現教育司議改爲省立併  
成八校。其費統由省給。而以各縣丁漕附稅除留五成辦地方學務。三  
成辦學務外之地方事務。由省提二成充中學經費。計畫甫定尙未執  
行。別有高等師範一校。由國家經費開支。辦至民國五年。現有學生畢  
業爲止。而省城各小學大都由省給費焉。



各縣地方教育經費規定以附稅十之七充用。據教育司籌辦省立中學及師範學校計畫書地丁額一百五十餘萬兩。每兩征附稅三百文。漕米額六十五萬餘石。每石征四百文。在皖晤皖審計分處長贛人某君言贛地丁每兩折征三千文。漕每石折征四千文。各征附稅十之一。與此合以七成計約可得七十二萬串。有奇。等語。贛錢極賤。每銀圓易錢一千七百三四十文。是七十二萬串僅約合銀四十萬圓耳。微聞此規定十分七之學費大半已充他用。其地方小學宋君爲言。當去年事變未發以前。全省約四千所。一經變故。停閉不少。留學費歲約十四萬圓。

午後參觀省立女子師範學校。校長金振聲女士。假歸九江。未見他校。皆春假。此獨上課。學生分甲乙兩班。甲班十人。本年終畢業。乙班約四十人。本科二年。均不收費。又設初等小學甲乙兩班。甲第三年。乙第一年。共五十餘人。年收費兩圓。是校月領省費八百餘圓。有男教員。有女

教員參觀初小一年修身某教師問兒童爾等知愛國則當如何皆不能答師告以宜各盡責任此問範圍太泛意義太深豈宜施於初小兒童然能用問答式殊爲難得此外英文爲講授國文爲默寫習字爲臨寫餘無所見操場太小

### 省立農校

參觀省立高等農林學校在進賢門外去城約五六里地點頗適宜值放春假教職員無一在校者由校役導游一周假期謝絕參觀宜也


### 省立農場

農校之旁爲省立農事試驗場訪晤場長劉君樵琴善策畢業北京農科大學場有田圃池沼凡百五十畝皆租民產劉君任事未久各項畜植試驗尙未有報告而新畜美利奴羊數頭聽劉君言殊津津有味

### 美利奴羊

美利奴羊產寒地最忌熱空氣如在攝氏表六十度以下尙無害又忌溼初生卽須斷尾尾甚蒙茸留之發熱且妨交尾其毛柔潤而厚人剪之以取利然不剪亦大妨羊之衛生初入中國試養於奉天其後傳至北京若長江流域其初至地也食料爲草包米山薯之屬亦殊不費在

美 利 奴 羊



京奉試養成績佳。疾病少。飼養亦易。年剪毛三次。最大者每次可得十五斤。在京出售。每斤可得銀七八角。是一羊歲。可得利三十餘圓矣。是羊由北京運到。僅四五天。每頭價四十五圓。連運費。計須八十餘圓。牝牡各二。深盼異日。劉君以成績報知也。進賢門外有繩金塔焉。據一統志。唐天祐中建。過此略瞻望。時晏未上。七日(火)參觀高等師範學校。春假罷課。晤校長周君繼白(爾璧)是校辛亥光復時。以優級師範改設。分英語部。歷史部。物理化學部。數學物理部。博

物部。學生皆光復後新招。每部一班。已經過預科一年。現爲本科第一學年。共有學生百二十人。年約二十至三十歲。計至民國五年夏一律畢業。遵部令不復招生。另設體育專修科一班。二十五人。定二年畢業。已屆畢業期矣。嗣有移其款辦附屬中學之議。依二年度核定預算。年額六萬五千圓。然至四月止十個月間。僅支得半數。而臨時費亦未得領。致儀器標本均未能購用。頗聞人言學生程度不盡高。余則以爲程度合否。尙是第二層。其所設諸部大半屬於數理化。全恃儀器標本。充足。注重實驗。俾收實益。苟無相當之設備。空言教授焉能有濟。其校舍地半爲軍事機關。使用致乏相當之運動場。雖設體育專修科。未能授各種器械操及拳術擊劍等。亦一憾事。

## 匡秀女學

參觀私立匡秀女學。未見職員。由李君仲禾導觀。高等科授國文。學生二十人。講授葡萄牙之革命。初等二年。二十餘人。練習除法。女教員某君。教音。清朗。補習科三十餘人。授國文。用共和國新國文初小第六冊。

教員能用心研究修正教科書殊不多見。

午後參觀葆靈女學校。在德勝門外。屋舍燬於火。現方重建。暫租用民產西式樓房。晤其校長美國韓女士。導觀一切。談甚懽。

韓女士之言曰。吾校教育一以助長學生固有之官能爲主。譬如教圖畫與手工。非第習圖畫習手工已也。將使學生視官所接之現象大小遠近方圓平直。能得其正確之形態。而手卽能摹而繪之。爲平面之形。或仿而造之。爲立體之形。漸使其能力之增進。雖目所未接。苟意境所構成。皆能繪之。造之。俾與想像中之形體。爲精密之準。合譬如教音樂。非第習音樂已也。將使其耳官能正確審知音之所由來。其遠近其強弱。與其何種發音之器。聆於耳而察其理。而樂器者不過假之以練習而已。他科準是。

## 音樂

教員多音樂專家。其教音樂。就學生年齡之長幼。與其習音樂之程度。分爲七組。而教授之不與他科班次同於正課外。設音樂會。令學生自

圖畫

國文默誦

習。詢。以。學。生。當。十。四。五。歲。音。帶。將。變。依。生。理。上。斯。時。不。宜。授。樂。歌。信。乎。  
答。曰。誠。然。但。習。樂。歌。非。可。間。斷。苟。於。斯。時。令。習。低。音。尚。無。妨。害。此。吾。校。  
學。生。所。以。分。七。組。教。授。也。

教。圖。畫。專。授。寫。生。畫。與。圖。案。畫。雖。初。等。小。學。生。亦。授。之。雖。未。獲。親。見。其。  
教。授。嘗。出。示。學。生。習。寫。生。畫。攝。影。片。與。學。生。寫。生。圖。案。成。績。品。頗。可。研。  
究。今。之。教。授。圖。畫。者。往。往。先。影。畫。次。臨。畫。而。寫。生。圖。案。皆。苦。其。難。甚。謂。  
寫。生。不。適。用。於。小。學。此。校。則。一。課。圖。畫。即。授。此。種。但。初。步。寫。生。令。寫。片。  
面。的。與。簡。單。的。漸。進。以。及。於。複。雜。耳。

教。國。文。有。一。種。特。別。之。主。張。則。務。令。學。生。默。誦。禁。出。聲。其。理。由。一、維。持。  
教。室。秩。序。免。致。喧。擾。二、其。氣。靜。專。易。領。會。文。字。之。意。味。三、高。聲。朗。讀。最。  
妨。音。帶。之。發。育。默。誦。所。以。保。護。之。於。是。定。爲。獎。勵。之。法。凡。某。級。一。週。內。  
全。體。默。誦。不。出。聲。者。黏。紙。於。其。教。室。之。壁。加。一。圈。其。上。以。記。之。全。體。默。  
誦。至。四。週。則。於。紙。上。繪。一。金。星。以。獎。之。全。體。默。誦。至。一。學。期。者。贈。一。時。

辰鐘於其全體陳列於其教室。教地理注重暗射嘗出示學生所製中國十八省物產圖每省以英文標注省名而將各種出品若米麥棉豆金銀銅鐵煤絲麻茶瓷木材之屬取其片或屑或粒按其產出地點黏於紙上此法實包含數種作用地理智識也博物智識也愛國思想也實業思想也皆此一紙所啓導焉。

教理化注重學生實習試驗教英語設英語會令學生練習英語會話開會時全體不得發一非英語雖不熟亦必發一二語每週一次每次一時宿舍整潔皆學生任之日曜日功課極忙皆關於宗教者是校有中學有高等小學有初等小學學生合近百人附設幼稚園。

余述斯校覺可供吾人研究者甚多其論教育主旨余甚韙之其圖畫專重寫生圖案余所夙主張而冀吾教育界同志於其施教之方法及次序加以研究而立付實行者也國文默誦誠亦教授法之一種但專

## 義務女學

用此法。是否相宜。尙未敢十分贊同。竊以爲中學及高等小學之敎國文。不惟宜。令悟澈尤宜。令熟記此毫無疑義者而默誦。能否令熟能否。令於文章之音節句調得涵泳自然之趣。一也。如朗讀而不高聲。是否不至妨音帶之發育。是否不妨秩序。而於國文之熟記。是否較爲易達目的。二也。凡此種種。皆待研究。但其獎勵方法。專注全體。而不及個人。甚是。甚是。余所絕對引爲缺憾者。則歌詞與一切文字。用英文。英語者。爲多用國文。國語者爲少。諸教員多外國人多畢業於外國學校者。不知不覺中有此現象。斯則亟須改良者耳。

八日(水)午前參觀私立義務女學。晤校長蔡君蔚挺(敬襄)一觀。此校使上海私立城東女學之狀況。宛然現吾眼前。蔡君言。吾校注重一適字。不拘拘於規程。其所施一以適於生存爲主。開辦已屆七年。當經濟最困難時。幾不能舉火。勢不支矣。蔡君乃斷指瀝血爲書。以乞哀衆。大感動。一時爭釀金以濟其成績。亦見推於社會。乃得維持至今。學生免繳



學費。歲由公家補助銀七百圓。蔡君則以兼任他校舍監職務。月得薪金四十圓。捐充之不足。則更籌募。設五年畢業之師範科一班。現屆第二年。注重國文。各科均注意實用。其師範生半由募集。半擇高小國文優者升入。共十六人。高小二年生三十人。初小三年二十八人。二年四十六人。各級均有寄宿者。以前曾集年齡較長者。設職業科。注重國文簿記珠算圖畫。因亂停止。參觀初小二年算術。初小三年算術。高小國文講授商務本女子尺牘。師範科習字臨寫大楷。自由選帖。皆懸腕書。姿勢極佳。以樸。勞。肅。愛。四。字。爲。校。訓。揭。示。於。食。堂。廊。下。懸。故。學。生。傅。柏。年。女。士。像。女。士。殉。夫。遺。囑。捐。金。於。校。者。宿。舍。整。潔。皆。學。生。自。爲。之。義。務。女。學。後。臨。東。湖。有。徐。孺。子。亭。焉。四。面。臨。水。通。以。小。橋。據。志。尙。有。徐。穉。宅。及。墓。不。可。得。見。

參觀省立模範初等高等小學。晤校長王君貞樸。朝植。王君與其教員皆畢業兩江師範與本省高等學堂者。其學生數亦整齊。皆通學。爲此。

行。所。未。見。表。如。下。

初	小	一	年	39
		二	年	43
		三	年	53
		四	年	34
高	小	一	年	36
		二	年	44
		三	年	40
補習科				17
(高小畢業者)				
統 計				306

漸。減。王君言。去年上半年。學生數四百二十。下半年。三百。因亂事。遠道來者。

王君又述。多數兒童對於各科嗜好之遷變。其原因。當民國元年。各

嗜圖畫。手工。以其時新設成。績陳列室。興味頓增。泊二年。將高小英文。

科向於第二年始授者。改爲第一年始授。開學藝會練習英文演說於

是。高小轉而嗜英文。又因上半年兒童成績展覽會陳列畫工兩科成。

好各科之嗜  
兒童對於

績一時稱盛。兒童興味之感發微嫌過度。於是下半年較爲冷淡。而初小則如故。

成績室陳列手工圖畫多種。手工有自由制作者。圖畫高等科間授寫生畫及圖案。畫參觀教授。補習科英文初等一年算術二十以內之加法。參用物算師呼。二生立教桌前授。一生以棋子令數明報告。一生板演驗其符否。每次二生輪流行之。此法能使兒童觀念確實甚好。若每生各授子令數則更可免多數兒童閑暇之弊。初等二年國文講授茶課。先講茶之功用及其製法。次講課文。隨時參用問答式。其構一採字說明。手旁重複可省。及采字構成之意義。初等三四年連球操與唱歌。聯合高等三年算術令學生輪流板演。高等一年英文拼法教授多變。化。高等二年算術利息甚清晰。設學生通信簿。每月開職員會一次。每日二教員輪任筭理。

余此行參觀教授不甚多。就所見及小學校齊整有法度。此爲最矣。推


## 洪都中學

其原因。蓋在教員多數。習師範能熱心教育。然則師範顧不重哉。參觀洪都中學。係南昌府立。從前辦法。說者頗多微詞。校長梁君曉邨。際昇甫任事。尙在整理時期。所見無可述。惟三四尺寬之走廊。爲通校所往來。而當路置溺桶四五過者。皆掩鼻於衛生關係不淺。非早爲之所不可。

## 第一小學

省立師範  
及中學

參觀省立第一小學校。校在百花洲。用劉猛將軍廟爲校舍。無操場。設高等二班。初等三班。未及觀教授。高等二三年課農業。惜未有設備。校在繁盛市場之中心。意其學生商家子弟爲多。不如設商業較相宜也。參觀省立師範學校及中學校。兩校合設一所。宋君公威實爲校長。自任教育司長。以教務長楊君今覺綸代。校在百花洲。師範中學各設四班。各有外寄宿舍。運動場甚窄。未有附屬小學。時春假後未上課。不及參觀教授。然竊以爲兩種性質不相同之學校合設一地。其弊非各分畛域而釀爲衝突。卽彼此同化而失其特性。此點不補救則一切無可



言。百花洲在東湖之北突出湖心自沈文肅祠後迤邐行得一亭曰冠鼇長堤一道達蘇公墓蘇公墓者宋隱士蘇廣漢墓今建西式屋一所墓不存矣碧柳澄波夕陽如畫今設師範及中學而遊船載酒蠟屐尋春時復往來其際為校規所不能禁蓋遊侶雜以赳赳之軍人匪可施以束縛甚至學子踢球偶觸身便逢彼怒謂有意侮己也大交涉軒然以起此可見辦學之苦而校地之不適更無待言乃若


第五小學

停辦之高等學堂。聞當時以銀十四萬兩建築者。今駐兵。莫能歸。趙若  
高等師範校舍之半。曾駐兵。兵去亦莫肯歸。趙辦學諸君。與任教育行  
政者言之深為慨然。

九日(木)參觀省立第五初等小學。學生商工社會子弟為多。以故來去  
無定。以校舍之偪窄。編制頗特別。

四年	20	}	丙班	30
三年	10			
二年	20	}	乙班	40
	10			
一年	50	}	甲班	60

校僅有教室三大者可容五六十人。次大者可容四十人。小者祇容三  
十人。而經費又不能多聘教員。分設四教室。不得已而出此。校長述特  
別編制之理由如此。余意此等處祇能於招生時就教室容量為之限。



制。斷。不。宜。於。編。制。上。遷。就。依。此。編。制。法。無。端。將。同。學。年。之。兒。童。分。入。兩。教。室。即。使。用。同。一。之。教。科。書。恐。所。授。教。材。終。有。參。差。之。憾。且。萬。一。某。級。學。生。再。有。增。加。將。何。以。應。終。必。窮。於。處。理。而。已。

參。觀。葆。靈。幼。稚。園。幼。稚。生。二。十。人。保。姆。譚。女。士。留。美。習。教。育。畢。業。者。助。手。一。人。為。葆。靈。女。學。畢。業。生。所。用。方。法。與。其。態。度。一。望。知。其。曾。習。保。姆。斷。非。他。處。幼。稚。園。舉。止。生。硬。興。味。乾。燥。之。女。管。理。員。可。比。所。憾。者。多。用。英。語。唱。歌。施。於。中。華。民。國。之。兒。童。非。所。宜。也。

午。後。心。遠。中。學。招。往。為。學。生。演。說。題。為『謹

澹臺墓

希望諸君各注意切近平實之學問與道德。計演說兩時三十分。訪澹臺墓。史記正義子羽墓在兗州鄒城縣一統志載澹臺滅明南遊至江卒葬於此。究不知孰是墓在東湖之東尙完好。攝一影澹臺氏光明正直竊所儀也。

婁妃墓

德勝門外江邊有婁妃墓焉亦完好。葬明寧王宸濠妃。兵敗投江殉相傳收葬妃屍者王陽明也。今行政公署卽古寧王府。梁間有屏翰二字。方五六尺。妃所書得二絕。

詩

灤。洄。二。水。城。西。北。窈。窕。一。邱。靈。往。來。後。五。百。年。吾。弔。古。貞。心。未。墮。劫。餘。灰。

豔。筆。如。椽。照。畫。梁。潭。潭。故。第。閱。興。亡。從。今。德。勝。門。邊。草。不。種。恩。讎。歲。歲。香。

演說

十日(金)午。前。至。聖。公。會。小。學。校。演。說。『滕。王。閣。澹。臺。墓。與。美。利。奴。羊』。午。後。至。模。範。小。學。演。說。『旅。行。談』。



十一日(土)晨於李君仲禾家。遇私立大同學校校長李君煥卿。競於中小學合設之防弊法。日曜日光陰之利用法。及歷史教授法相商。權略談而未能暢。九時。至義務女學演說『理想的女學校』。至天主堂。持徐家匯顧院長介紹書訪神甫孟君。詢得江西天主教近年現狀。

天主教士分各種會。其傳教於中國者為耶穌會。為味增爵會。為方濟各會。一如耶穌教之分內地。監理。基督美。以美等會也。昔嘗聞之吾友莊君允升。耶穌會研究學問最深。遂而教律最嚴。實行絕色。絕財。絕意。教士不娶。本為普通戒律。而是會則更不得蓄私財。須悉其所有。公之於會。而會則衣食之所謂絕財也。又須絕意。凡一言一動。必惟其上級神甫之意。是從。譬如著書出版。而未先得其上級神甫所允可者。即為犯會律。凡江蘇全省及直隸河間府以外各地傳教者。多屬此會。方濟各會。行於湖北等省。味增爵會。行於浙江江西四川等省。及直隸河間府。孟君言。與此大致相合。江西當前清光緒三十一年間。出一大教案。

歐洲之服  
兵役

學堂


教堂被毀。今新建。工事未全竣。孟君言。江西全省教民約六萬餘。南昌  
 府屬約一萬。十年前不及千人耳。江西設總司鐸三。南昌外一駐贛州。  
 一駐撫州。而全省之總主教則駐九江。  
 孟君又言。自德增兵。而法從之。舊律國民滿二十歲。須服兵役。一年滿  
 二十五歲。未能畢業。大學者再服兵役。二年。自去年始。修改法律。定為  
 不論大學畢業與否。一律服兵役。三年。言次深致慨嘆。謂西方平和之  
 期尚遠也。  
 是堂舊附設一法文學堂。自教堂毀。而學校亦停歇。現正籌畫規復。已  
 設者小學一所。學生僅七人。所授尚是四書及左傳之類。問孟君曷不  
 用教科書。答已函請徐家滙酌。定通知有貧兒。教養院一所。衣服容體  
 皆甚污穢。而管理員之衣服亦頗與之相稱。一兒毆人。受罰跪地大哭。  
 問孟君法國兒童體罰有行之者否。答國家規定不得行體罰。但教師  
 撻其學生。實時有之。問以君意謂可行否。答以余良心信為不妨行之。

余亦曾受父母撻者。但注意勿傷其身體耳。又附設貧女教養院。專收教民之女兒。每年自九月至三月。入院教以讀天主教經書。授以縫紉等手工。餘時歸家俾學習農事。

熊君純如介紹至商務總會。晤龔君奎欽。《文明》雜談江西商務情形。江西土產甚富。瓷器夏布紙木茶皆是。瓷產景德夏布以宜黃萬載等縣所產為最。萬載布有麻料。有葛料。宜黃則皆麻料。紙產於萬載及萬安縣之良口等處者為草紙。以稻草為之。產於古城者為毛邊。以毛竹為之。產於南城縣者為雙料竹紙。以水竹為之。木材出贛州吉安南安一帶。贛州又產蔗。南豐產橘。及豆豉。樂平產靛。熊君言江西茶市日見衰減。義寧州茶最盛。之年出口二十萬箱。前年僅八萬箱。今年僅六萬箱耳。

商會籌設甲種商業學校。啓智貧兒小學。寶貞貧女小學。皆由會集資設立。惜未及參觀。索得報告書兩種。貧兒小學學生二百餘人。午前上

滕王閣外之山西南浦



課。四。小。時。午。後。分。織。布。織。毛。巾。製。香。機。器。裁。縫。及。負。販。五。部。負。販。部。生。二。十。人。分。二。組。每。組。日。可。售。錢。七。八。千。文。織。布。部。亦。頗。發。達。龔。君。言。有。張。生。洪。元。者。入。校。習。織。布。二。年。現。入。他。廠。月。得。薪。水。十五。千。文。其。父。本。嗜。煙。現。亦。戒。絕。一。家。變。貧。寒。爲。溫。暖。焉。

夜雇船赴景德。南昌至饒州。本有小輪船。饒州至景德僅百八十里。現因輪船運兵不能搭客。蔡君蔚挺送其女學生赴景德。乃合雇帆船泊章江門外。行李既下。至城而門閉不得出。乃商由省公署派弁發令送出德勝門。間關繞至舟次宿。連日荷贛當道之招待。暨熊君純如李君仲禾葉君蔚挺諸人奔走指導。均可感。

康郎山

詩

相似之三  
人

十二日(日)昨夜雷雨舟漏同舟者頗驚擾清晨晴復上滕王閣啜茗雨  
後西山南浦爽氣撲人數日奔走繁忙之苦得此精神爲之一暢十時  
許乃出帆傍晚泊鄱陽湖邊趙家圍去南昌五十里

十三日(月)晴清晨開行午後至康郎山去趙家圍七十里去饒州六十  
里下碇遊忠臣廟祀明征陳友諒陣亡將士旁有昭忠祠得二絕

十里新洲水上邨參差檣影盡當門客心覓逐春帆落一綠平蕪

上履痕

興亡陳迹付悠悠湖上春潮怒不收直爲一家枯萬骨荒涼俎豆

說千秋

余有絕相似之友三人戲臚其種種相似之點如下

一、三人皆從事教育設私立女學校

二、三人皆非富家子其所設女學校皆以赤手創立

三、三人於其所設女學皆視爲性命其刻苦幾非人所能堪

四、三人所設女學皆知名於社會。

五、三人於其所設女學皆絕不後顧得一分錢即擴充其一分事業。故愈得錢而愈貧。

六、三人年相若皆在四旬左右。

七、三人皆未有子。

八、三人之夫人皆能分任所設女學校管理事宜而皆不任教課。  
九、三人之爲人皆不屑屑於邊幅不拘拘於禮節皆提倡樸實勞苦而已之衣服容體皆不事脩飾。

十三人之性皆急其言貌舉止皆直遂剽忽而不耐堅坐久談。

異哉世乃有如此類似之人產生於同時同國而皆爲吾所識三人爲誰一爲上海楊君白民一爲無錫侯君葆三一則南昌蔡君蔚挺也三君皆互相識質之三君自謂何如復質之識三君者謂何如。

十四日(火)晨啟行午後四時抵饒州東門外上岸遊沿江市上一周。

十五日(水)上岸欲入城不得其門問途人答君等早入城矣返視方知所過及肩之牆卽城也但無門耳

過劉家祠門懸振修初等小學校牌入而觀之不見教師有兒童三十餘人讀商務本國文教科書有書者僅一二生餘皆鈔讀黑板書國文第十三課地球全課其扁字作匾時間表爲修身國文算術體操音樂科目亦無大異所異者黑板左右赫然陳兩大棺其前七縱八橫皆學生桌而其室之前左隅設教師預備桌此所謂教師預備桌乃依余意戲易以新名詞實則書包與戒尺齊飛朱墨共灰塵一色之私塾先生書桌也尤奇絕者有二生背壁坐其書桌左緊接先生桌右緊接赫然大棺之和頭其前又緊接七八生並坐之長桌審視良久終莫得此二生出入路問之乃知日日從先生桌下蛇行出入者也同行者皆爲絕倒

一廟懸第一區初等小學牌亦未見教師學生分甲乙兩班甲爲第二

## 竟成女學


學年。乙爲第一學年。共三十餘人。校長爲本縣高等小學畢業生。閱時間表亦無大異。設校長兼教員一人。流通教員一人。不收學生學費。而公家僅歲給錢七十千文。難矣哉。兩教室。一旁有神龕。一無教壇。無黑板。

參觀公立竟成女學。校長蔡栩仙女士自授修身國文習字。清宣統二年開辦。高等班十二人。初等甲班十三人。皆今年年終畢業。乙班十一人。畢業期未定。學費年收二圓。書籍由校發。不收費。通學者居半數。年齡自十歲至二十餘歲。公家除另貼校舍租金外。每月從附加稅內撥錢七十千文。參觀初甲手工結線。其料學生自帶來。初乙國文皆默坐。自習。教員有男有女。體操場頗合用。女僕二。洗衣及宿舍洒掃女僕爲之。

持戚省長公文至鄱陽縣署。訪知事沈君博臣。祖恩任事未及一週。與談地方情形。未甚了了。出民國二年學校調查冊。稽其校數如下。



鄱陽縣小學校 137



計官立者十二。皆在城。城立者二。私立者一百二十有三。可云發達矣。雖然。以所見城區小學推之所云私立。未審果有當於學校否也。沈君述此間有陶業學校。可往一觀。方在南昌。宋君公威亦言之。並為書介紹於其校長張君。顧以此校為在景德。微沈君言。幾錯過。乃定先觀中學高等小學。後往觀之。沈君派員為導。

饒州中學亦係府立者。學生在校者八九十人。四學年均備。校長吳君

縣立高等  
小學

復科舉之  
謠傳

陶業學校

輯民(作新)一月間由省委來。方在整理時期。有一事頗可喜。則運動場。甚大有餘地。可栽植物。大可提倡學生體育及樹藝。鄱陽縣立高等小學。分甲乙二班。甲第三年。乙第二年。共六十餘人。學費不收。甲班書籍由校給。乙班自備。寄宿者二十餘人。年費一千五百餘圓。亦已充矣。時間表無大異。惟加設農業二時。而未有實習場所。操場在校西。寬廣合用。惜須出校門。苟西偏開一側門。以達於場。豈不大妙。校長述前年下半年學生百人左右。去年僅七八十人。今年又減。鄉間頗謠傳將復科舉。故有在家預備應試文者。遂往陶業學校。校長張君犀侯(浩)赴景德鎮。晤監學丁君海槎(永清)專科教員鄒君潔珊(如圭)問答極詳。夜未能竟。訂明日再往。十六日(木)清晨復往陶業學校。盡吾意。復一一盡觀。乃辭去。承丁鄒兩君特別待遇。可感。臨別復贈成績品兩事。錄兩日間詢談所得如次。陶業之範圍至廣。凡以礦物質藉火力製成器物。皆是析言之。爲磁。爲

陶爲玻璃爲煉瓦爲七寶燒爲景泰藍爲琺瑯景德則以產瓷著焉先是清光緒二十八年官紳發起江西改良瓷業公司集官商股本二十餘萬設本廠於景德用舊法製造以維營業而設分廠於饒州高門地方實驗改良製造而學校卽附設於分廠便學生入廠實習此陶業學校經費向由江西安徽江蘇湖北直隸五省分任光復以後來源中絕乃改江西省立依二年七月至三年六月之預算支出一萬一千餘圓而贛省費絀未能如額支撥至四月止僅領銀五千圓學生現分中等初等藝徒三種觀其章程中等準中學校程度於普通學科外加入陶業之學理技術以養成技師三年畢業初等及藝徒專重實習略授切用之科學及陶業專門之理論以養成技師亦各三年畢業現有班次及學生數列如左

中等第二年

六人

第一年

十五人

初等第二年

十二人

藝徒第二年

十五人

共

四十八人

學生數不多。其原因在社會不甚重視。又以方今學風驕貴奢惰。青年皆不勝作工之苦。以故入學後。憚於工作。而中途乞退者。亦有之。聞今春在城招考學生報名者。僅二人。省公署不得已。乃改令在本校招考。至學校所以離景德設饒州之故。固由煤產餘。干磁土產。星子樂平均去。饒較近。而其最大原因。實由景德爲瓷工。勢力範圍已。則守成法不肯改。而復怵於一經改良。將立被淘汰。而無所噉飯。勢且出於合羣抵制之一途。故遷地以避之。

陶土原質之大要如下。

一 矽

二 鋁

矽與鋁爲磁土必要質。

三鐵。至成多瓷以含鐵百分之者一為吾國則製含陶器之不妨四大故約瓷西色洋較磁青土

四鈣。五鎂。六鉀。七鈉。鉀與鈉為油土必要質。

景德瓷用陶土一覽表。

類別	品名	價格	產地	性質	用途	溶度	說明
土類	浮梁高嶺	每小塊銀圓六分	浮梁縣東溝	粘力弱不可獨用	與釉果混合作上等品坯	一千七百十度	凡粘力不足或過強皆須龜裂故必強弱合度乃可成瓷
又	星子高嶺	每塊三分	星子縣	粘力弱不可獨用	與祁門混合作普通品坯	一千七百九十度	本表所載溶度皆依攝氏表以耐火土八分匣鉢破塊二分合製成耐火磚用途極廣凡需高溫之機器工業皆用之於工業前途大有關係
又	樂平白土	每塊五釐	樂平縣老山	粘力足可獨用	製中等坯	一千五百度以上	世界溶度最高之耐火磚約有三千餘度吾國僅止此
又	樂平耐火土	每一萬斤六十元	樂平縣	粘力強	製匣鉢窰磚陶器等	一千六百度以上	
石類	釉果	每塊一角三分	浮梁縣東鄉	粘力弱不可獨用	製袖及上等坯	一千四百十度	
又	祁門	每塊六分	祁門縣	粘力足可獨用	製中等坯	一千四百七十度	
又	餘干	未詳	餘干縣	粘力足可獨用	製下等坯	一千五百十度	
又	三寶篷	每塊五分	景德鎮東北二十里三寶篷	粘力弱不可獨用	製中等坯	一千四百十度	

## 瓷之製造

瓷之製造次序如下。

一、淘泥。依配合之數（景德製磁以用星子與樂平配合爲多大約星六樂四或星樂各五）將原料傾入木桶。注水拌之。使其粒子分解。粗者沈。細者浮。取其上浮之泥漿。入濾水筒去水。以脚踹熟之。是爲坯泥。坯泥儲積以久爲貴。乾則注水。

## 二、製坯。

（甲）拉坯印坯。皆分工爲之。其型以黃泥製。

（乙）壓坯。用半機械轆轤。與石膏型。壓成餐盤餐碗等物。

（丙）鑄坯。用石膏模傾注泥漿。因石膏之吸水性。而使沿邊成形。

甲爲舊用之法。乙丙爲新法。乙丙最重模型。故學校實習。以彫刻模型爲一種功課。鑄坯用泥漿。壓坯用溼泥。

三、利坯。修整所製坯。使均勻合度。

四、上釉。

(甲)侵釉。以製成之坯。入釉漿中浸之。旋即提出。凡厚瓷器外面多用之。

(乙)澆釉。以製成之坯。置盆鉢所架之板上。以碗汲釉。傾於器面各處。

(丙)刷釉。以刷或筆塗釉漿於器面。

(丁)吹釉。竹筒之一端。封以布帛。盛釉於筒。吹之。使釉從帛孔出。射於器面。或用吹釉機。

舊法口吹。大傷肺臟。今以機器代人力。極便捷。

(戊)盪釉。於外面未修整之先。傾釉於器內。振盪之。使及於全體。以上五種。除吹釉機外。均係舊法。

精緻之品。或用素燒法。先將製成之坯。置爐內。約燒四小時。其溫度約八百度。取出上釉或施彩。然後置窰內燒之。俾不至破損。

## 五、燒成。

以製成之坯。置匣鉢內。匣鉢以耐火土爲之。每坯之下。墊以萍餅。以糠末糝於鉢底。將匣鉢疊置倒甃式石炭窯內。用煤燒之。約經二十四至三十六小時。其溫度自千三百度至千三百八十度。以使坯凝而未溶。砒溶而未流爲度。

舊法。燒用柴。今試用煤。成績頗好。日本初亦用柴。以燃料不給。乃派人至歐。研究用煤法。今皆用煤矣。然法國極精緻之品。其燃料仍用柴。大約用煤較用柴爲省。其成本之比例。柴爲三十三。煤爲二十五。

倒焰式石炭窯。砌於室內。以耐火磚爲之。係長方形而圓頂。若墓道然。窯兩壁之外。排列隧道。每壁各五。爲燃煤處。壁內當每道之上。各有孔。火自孔入窯。緣兩壁以上。重復倒下。故稱倒焰式。窯內滿地疊置匣鉢。地上有方孔十數。使煙自孔入地。地下有管。煙自



管曲折以達於室外之突。窰之一端爲門。燒則封砌。而於門旁鑿數方孔。置火表於內而蓋之。其表係德國製。三稜錐形。亦係土質。而陶製者。上鐫號數。燒至火表之錐尖倒下。卽知火候到矣。

六、施彩。

(甲) 砧上彩。先上砧。後施彩。

(一) 繪畫。仿古及粉彩。

(二) 刷畫。以雙鈎成花鳥形之紙。貼坯上而刻之。使空。於其空處。將各種彩色。用刷糝上。燒則紙化去而花鳥宛然。

(三) 印畫。(子)銅版印畫。以鐫有花鳥形之銅版。糝上顏料。以渡於蠟紙。再由蠟紙以印於坯。各種青色花紋用之。

(丑)石版印畫。五彩花卉皆宜。

(乙) 砧下彩。先施彩。後上砧。

(一) 繪畫。

(二) 印畫。施彩後。入爐烘之。經四五小時。其溫度約八九百度。使顏料溶解而器成矣。

十七日(金)宿鳳岡。去故縣渡六十里。


十八日(土)宿嚴魚山。去鳳岡三十里。

十九日(日)宿不知名灘。去嚴魚山四五里耳。

二十日(月)午後二時。方抵景德。自饒至此僅百八十里。逆昌江而上。灘淺湍急。舟行良困。每過一灘。若臨大敵。近景德數十里間。歷灘十七八。最險者爲十九晚。所過灘。舟子自度力不足。臨時雇四人挽。緯已則入水。以肩承。舷推之。無效。復自下水前行。植篙柱相距數十丈。處盤索而力挽之。又無効。臨時所雇人。不肯聽指揮。先索錢。乃動手。及見失敗。相率遁去。其不德至此。無已。遣人走景德。招二健者來。始獲過。亦困矣。是役也。吾友志廉。出其孔武之力。爲之助。不可以不記。

自南昌來。一路蔡君蔚挺同行。蔡君蓋送其弟子程女士赴景德者。女士名俠。字俠貞。畢業義務女學師範預科。品格志氣皆卓卓。去年幾爲贛當道武人所困。以其智與烈得脫。又肄業九江諾立女書院。今春與劉君筱竹婚。劉亦英年志士。贛省視學也。婚十七日而劉以天痘歿。女士述諾立女書院之內容。校規絕嚴。教室宿舍之整潔。皆學生爲之。每土曜午前大掃除。有不力者。午後不得請假出校。校長教員皆監督指揮之。凡不准學生爲者。校長教員皆不爲。校長之對於學生。極慈愛。學生有病。親爲料理。醫藥功課。極嚴重。非時不得自修。學生乃於夜半起燃燭。私爲之。嗣爲管理員察知。禁絕。旣而數生同時罹腦病。病發時笑不能自己。乃議減少教授材料。然以注重體育。講究衛生。故體皆強壯。云凡學校內容。得之於學生。最親切。確實。余深佩諾立校長胡女士之熱誠。其與學生同甘苦。處尤足爲一般校長法。

抵景德。宿江西瓷業公司。景德鎮在昌江東岸。江以西羣峰列。岸迤南。



最高之主峰曰南山。瓷業公司位市  
之中心。依小山爲廠。明清兩朝御審  
故址也。山名珠山。上有御詩亭。有碑  
記市之東。小山數道。曰五龍山。土人  
取其形。似名曰五龍戲珠。嘗登五龍  
山。俛覽全市。則突焰障天。閭閻撲地  
以一種粹純之工業。而占如此大面  
積。不多得也。

二十一日(火)訪浮梁縣知事蔡君芝  
生。如窰鎮去浮梁城三十里。以鎮事  
繁於城。故知事駐鎮時爲多。連日徧  
遊公司各廠。與公司主任張君犀侯  
鄭君子瑜(起翔)談。記如左。

全鎮出品總額清光緒二十年以前僅數十萬圓其後漸增最多時年四百萬圓光復之際商工停滯故辛壬兩年最少今則年三百餘萬圓瓷工多客民每年正二月假歸三月上市秋冬大盛盛時全鎮人口多至三十萬少時亦有二十萬

鎮有三幫四姓舊南康府屬都昌縣人爲一幫曰都幫徽州各縣人爲一幫曰徽幫其餘土客爲一幫曰雜幫都幫最強四大姓曰馮余江曹全鎮有窰約百二十座燃料用木柴者八十餘用茅柴者三十餘窰主人專事燒磁取值他非所問稱燒窰戶其出資雇工製坯上砑發燒施彩出賣者曰做窰戶亦有專設肆爲人施彩者而某戶做某種器某工製某種坯用何法上釉施彩各專一而不能兼下至爲人運坯出入窰亦爲一業故一器之成分工無數彼此不相習卽欲相習衆亦不許故瓷業有三十六行之稱

瓷器分三種曰圓器曰琢器曰雕鑲碗碟類普通品爲圓器碗碟類以

外。凡圓形者爲琢器。其非圓形與或雕刻鑲嵌以成者曰雕鑲。此近於以形式分者也。以施工之精粗分。亦有三種。曰脫胎。其坯極薄。幾於脫非真能脫也。爲最精品。次曰二白。砣則坯與砣俱厚重矣。最下曰灰器。則極粗笨品也。瓷工工資論件數。不論時日。琢器雕鑲一壺也。以數十件論。一瓶也。以數百件論。工資卽按件算給。

瓷商來皆主於窰戶。有貸資與窰戶者。窰戶需本甚微。往往有數百圓卽可開設。利甚厚。有以三四分成本。售一角二分者。一二年間。雖致千金。不難所苦。燒窰成敗。無把握耳。其預計大概祇能以七成折算。

瓷工不乏具身分甚闊綽者。其技術確有不可及處。亦有以極拙之人。工勝極靈之機械者。嘗偕友觀於某廠。一赤體拉坯者。技熟甚爲之注視者。再夜余友於道左見一人長服矩步從者。張鏡爲導。諦視之卽畫間赤體拉坯者也。又嘗觀燒窰工頭一人。距窰七八尺地斜坐。據短几口尺許。烟管手茗壺。若不勝閒逸者。工徒若干人執薪視所嚮。進則進。

止則止。喘汗奔走。一惟所命。瓷器之燃燒。依法初用。酸化。焰受空氣。宜多門。宜開中用。還原。焰受空氣。宜少門。宜閉。終則二者相間。爲用最上。用中性。焰此研究。學理者之言也。景德。窯皆舊式。何謂酸化。何謂還原。一切非所知。亦無火表。工頭登。窯頂。啓穴。觀煙。焰有時。煙彌滿。則張口吐涎沫。直注入穴。殼然有聲。觀其變。以取進止。其成績。與談學理者無以大異焉。凡拉坯。以一人坐地。爲之。然高至五六尺以上之瓶壘。非人伸臂所能爲。於此得極拙之法。以長繩。絡四人於空間。使俯其體。合力拉此大坯。別以四人各握一人足。亦奇觀哉。

瓷器之把持。驕蹇。頑陋。蠻橫。實大阻。瓷器業之進步。工資論。件不論日。然不許一日多作工。窰每五六日。可一燒。乃限令必隔十日。一燒。匣鉢本可。滿置瓷器。乃相約不許多置。他若爭工價。高下爭食。米良惡。爭歲暮預支。明歲工資。皆嘗同盟。罷工七八年前。爲有人改用印繪法。大鬧此印繪法。工省而効速。前僅行於燒壞之瓷器。至是用於好瓷器。羣憤其

將奪繪畫者生計。遂至鬥毆殺人釀大禍焉。窰戶之送坯於他戶也。以寬四寸。僅容杯足之長板片。滿置磁坯。肩以過市巷窄人稠。苟觸者立歛。墮卽未墮。必自毀。集同業一呼。數百入市。評論罰金。姑不計此。合坐茶酒所耗。已不資矣。又禁工人於工作外爲主人執役。某日天忽雨。一工人倉猝代主人收所曬衣。衣纔下而執法者鬻至。受重罰。至勿能堪。凡此苛猛凶惡之禁條。罰例自有失業工人奔走監察吹瑕索瘢。有不遂意。相要罷工。其罷工也。縛雞毛於箸。每工場投一箸。見者立罷。不則衆盡毀其作物。故一箸之效。捷如律令。尤可笑者。爲人運坯送窰者。曰挑幫事。本盡人能爲。乃相約非被招爲徒。習學年滿不准營業。其招徒限二十年。一舉行招徒時。須先令肩挑外塗紅色之籃於指定路線。疾行一週。名曰跑紅籃。衆譁噪逐其後。設種種方法。置此人於傷或死。俾不克終。此行此招。徒事乃得循例展緩。三年招徒者。鑑於此禍。則以重金特雇健者爲之復請於官。派兵列隊隨行以護。如是者率爲常。其無



公理。無人道。一至於此。聞民國成立。此風稍戢。蓋前恃地方官畏禍。敷衍。而今則懼一出事。軍隊立且開槍轟擊也。

江西。瓷業公司。始亦嘗受制於工界。今則資格漸老。莫復敢抗。除燒窯製坯。沿舊法外。其施彩。已採用印刷畫矣。顧改良亦非易論。經濟上改良。就根本言。第一須改良原料。此非旦夕收効者。而若關於燒窯之困難。所謂成敗無把握。良緣窯內高積之匣鉢。往往經熱溶倒。由此分子累及他分子。是非增高耐火土溶度。不可以及。窯式之改良。燃料之改良。在陶業學校切實研究中。而若美術上改良。嶄新之式樣。色澤能合文明社會之心理。未必便合一般社會之心理。此更大費研究耳。

余行昌江。水底皆磁片滓餅。如此艱難迂折之路程。而瓷原料與出品之輸運。皆必經此交通。既障塞而原料非土產。工人無土著。乃致四面皆山。一任童禿。窯用燃料。悉遠求諸數百里外。則更安取此地點者。苟循是不變。吾且學劉誠意。吳城豫言。數百年後。鎮其荒煙蔓草乎。

午後訪天主堂神甫。適赴饒州。不見。見教員王姓。是處教堂之陳設亦甚莊嚴宏敞。惟附設小學校教室。以牆陰旁屋爲之。黑暗狹小。學生二十餘人。年長者二十餘。聞亦業。資以餘暇來堂受學者。所讀爲聖教日課。聖教問答切要週年瞻禮彌撒經進教切要之類。無其他教科書亦無定時也。

二十二日(水)午前參觀公立女子公學。模範初等高等小學。皆余君仲襄(新國)所創。

女子公學。去年三月成立。現有一二學年生三十二人。三年生十三人。職業班十人。職業班年長未識字者亦得入之。注重圖畫。去年開學時。有生八九十人。今日減少之故。蓋亦受他方消極影響也。全校多係通學。去冬年假行休業式。邀家屬來報告成績。到者五六十人。女子爲多。似向學之機已動。緣全校學費不收。教員皆女子。故易與家庭浹洽。此校女教員皆畢業於南昌私立義務女學者。嘗參觀教授。殆與義務女

學彷彿如習字寫大楷皆懸腕一如義務女學方法。模範兩等小學元年六月開辦時有生五十人二年一月得百二十人。今則八十四人固受豫皖之影響又因款絀新收每年初三圓高等六圓之學費故教員五人三爲級主任二任專科管理則校長與五人輪值之。每土曜則開教職員會議議教材之聯絡教授管理之方法校長余君本熱心教員亦皆少年派爲多佈置一切皆井井爲內地所不多見。又參觀時敏兩等小學校長周君鳳笙其子爲助教創此私塾迄今二十六年矣元年改學校受公款之補助分甲乙丙丁等班有生七十餘人。年收學費九圓聞頗得社會信用不嫌其鉅也每日六節每節六十分鐘分兩教室每室學生皆兩班以上教授則同時同科目一班講授一班作問答雖修身理科地理歷史皆然每日黃昏課以古文觀止東萊博議孟子故父兄多欲遣其子弟寄宿雖寄宿得歸家自膳不須納

費。寄膳於校。故尤合心理。高等有自習室。其佈置一如私塾。教室也。加以校長父子之熱心。勤懇。故私塾時僅有學生十餘人者。改學堂驟增至現數。余觀於此校。頗願介紹於熱心研究教育諸君。注意及此。彼其所設施。苟以新教育理法。繩之。幾無一非可議者。要其能得社會之傾向。實吾人所宜虛心體察者也。

演說

地方概況

午後赴女子公學演說。來聽者女學生外。模範小學、鄉立竟成小學學生及女賓共百餘人。題爲景德鎮之教育與蠶業。夜大雷雨。鎮教育不發達。說者述前知事頗主張大設小學。議略定而今知事不謂然。蓋氣候變矣。現有男女小學。經上述三所。天主耶穌兩教會皆蕭索。工人工餘娛樂機關爲茶肆酒肆。爲倡寮。昔時則雅片尤盛。二十三日（木）本定是晨行。以輿夫未雇齊。改於明日。蔡君蔚挺以同舟十日。不可無記。乃各題詩於瓷磚而程女士爲之畫。

詩

昌江行雜感同舟者蔡君敬襄其弟子程女士俠

惡將。杞。柳。爲。杯。椽。長。使。鳶。魚。沒。性。天。養。得。真。才。活。潑。地。一。牕。春。草。綠。芊。芊。

琴。德。愔。愔。心。太。平。明。夷。君。子。利。艱。貞。要。將。一。曲。孤。絃。調。散。作。千。門。萬。戶。聲。

濺。濺。石。瀨。走。晴。雷。上。水。船。迎。下。水。來。行。矣。篙。師。須。努。力。橫。流。仗。汝。濟。川。才。

砧果

二。十。四。日。金。午。前。八。時。半。行。輿。三。乘。輿。夫。六。挑。子。四。十五。里。過。黃。泥。渡。又。十。里。至。湘。湖。街。近。街。二。三。里。許。見。水。碓。擣。砧。果。其。地。浮。梁。東。鄉。也。法。取。山。下。塊。石。用。水。碓。擣。碎。鑿。池。投。入。俟。其。沈。澱。而。砧。果。成。矣。今。日。所。行。有。時。四。望。寥。廓。遠。山。作。障。有。時。掠。山。麓。而。過。時。值。春。莫。一。片。晴。綠。回。念。廬。山。之。遊。忽。忽。如。夢。成。二。絕。

晴。雲。一。片。與。山。平。五。老。香。爐。爲。送。迎。三。月。匡。廬。春。似。海。杜。鵑。花。外。杜。鵑。聲。

詩

忽看一綠。蹙平畦。百日行程。氣不齊。春去浙源山下路。杜鵑紅盡。杜鵑啼。

贛省之水  
與紙幣

余今離贛境矣。綜贛省現狀之危。厥惟二事。曰水。曰紙幣。贛省各屬皆環彭蠡而居。九江在下游。又瀕長江。其被水。不必論南康南昌。惟迤西奉新安義靖安建昌四縣。地勢稍高。較爲樂土。去年撫州水。南昌饒廣間。又苦旱。饒之餘。千居鄱湖。東南歷年患水。爲最瘠苦地。聞之饒人。其難民流散四方。十百爲羣。嗷嗷索食。一如江蘇之淮徐海安徽之鳳潁。滁泗然。饒之鄱陽亦瀕湖土人。爲言水至則全市可舟行焉。乃若居贛江流域之贛南吉臨等屬。又苦山洪暴發。當其一瀉千里。田廬人畜杳不知其所。事所恒有。惟被害雖劇。不數日卽流瀉以盡。尙不至若瀕湖一帶之被淹。經旬累月而未已也。至於紙幣之害。純屬人事。市上現銀久已乏絕。所流行者。惟民國銀行發行之九五錢票。有千文一紙者。有百文一紙者。統計發出總額有八九百萬之多。其價之賤。每銀圓一。

枚。可。易。錢。幣。一。千。八。百。文。而。一。出。省。門。不。能。行。用。即。在。省。城。亦。不。盡。能。行。用。以。故。客。商。莫。不。裹。足。嘗。深。求。其。故。誠。非。一。朝。一。夕。所。致。而。其。近。因。則。由。軍。隊。多。北。人。餉。項。須。發。現。銀。每。月。贍。家。費。總。有。十。餘。萬。圓。出。口。雖。商。業。上。略。有。現。銀。輸。入。未。能。盈。餘。以。資。流。轉。此。害。不。除。江。西。在。在。可。慮。也。

虎。潭。一。帶。道。旁。神。龕。徧。黏。紅。紙。條。大。抵。由。於。生。子。祈。福。其。末。必。有。四。語。若。可。解。若。不。可。解。曰。易。長。易。育。麻。豆。稀。疎。成。人。變。豹。福。有。攸。歸。

二。十。五。日。〔土〕午。前。八。時。行。二。十。五。里。至。賦。春。昨。所。投。止。處。皆。小。村。落。賦。春。較。大。有。大。石。梁。跨。溪。上。過。此。爲。沖。田。村。村。皆。一。姓。所。聚。賦。春。吳。姓。沖。田。齊。姓。村。有。公。立。高。等。小。學。去。年。一。月。開。辦。學。生。四。十。人。亂。後。銳。減。現。僅。二。十。人。皆。寄。宿。日。納。米。一。升。另。年。納。學。費。十。元。校。就。青。雲。書。院。設。立。其。經。費。每。村。年。出。十。圓。合。二。百。圓。晤。其。教。員。彭。姓。腦。後。尙。纍。纍。垂。辮。所。命。國。文。題。爲。揚。善。論。管。仲。相。桓。公。論。蓮。花。比。君。子。說。亦。有。鉛。筆。畫。及。豆。

細工。其一教員曾在某縣習師範者。當去歲初立各村。意興甚高。私塾生亦來附習算術體操。今無之矣。學生雖未盡脫私塾氣。然見客則彬彬有禮。

皖南一帶盛傳將廢學堂。復科舉。故到處有縣知事四言告示。聲明學堂永不停辦。沖田村某店夥問余將停學堂。復科舉。信乎爲之反復解釋之。

沖田嶺

自入婺源。道皆鋪石。無一石傾欹。無一步飢。出沖田村。得沖田嶺。累石爲級。度之石寬八尺。級高三寸。每二三十級得平地若干步。以節行者。勞上嶺行八百八十八級。下嶺略如之。而足不感疲。歎廬山蓮花洞牯嶺間。竭租界七國之力。以成未能及此也。

皖南謠

十里一長亭。五里一茶竈。土風媚佛。寧媚神山。無佛寺。惟神廟。長亭何峨峨。有神年。旣耄朱衣玉笏。烟塵繞前村。生兒歌且蹈。大書

謠



一。紙。拜。神。禱。就。中。句。語。亦。絕。倒。願。兒。長。育。痘。稀。少。願。兒。成。人。勿。變。豹。

輓。輓。復。輓。輓。千。山。萬。山。確。春。穀。東。鄰。大。男。年。十。六。擔。柴。要。擔。百。斤。足。讀。書。要。讀。五。經。熟。西。鄰。紛。紛。走。相。告。快。辭。公。學。拜。私。塾。中。華。科。舉。制。且。復。不。然。倪。都。督。何。爲。下。令。辦。團。停。教。育。

自賦春行二十里。至甲路。又三十里。至清華街。宿。凡行七十五里。

二十六日。日。清華街亦大村也。程胡戴三姓居之。參觀華川初等高等小學校。

是校去年正月開辦。就胡氏祠爲校址。時間表。有經學課。高等。初等。各。六。時。高。等。課。左。傳。孟。子。初。等。課。孟。子。論。語。兩。教。室。各。十。四。人。兼。課。商。業。以。堂。之。兩。廡。爲。自。習。處。自。習。甚。勤。於。校。定。時。間。表。外。各。生。別。定。自。習。時。間。表。古。文。觀。止。東。萊。博。議。之。類。咸。列。焉。日。曜。不。停。課。令。學。生。作。文。年。長。者。甚。多。最。長。者。十。九。歲。學。費。不。收。聞。婺。源。全。縣。四。十。餘。校。此。北。二。區。僅。

大石洞

婺水源

沱口織布廠

大石洞之靜水



一校。

沖田嶺以上古木參天層巒合沓  
自甲路至清華街經一嶺高壁有  
大石洞黝然以深土人謂往年  
噴大水鐵拐李撐鐵船出入其間  
可笑樹頭松鼠往來如織其身碩  
大不避人

婺水發自浙嶺西與昌江平行自  
婺源南境經樂平入鄱陽湖其一  
源曰沱水有村曰沱口自清華街  
行二十里至其地漸近婺水源頭  
愛其水木幽蒨攝一影  
沱口有織布廠新式木機五六乘

山坑小學

織各種花色布。私家所設。聞其銷售尚佳。但地不產棉。故獲利微。近年新式布盛行。乃至深山中。亦有此未始非抵制洋布之一法。行十里至山坑。參觀正誼初等高等小學。是日日曜。不放假。學生三十餘人。擠坐一教室。長者習珠算。幼者習字。或相勸教員。方午睡。竹牀未醒也。黑版書如下。

問人類生存之道

明太祖取元論

桑 ○ 桑 ○ ○ 桑 ○ 桑 ○ 蠶 蠶 ○ 桑

浙嶺下之雷雨

浙嶺

十里至石保山頭。森林益密。道旁時見圍二三丈之大樹。十里至鴻瑞灣。又五里至浙嶺脚矣。忽大雷雨。暫避村舍觀嶺頭雲氣。滃然山泉奔注。隨處成大瀑。電光射雲氣。其光睽睽。深山雷雨。此為第一。遭少頃止。舍輿步行上嶺。嶺高三千三百級。屏息疾走。登其巔。得亭亭後石刻。吳楚平分。四大字。蓋贛浙間之分水嶺也。此山脈來自閩浙間之仙霞嶺。

蜿蜒望西北去時已日暮雨後雲渥四山雷聲猶兢兢不已上下嶺凡十五里抵莊前村宿是日行七十里

過浙源嶺

東去漸江西婺水南條大脈界分明千村春穀雲邊確一路輕輿  
茶裏行

二十七日(月)晨行八里至嵐山廟二十二里至花橋二十五里至上溪口入休寧境矣宿凡行五十五里

婺源美俗  
之種種

當余離景德時或告余行浮梁宜少留意一入婺源其高枕可也此入婺境惟覺終日行康莊大道每三里或五里必有亭方棟斜囊其棟之大雖富家聽事不是過兩壁設檻以坐客亭之隅有竈陷鐺其中茶香一縷既溫且清以竹爲杓任客飲不索酬亦不見人司也  
就亭小憩村人擔柴者同坐叩以此間有盜賊乎答盜惟去秋來自浙圖劫掠不數日遂去舍此無有賊從未有之君試棄物於地明日來物


如故也。言次若深鄙。余問者。村無茶肆。無博場。昨夜輿夫背余博。逆旅主人正色走告。若曹知之。此間非可博者。衆為肅然。村亦無飯店。門有懸中伙安寓四字牌者。得就宿。且備燃料以供客之。攜米就炊。

婺源道中

十日山行。九日坐無涯。知送有涯生。每驚村犬迎。新客漸見巖花。辨土名。四月茶香忙。婦稚百年風。美關柴荆誰能廣。魯風天下載道清。謳移我情。

浙嶺西女子多纏足。不纏者絕罕。嶺東女子多天足。纏者絕罕。且能樵柴負重物。以行或為村店肩運貨物。而取其值。嶺西男子無辮。嶺東垂辮者。載道一嶺之隔。風氣殊絕如此。

二十八日(火)溪口屯溪上流也。東行為新安江。入浙。此地實浙水發源。



處。自溪口行七里。至石田。八里至小當。十五里至汪金橋。十里至黃村。今日所行地漸平曠矣。黃村皆黃姓。有黃氏小學者。設於水口廟校舍。光氣頗合式。蓋黃氏族學也。晤黃君滌原及定甫。朱君錫虞。皆嘗習師範或肄業中學者。出示學校成立史。以民國紀元前三年創辦。學生四十人。男女皆收。高小一年爲一室。初小一年至四年合爲一室。規定值日生職務。時間表。配置有聲無聲。皆中度於正課。外仿自治辦法。設學生會。令其

屯溪

教育狀況

皖南之師  
範學校

練習規定。操行考查。法分質直。中禮無飾。三項以完全爲最。上談次深。以教室在樓上。又無學校園。爲大憾。如此良好之教員。與小學不圖於深山。竄僻處得之。

七里至霞莊。十里至瑤溪。五里至孫打魚。八里遂抵屯溪。訪吳美利茶行。晤俞君樞塵。夔長途。僕僕得此。有如歸之感。是日行七十里。

屯溪爲皖南茶市。中心隔溪曰陽湖。市兩市合計人口當在十萬以上。街衢陳設華麗。宏壯有滬杭大商埠風。自贛東來。久不見此矣。論其教育。去年有高等小學一。初等小學一。女子小學一。下半年公費不復補助。各校同時停止。今僅存師範學校及其附屬小學一所。農業學校一所耳。

二十九日(水)盡日參觀師範學校及其附屬小學。嘗爲文以記。刊入江蘇省教育會『教育研究』錄如下。

皖南之師範學校

## 鄉土之種

安徽休寧縣屯溪鎮東北三里許有地曰荷花池一小村落也背山而面水水曰漸水爲率水入橫江水之匯遠望風帆片片可見臨水居民櫛比其北平疇一綠直抵山際於此山迴水抱間得學校焉是爲安徽省立第二師範學校余以民國三年四月二十九日自贛東度浙嶺以抵皖南賴江君易園之紹介往參觀焉師範學校余此行所特別注意者所見可十數求最足以移我情者惟斯校乎校賃民屋以二年四月一日成立入門於室之壁間得自製地圖爲歙休寧婺源祁門黟績谿六縣圖凡山脈水流道路區畫城市村鎮略備六縣爲舊徽州府屬而第二師範學區也校長績谿胡君子承（晉接）固邃於地理學者談次出自製標本茶皖南特產也爲標本若干種材木皖南特產爲標本若干種礦產萃於績谿下塢之金荆洲之綈龍鬚山之水晶門前巖之淡水晶八公塘之白煤大障山之銀石金山之硫銅爲標本若干種植物爲圖爲標本凡若干種去年爲



徵集六縣植物啓略曰。

本校明年所授各學科。共同商榷。本實用主義。預先編纂細目。以便按日程功。博物一科。先授植物。其實驗材料製作標本。固爲必要。而本地實物之採集。於焉分晰種類。研究效用。講求種植。斟酌土宜。用以發達本地方之植物學者。實爲物質文明進步之始。尤與社會經濟前途有關。茲與諸生約。年假回里後。可就近各採集植物若干種。或取秧苗。或摘果實。或選莖葉。或拾花枝。無論穀物、菜蔬、果樹、藥品、竹、木、藤、草。凡天然之生物。悉本校所歡迎。其有力難自致者。可轉求同志協助旁搜。準明年開學時帶回校內。其產地何所。栽種何時。及一切狀況。廣爲諮訪。附加說明。俟付品評。分頒獎券。復爲鄉土植物記載表如次。

一、物名。

二、種類。

草本或木本（常青木或落葉木）

三、產地。

四、播種方法。

五、栽種期。

六、土性。

七、肥料。

八、收穫方法。

九、收穫期。

十、收穫分量。

十一、價值。

十二、用途。

十三、附注。

十四、採集人。

訓育

其訓育之方鍼。曰信實。曰勤儉。曰謙遜。曰親愛。曰公德。曰常識。曰遵

法曰尙武。其訓育初步之德目曰規律。曰勤勉。集各項。學生心得。簡要。易行者。若干條。成小冊。給諸生。置身旁。備省覽焉。其關於訓育之方法。爲講堂訓話。爲早晚整隊訓話。爲臨時面會訓話。爲黑板揭示等。

其提倡學生自動事項如次。

一、修學。日長每日三小時。日短每日二小時。

二、勤務。除特別勤務外。教室寢室自修室閱報室等。均服輪值之職務。

三、整潔。

四、札記日記及帳簿。札記以記各種參考文字。日記以記心得及每日所爲。時加反省。帳簿以記銀錢收付。

五、談話。練習言語。

六、運動。

七、寄宿舍之分部作業。隨時由舍監爲適當之組織練習

合羣治事方法。

八、學校園之作業。分區分組擔任栽培灌溉等事。

九、修學旅行。每年春秋佳日。因時因物。指導學生。實地考

察。明確其觀念。鍛鍊其身心。並養成隨時隨地自動的研  
究學問之能力。

其訓育效果之調查。一觀察。二檢查。三評判。

每年十一月一日。編製翌年學年曆。

學生宿舍之設備。一事一物。務保守固有之習尚。新安六邑。重巒複  
嶺。不易與他屬。通往來。故其民風。庶幾近古。校長胡君。教務主任方  
君振民。新對於地方。意主輸入國民。必須之新思想。新學藝。而不欲  
破壞其舊時淳樸懿粹之美德。故於師範教育。兢兢此旨。冀將來爲  
小學校教師。有文明之啓導。無習慣之扞格。而於鄉土歷史地理農

工。鑛。物。各。種。名。產。本。其。平。素。詳。悉。調。查。研。究。之。功。夫。轉。以。傳。播。後。生。  
勗。之。改。進。於。社。會。生。活。地。方。經。濟。與。以。甚。大。之。效。益。平。日。更。特。別。注。  
意。聯。絡。本。學。區。地。方。小。學。俾。趨。一。的。斯。則。二。君。設。施。之。微。旨。而。余。所。  
深。表。同。情。者。也。

四。月。六。日。至。十。三。日。爲。春。假。期。六。邑。交。通。梗。塞。師。範。生。里。居。距。校。遠。  
者。七。日。僅。足。往。返。校。長。欲。乘。此。機。會。養。成。其。信。實。勤。勉。準。時。守。約。之。  
習。慣。乃。特。許。歸。里。但。以。極。懇。切。之。訓。話。勸。其。以。時。到。校。屆。期。開。課。百。  
餘。人。無。缺。席。甚。有。一。日。行。百。里。星。夜。趲。程。以。赴。者。此。則。訓。育。成。功。之。  
實。況。也。

安。徽。自。去。歲。九。月。都。督。下。令。停。辦。學。校。一。學。期。全。省。教。育。受。雷。霆。萬。  
鈞。之。一。擊。倏。焉。澌。滅。以。盡。而。是。校。歸。然。獨。存。且。頗。獲。行。政。機。關。之。嘉。  
許。此。豈。有。大。力。能。抗。此。潮。流。者。蓋。其。支。費。獨。省。自。二。年。八。月。至。十二。  
月。經。常。支。出。一。千。二。百。餘。圓。悉。從。臨。時。項。下。撙。節。移。補。不。領。省。庫。一。


乙種農業

文於財。政上無可以摧殘之口實。計是歲經常僅共支四千餘圓。余觀是校不覺爲之神往。夫所謂輸入國民必須之思想學藝而不破壞其淳樸懿粹之美德俾異日有文明之啓導無習慣之扞格與夫注意調查研究鄉土歷史地理農工礦物聯絡各地方小學此豈僅新安師範學校宜然也哉而非易數觀矣。

三十日(木)渡溪至陽湖參觀乙種農業學校。晤其主任吳君復華。是校爲茶商吳君俊德手創。特建校舍教室。光氣合用。歷年所耗不下萬金。比年意興漸冷淡。緣茶市日衰。去年亂事又嘗爲人挾嫌構陷。雖未至受虧第如此。熱誠興學曾不足見。重於官廳與社會意頗怏怏。談者述之如此。學生四十八人。校名農業。專授蠶科。無特別設備。無專門功課。似於實際上難收效果。但作普通小學觀。則設備教授管理皆甚用心。亦殊難得。獻議校屬茶商所立。不如改授茶科。既切於地方實用。又隨處得天然之設備。費省而功倍。蠶與茶二者作業均在春夏相衝突於

婺源之飲  
食物

戴東原讀  
書處




茶。世。界。提。倡。蠶。業。其。事。至。逆。現。歲。費。一。千。六。七。百。圓。由。茶。公。所。捐。一。千。圓。茶。商。湊。捐。一。二。百。圓。餘。仍。由。吳。君。俊。德。任。之。遊。溪。南。稽。靈。山。回。兪。君。餉。以。婺。源。製。食。品。若。蒸。蹄。蒸。雞。蒸。鳧。蒸。粉。蒸。腐。之。屬。皆。精。美。而。濃。厚。其。酒。爲。封。缸。酒。味。甘。而。性。醇。私。念。飲。食。物。之。厚。薄。與。澆。淳。殆。亦。其。地。風。俗。人。心。之。一。種。表。徵。乎。午。後。登。市。後。華。山。一。覽。全。市。

屯。溪。西。五。里。隆。阜。村。居。民。皆。戴。姓。東。原。先。生。族。也。往。訪。之。先。生。無。後。其。族。孫。伯。衡。導。觀。先。生。讀。書。處。及。所。居。故。址。其。地。屋。皆。改。建。然。伯。衡。猶。能。指。示。某。地。爲。先。生。之。齋。某。

二童聽書

余被拘之  
訛傳

書 聽 童 二



地。為。先。生。之。門。攝。一。影。師。範。學。校。胡。方。二。君。同。遊。索。余。為。之。題。將。勒。石。焉。其。前。小。山。一。道。村。人。述。先。生。當。時。嘗。戲。言。此。余。著。書。之。筆。架。也。過。由。山。下。遊。仙。人。巖。返。仙。人。巖。作。雙。丫。形。又。酷。似。二。童。對。坐。高。聳。雲。際。俗。名。二。童。聽。書。彭。澤。城。之。二。童。雙。峰。對。峙。而。已。此。則。宛。肖。人。形。焉。其。下。有。寺。設。私。塾。

迭接親知函電。知滬上方鬧一極可笑之問題。某報訛傳。余在南昌。為戚民政長拘留。聞者疑



黃山

駭致勞。蘇贛當道。文電問答。不絕其殆。廬山偵探事之訛傳。歟。函各報館。通告行人。無恙。此次走贛。東皖南。荷皖贛省署。文達各縣。招待爲書。以謝之。乃與俞君商。明日往遊黃山。

五月一日(金)微雨。自屯溪北去黃山下。可百三十里。須兩日乃達。午前八時。雇肩輿三。輿夫六。挑子一。冒雨以行。十五里至東關。又五里至梅嶺。入歙縣境。又十里至西溪南。渡西溪。無船用竹筏。載肩輿以過。稍歇。便覆。幸無恙。又十里至灤口。又十五里至容溪。宿。凡行六十五里。自灤口以上。遠山四。偪過佛子嶺。入萬山中。容溪出。容成峯下。雲氣鬱鬱。又無導者。莫能指峯名也。

黃山行


一往境幽絕。唯心與搆成。近山偏不見。下谷盡無聲。水共人爭道。雲封嶺作城。劫餘遊屐少。卅六失峯名。

容溪逆旅

是夜宿容溪逆旅。破屋一間。牀竈藩溷。一取混合制度。其家男女老幼。

處之怡然自適也。

二日(土)雨不止。晨七時行十五里。至下舍。又十里。度山口嶺。至山口村。又十里。度石碓嶺。黃土嶺。至楊村。盡日行萬山中。借炊於蔣氏。主人號雅堂。年七十四。鬚髮如雪。村至湯口三十里。猶能一日徒步往返。自言年十九從左文襄軍。與洪楊戰。走閩粵。燕齊等省。數十年。顧此前清時事。不宜復道耳。有子一孫。三栽茶種黍爲生。小樓三間。面溪卜築。壁貼舊板。歷代帝王系統圖。慨然謂吾老矣。兒輩惟苦守田園。又無力不能使諸孫入學校。村無學。苟遠從宿者。年非二十圓不辦。余焉能堪。此至村館。夫子已無所有。何能教人。戲以所攜小方壺齋。叢鈔。清咸豐九年。歛黃肇敏所爲。黃山紀遊。按其地名問之。答皆不誤。問當時導游之村。民蔣升生其人。識之。否則稱信有之。今物故矣。又言故老相傳有海馬者。能導客游。健走如飛。今無之。游客亦稀絕。云飯畢。珍重言別。爲之感。不絕心也。行五里。至吳村。又十五里。至芳村。雨止。日出。游興勃然。又



十里。至湯口。日晡矣。羣峯列眼。前苦不能名。舍輿步行五里。至紫雲庵。天黑叩寺門入。未幾月大明。是日行七十里。兩日雨行悶坐。無所事。乃閱小方壺齋黃山遊記諸篇。方知文章雖五花八門。實則遊山所經。止此一綫。乃私定第一天自紫雲庵。至文殊院。第二天至獅子林。第三天經雲谷。過苦竹溪。回湯口。以問寺僧。老僧性海。年七十三。自言七歲入黃山。爲僧。然文殊院以上畏路險。未之往。僧

果證奮勇自請陪遊。顧其平日遊跡亦僅至獅子林。止乃別雇一陳姓者爲導。部署定就寢。徹夜聽泉聲。若雷寒甚。

紫雲庵古一茅篷也。今則煥然棟宇矣。旁門猶署黃山一茅篷五字。人亦以茅篷呼之。黃山寺觀遭洪楊劫甚苦。黃肇敏記稱紫雲庵有僧曰虛堂。以問性海。謂此吾俗家叔父也。爲洪楊擄去。被害予家。芳村實姓謝氏。言次慘然。數十年來遊山者稀絕。性海謂年止數起耳。遊者多皖南人。去年黟某醫士夫婦同遊。其婦雇人負以上實罕。見問以有無外國人來。則謂前數年有日本人嘗來。餘未見。然余聞之。他人有美國人偕。日本人遊。日人登蓮花峯。止美人直上天都峯。日人未能從也。性海出示黃山志。康熙間僧弘濟編十之八爲藝文。其言三十六峯三十六源。方向位置皆不了了。志首插圖數幅。則側面風景畫萬峯如海。而無名愈讀愈增迷惘。然外間少傳本矣。

三日(日)晨起。華氏表僅五十二度。視山巔降二十度矣。未攜棉衣。幸能

支持。乃浴於湯泉。

湯泉與紫雲庵俱臨青龍潭。其上爲紫雲峯。庵當其腰。泉其趾焉。自湯口來西北緣潭左行。將至庵有橋跨潭。曰小補。過此右行。卽抵湯泉。泉深三尺。池長一丈五尺。廣半之。窪山腹。覆池之半。外蔽以亭。凡溫泉多含硫磺質。相傳此獨含朱砂質。池旁壁罅。注入冷泉。一縷。故溫度不高。恰適於浴。

旣浴。向文殊院進發。僧果證。挑子二。臨時雇挑子一。導遊者一。僧攜童子一。與余輩三人而九。皆足芒鞋。手竹杖。鼓氣首途。向庵後右偏行。不數武。倏見瀑布二道。當寺後。直自峯巔下注。絕澗。僧曰。此名羅漢級瀑布。之旁有石級。可拾以上。今爲瀑路矣。其水清絕。發自天都峯。庵所飲卽此。約下山當少汲。以歸。緣白龍潭。右上潭。卽青龍上流也。隔澗望山。腰有洞。流泉千縷。曰水簾洞。沿途聞花香。絕甘美。而不見花。循石級。曲折上。約三里。而慈光寺至。慈光寺明萬歷年建。實黃山最古之佛刹。當

古木蓮

石

朱砂峯下。初名朱砂庵。以一庵而能致明。帝后發帑賜額。實普門和尚  
 之力。入寺。卽見諸峯高聳雲表。中天都東紫雲西朱砂。而朱砂正當庵  
 背。蓋一路爲密樹所掩。至此豁然開朗也。志載寺有古木蓮。以問僧尋  
 得之。樹半槁矣。旁一株完好。則年較穉。盛夏乃花如蓮。而九瓣。其果可  
 治氣鬱。  
 自寺後。右偏望天都。朱砂兩峯間。上路漸艱。仄實非路也。兩厓間地稍  
 陷。羣石實之大者如牛。如象。小乃如鼠。如蟻。其上林木蔽虧。時有流泉  
 侵及足際。跬步必謹。遇大石當路行者。自其下蛇行。以過曰碰頭石。又  
 有一石尤大。高可數丈。其長維倍。思此大小無量。數石當幾千萬年前。  
 不知其原質何緣而結合。又何緣而析散。當破空崩陷時。不知其間有  
 無人類。其驚動天地。何若閱幾千萬年。我乃適然與之一遇。不知更須  
 幾千萬年。牛與象。乃風化而爲鼠。鼠爲蟻。蟻爲塵埃。以揚於空際。而吾  
 人類者。其軀殼亦已矣。不知其精神尙有遺留焉否。夫人類無日不與

天門坎

雲巢洞

小心坡

松與石

天然戰又無日不利此天然以生其能利用此天然而戰勝之所謂精神非邪今有黃山而不能遊焉憚艱阻不能縋幽窮奇盡天地之勝是謂不能用不能戰可恥行矣哉其毋怠毋畏登大石攝一影爲別此犖确之石與吾新上足之芒鞋轉戰可十里吾芒鞋若以廬山一役戰勝匡君獲嘉獎奮欲自效以求固其名位者故銳進不少卻其間嘗度一峭壁導者曰此闔王壁也以書考之闔王壁當以明日過心中無闔王壁足下更安有闔王壁遂上天門坎天門坎者兩壁夾立僅容人過爲自慈光寺上文殊院必經之路遠望在天都朱砂兩峯間抵此則朱砂已與其他諸峯落脚底而天都依然天半既過路漸平稍下復上得一洞鐫雲巢二字中藏石級數十循以上出洞如出井過臥龍洞略如雲巢經小心坡左峭壁右絕澗路僅容足得橋曰度仙過此便至一綫天矣洞深黑且溼循級上豁然開朗自天門坎以上壁離立皆不甚遠語稍高作回聲自雲巢以上峯巔壁罅奇松無數幹上下拗折枝皆

絕。平。如。掌。有。自。壁。間。下。垂。復。折。以。上。使。根。反。高。出。其。頂。者。雲。氣。繞。之。飄。飄。有。仙。意。石。怪。峭。

天 都 峯 (其 一)




儻。是。據。書。昔。遊。客。皆。嘗。爲。之。名。奇。物。可。名。乎。彼。非。欲。名。者。亦。豈。因。名。而。求。肖。今。莫。能。一。指。矣。行。平。地。數。十。武。遂。至。文。殊。院。文。殊。院。亦。爲。昔。普。門。大。師。手。胤。今。存。

屋。三。間。昔。人。有。言。不。至。文。殊。院。不。見。黃。山。面。不。至。獅。子。峯。不。見。黃。山。蹤。院。背。玉。屏。峯。左。天。都。右。蓮。花。玉。屏。鐫。此。山。尊。三。字。又。天。地。自。明。四。字。望。



天 都 峯 (其 二)



之。大。如。斗。院。前。大。石。曰。文。殊。臺。登。之。其。下。羣。峯。巒。阨。若。鄉。村。演。劇。登。劇

臺。俯。視。廣。場。萬。頭。攢。聚。者。凡。雲。之。生。必。於。層。巖。絕。壑。當。其。滃。然。四。起。未。幾。而。瀾。滿。坑。谷。掀。盪。洶。涌。一。白。無。際。此。觀。劇。之。萬。頭。時。復。露。其。一。二。若。孤。島。絕。嶼。可。望。不。可。卽。所。謂。黃。山。絕。景。雲。

海。是。矣。惜。此。時。夕。陽。在。山。四。無。片。雲。惟。餘。暝。色。蒼。然。迷。濛。欲。合。而。已。今。日。之。遊。雖。謂。盡。日。與。天。都。峯。作。緣。可。也。慈。光。寺。遠。望。與。紫。雲。朱。砂。初。

蓮 花 峯



黃炎培考察教育日記 第一集

無。以。異。為。一。景。將。至。天。  
 門。坎。頭。腹。並。見。為。又。一。  
 景。過。小。心。坡。遊。侶。反。顧。  
 皆。大。呼。蓋。峯。迴。路。轉。而。  
 又。一。景。矣。泊。上。文。殊。臺。  
 全。身。畢。現。方。知。向。摩。腹。  
 過。者。非。天。都。乃。其。旁。較。  
 低。之。峯。曰。耕。雲。者。是。耕。  
 雲。之。頂。有。石。如。鼠。豎。耳。  
 弭。尾。作。勢。奔。天。都。土。人。  
 謂。之。仙。鼠。跳。天。都。絕。肖。  
 西。望。蓮。花。則。又。雄。秀。無。  
 倫。其。高。幾。與。天。都。齊。自。

臺。仰。望。猶。天。半。也。蓮。花。之。名。以。其。形。旁。有。峯。如。蓮。含。苞。未。放。者。曰。蓮。蕊。峯。其。瓣。之。紋。理。自。頂。至。踵。長。不。可。度。少。時。表。伯。南。匯。奚。壽。直。先。生。示。畫。法。曰。畫。黃。山。非。用。披。麻。皴。不。可。爲。余。識。黃。山。名。之。始。不。意。化。工。神。筆。乃。有。如。此。大。披。麻。皴。法。惜。不。及。令。我。壽。直。先。生。見。也。蓮。蕊。之。頂。有。石。如。船。松。立。其。中。如。桅。皆。絕。肖。遊。者。呼。爲。采。蓮。船。

文。殊。院。僧。德。圓。一。見。索。銀。十。圓。方。辦。飧。咄。哉。殆。如。久。餓。之。豺。虎。饑。不。可。耐。幸。同。遊。者。多。不。則。充。其。心。安。保。無。意。外。事。惟。時。自。忖。事。有。進。無。退。第。彼。一。人。而。我。九。無。畏。乃。切。責。以。不。宜。慢。客。僧。果。證。從。旁。爲。勸。乃。出。茶。飯。導。者。爲。言。往。年。上。海。二。客。來。遊。德。圓。令。人。爲。導。至。西。海。門。忽。大。霧。相。失。導。者。流。轉。村。落。間。七。日。始。返。而。二。客。不。歸。厥。後。家。屬。來。訪。德。圓。不。肯。承。遂。無。知。者。導。者。又。言。彼。亦。嘗。受。大。創。昔。年。羣。盜。劫。之。無。所。得。縛。之。樹。以。香。爇。之。蓋。山。巔。獨。處。人。跡。在。十。里。外。故。無。救。者。是。夜。宿。佛。龕。側。氣。更。寒。華。氏。表。僅。四。十。七。度。

第二閣王壁

山羊

四日(月)予德圓以三圓四角而行玩天都蓮花猶愛不忍去也天仍清朗自院西望蓮花峯進先下深谷曰蓮花溝復上峭絕之壁下臨深絕之壑壁鑿足迹依痕着足一失千古則眞所謂闔王壁者至矣經第二壁尤長曰大闔王壁昔之遊者用大布令人各執一端障於其左使目不見壑乃行亦至可笑繞蓮花峯而西路旁得連理松一忽前行者大呼於山半發見山羊大如馬聞呼聲狂奔度嶺如飛以去問果證山有虎否曰有之但修行不食人惟去年紫雲庵被攫狗一頭而已迎面來大峯曰鰲魚峯導者曰峯巔有洞至獅子林必過此過此便平坦荷上蓮花峯者當右轉自石坡上往返須十里意頗尼之私念此機不可失遂奮勇犯險登石坡

石坡既盡一徑斜上滿地砂礫滑甚巨石密箐復乘我危爲連衡之勢以相困遇艱絕處吾矯健之鞋與杖亦不得不交聲呼將伯旋入洞洞盡險如前凡經四洞皆銳末豐腹昔人遊記謂如從藕節中行緣本入

瓣。信。然。得。一。屋。趾。按。書。殆。卽。蓮。菂。庵。再。上。益。險。一。轉。地。忽。平。而。絕。頂。至。矣。頂。大。可。方。丈。石。陷。處。有。砂。昔。人。名。之。曰。香。砂。池。其。水。可。浣。目。使。盲。者。明。今。澗。四。顧。萬。峯。皆。下。拜。獨。東。南。天。都。一。峯。巍。然。對。峙。導。者。喃喃。爲。示。諸。峯。名。皆。土。俗。不。與。書。合。據。書。問。之。亦。莫。能。答。其。能。確。指。者。北。爲。鰲。魚。峯。其。北。天。海。爲。今。日。未。來。之。路。線。西。北。九。龍。峯。西。則。雲。門。峯。與。西。海。也。其。南。平。地。匹。練。爲。青。龍。潭。澗。盡。於。湯。口。村。爲。余。輩。上。山。之。路。窺。以。遠。鏡。歷。歷。如。繪。於。西。北。最。遠。處。見。九。華。山。連。岡。蜿。蜒。以。極。於。天。末。至。若。較。近。之。蓮。蕊。耕。雲。朱。砂。牛。鼻。諸。峯。皆。須。俯。視。乃。見。大。地。殼。上。萬。山。巒。岼。而。已。

登黃山蓮華峯絕頂

南。條。一。脈。接。仙。霞。江。浙。平。分。兩。水。涯。讀。畫。廿。年。想。雲。海。攀。天。今。日。上。蓮。華。巒。岼。俯。極。三。千。界。縹。緲。高。承。萬。里。槎。蓮蕊峯頂第。一。茲。遊。快。心。事。名。山。大。好。屬。吾。家。

黃山脈。在屯溪。師範學校諸君爲指示甚詳。自贛。浙。間。之。仙。霞。嶺。折。

而爲浙與皖休寧界之馬金嶺迤西而爲扶車嶺爲婺休間之塔嶺爲  
婺之浙嶺余自景德至屯溪過浙嶺卽此再西爲婺休間之平鼻嶺爲  
張公山爲婺休兩邑與江西界之率山折而東北爲祁門之天馬山爲  
祁休間之安息嶺爲黟祁間之榔木嶺復折而西北爲黟祁間之西武  
嶺爲釣魚嶺復折而東北爲黟與太平間之羊棧嶺再東遂爲黃山北  
太平而南歙焉復東北行終於吾江蘇之寧鎮

鯨魚洞

天海

既下遂入谷復上百步雲梯曲折以達鼇魚洞皆行絕壁間出洞逆轉  
得巨石如鼇形至此遂入天海險盡而夷矣天海非海也乃山巔平曠  
處黃山有五海而天海居其中立天海俯瞰北海門外一綠平畦溝渠  
交錯則黃山北盡處漣村也偏東閭閻撲地爲太平縣城去此六十里  
獅子林背獅子峯面光明頂四圍皆山爲黃山北門鎖鑰自天海度光  
明頂卽至寺旁奇松無數後有石臺曰清涼臺下臨北海長可八尺廣  
半之松從石罅出團團如蓋曰破石松上臺望北海諸峯皆了了東北

獅子林

清涼臺



日。駝。背。峯。奇。松。益。繁。登。之。可。望。始  
 信。峯。始。信。峯。在。三。十。六。峯。外。以。余  
 評。之。其。逋。峭。奇。特。天。都。蓮。華。外。當  
 首。屈。一。指。時。則。落。照。在。山。秀。削。中  
 益。現。絢。麗。足。移。我。情。矣。  
 獅。子。林。僅。一。僧。扶。病。出。迓。絕。可。憐。  
 吾。友。志。廉。爲。之。醫。予。以。藥。欲。遊。西  
 海。門。天。晚。不。果。

五。日。火。今。日。乃。返。湯。口。矣。早。起。天  
 陰。但。雲。不。成。海。林。鳥。啁。啾。中。雜。以  
 嚶。嚶。聲。若。奏。金。絲。意。卽。所。謂。山。樂  
 鳥。非。耶。自。寺。後。東。偏。上。竹。箒。如。海  
 手。拂。足。蹴。雖。非。艱。險。頗。不。利。行。履。

接引松  
琴臺

夢筆生花

雲谷寺

蘿松

去始信峯不遠。遂上峯頂。將至得石梁。跨兩厓。間一松自厓際橫枝。梁上作導。曰接引松。過此自石罅側行。以進得石臺。一是爲麗田生琴臺。麗田生清乾隆間善琴者儀徵江麗田嘗隱此鼓琴。奇松環繞清幽。獨絕。其下爲散花塢。遙望得一物導者曰此夢筆生花也。石矗立圓而銳。若筆。松破石頂出。復下垂。繚繞之。稽之志則稱擾龍松。東南行約六七里。得一溪。天都在其左。余輩則緣溪右石壁行。此石壁導者稱爲板壁嶺。志書不載。未識究爲何名。所誤十五里乃至雲谷。雲谷寺舊稱擲鉢禪院。正對鉢孟峰。峰巔有石如覆鉢。其下有溪曰丞相源。卽余輩緣之以來者。四圍皆山寺。今半圯。僧亦逸去。山下土人掘筍。就破屋。煮以賣。果證謂此間有奇樹。指以示。則一松同榦而異葉。問何名。曰蘿松。使人揉升斫其枝。細視之。則一藤與松合體。其杈枒一爲藤。一爲松。所異者此藤附松高枝。並不著土。詩薦與女蘿。施于松柏。不意其爲合體也。攜歸。當請吾友植物專家吳淩諸子研究之。



九龍瀑

九 龍 瀑



今日幾盡日行叢薄間偶於林下得獸跡甚鉅果證低聲告曰此山君也言次色陡變志廉則謂此偶蹄必非虎正無聊賴問忽林隙飛出白

者盡去之天洲自斜坡上下蹀躞以位攝影鏡卒取其全影倖矣哉如

練一道跳珠濺玉聲若雷震導者曰九龍瀑至矣皆驩呼舍通路直下斜破欲近攝一影土石鬆且滑一失足溜跌二三丈傷一指天洲志廉皆絕勇志廉下深谷手斫叢箐凡蔽吾目

黃山異產  
之種種

此奇觀。余以流數滴。血購得之。聞者幸勿爲吾芒鞋罪。吾芒鞋早於晨間力盡。捐生爲之禮。而瘞諸琴臺之下。彌令悽然。感念苟吾芒鞋在。當不至此。此瀑之奇。不惟大也。瀑陷爲潭。潭流爲澗。澗落後爲瀑。如是者凡九。足壓倒匡廬三疊泉矣。三里至苦竹溪。得一坊。題曰黃山勝境。日晡。急行五里。至湯口。以紫雲庵尙須一往。復行五里。至庵宿。六日(水)清晨再浴於湯泉。壁還黃山志於老僧性海。性海亦出。火浣石。木蓮果。雲霧草。雲霧茶。爲贈。皆黃山異產。火浣石志稱。椎碎入火。有聲。有光。如金在鎔。發五彩。雲霧草生絕壁如亂絲。治目眚。雲霧茶味極香。洌。消煩暑。復向僧索泉。數勺攜以歸。黃山以產朱砂著名。朱砂在化學上名汞硫。蒸汞硫於空氣內得汞。其用可製寒暑表。風雨表。塗於玻璃。可製鏡以照影。能於礦物中吸出貴重金類。又供精製金銀之用。於化學上頗占重要位置。聞墨西哥首尋得汞者。乃一僕人。於山頂折一小樹之枝。見根下有水流。出驗之。卽汞。余於黃山嘗倚枯松。偶折其枝中。

盡赤色之朱砂其根亦然考黃山之得名以黃帝嘗煉丹於此今尚存  
煉丹臺故跡雖事屬荒唐然山之富於汞養可想紫雲峯下溫泉志稱  
其含朱砂質實則朱砂內固含硫也惜此汞與此汞硫無人采以供世  
用耳諸僧索書各撰一聯贈之

觀止吾同徐霞客

民國十三年夏遊黃山主於紫雲庵與之海上不入

開山汝定普門師

盡滄桑之感臨別留題補壁

名山大好吾家有

松心禪師

遊客昔評天下無

同看雲海光明頂

果證禪師導遊黃山三日書此志感

難得天西接引松

至是而黃山之遊畢天亦雨是役也所見非真雲海為一憾事雖然苟  
天雲且雨者將一步不能行遊決非三日可了而若文殊院僧之貪獅  
子林僧之病久留非累人即自累吾寧犧牲此幻相之雲海以一覽諸

峯。實。景。也。西。海。門。未。去。亦。一。憾。事。至。於。黃。山。大。概。吾。略。能。言。之。天。海。爲。
 中。心。其。南。玉。屏。峯。左。右。爲。天。都。及。蓮。花。天。海。之。北。爲。光。明。頂。爲。獅。子。峯。
 朱。砂。紫。雲。諸。峯。在。其。東。部。雲。門。九。龍。諸。峯。在。其。西。部。上。黃。山。之。道。其。西。
 吾。不。知。東。南。自。湯。口。入。以。紫。雲。庵。爲。憩。息。所。自。歙。往。者。率。由。此。北。自。北。
 海。門。入。以。獅。子。林。爲。憩。息。所。自。太。平。往。者。率。由。此。其。東。自。苦。竹。溪。入。宜。
 以。雲。谷。寺。爲。憩。息。所。今。圯。矣。余。之。行。則。自。東。南。入。以。擣。其。中。心。旋。向。北。
 行。於。臨。北。海。處。復。折。而。東。南。自。山。之。東。路。下。第。一。天。自。紫。雲。庵。至。文。殊。
 院。行。十。八。里。第。二。天。至。獅。子。林。行。二。十。里。第。三。天。至。苦。竹。溪。二。十。五。里。
 復。至。紫。雲。庵。十。里。若。論。其。高。志。稱。某。峯。九。百。仞。某。峯。千。仞。不。足。信。但。觀。
 其。氣。候。山。下。杜。鵑。三。月。花。落。而。此。尚。含。苞。未。放。百。卉。皆。然。一。如。春。初。景。
 象。則。其。高。寒。可。想。昔。人。稱。天。都。最。高。次。爲。蓮。花。次。爲。光。明。頂。登。蓮。花。絕。
 頂。觀。之。良。確。若。論。此。山。奇。妙。余。安。能。評。之。惟。昔。徐。霞。客。徧。遊。名。山。乃。曰。
 黃。山。天。下。無。吾。觀。止。矣。此。語。願。以。質。之。曾。遊。黃。山。者。

敬告遊黃  
山者

三十六峯

洪楊以後。人跡罕到。吾懼峯名。溪名。將從此。莫有識者。土人襲謬。承訛。模糊。影響。如蓮蕊。峯誤爲仙人。峯九龍。峯誤爲九老。峯光明。頂誤爲岡。門頂。清涼。臺誤爲蘇子。臺且爲之。解曰。此蘇東坡。喫酒處。皆經此行。據書。訂正其餘。拉東。扯西。指鹿爲馬。不知凡幾。世當不乏好遊者。盍破旬日。功夫。一往遊乎。敬告諸君。慎勿爲文章家所欺。凡文章家。求其文之動人。往往刻畫。煊染。而不復顧事實。如語高。則曰。壁立萬仞。語深。則曰。下臨無底。問何谷。何淵。乃真無底者。而萬仞不幾三倍於世界第一。高山喜馬拉耶乎。其記遊黃山也。往往極道艱險。蓋將借以少掩其垂老。作襁褓兒之醜。而轉詡其能不復顧後之讀其文而疑駭。畏阻也。諸君須知。弱如余者。尙能一行。何足畏者。黥某醫士之妻。可以風矣。第有數語。敬贈諸君。一遊侶不宜過少。二多攜衣服。以備寒。三自攜米蔬等食。料以杜貪僧婪索。四每人必帶磁針。以防遇霧失蹤。黃山三十六峯名。附錄如左。

巖寺

聯

皖南茶市

天都 鉢盂 青鸞 紫石 朱砂 蓮華 桃華 石人 雲際

雲門 浮邱 容成 軒轅 上昇 清潭 翠微 仙都 望仙

九龍 聖泉 石門 石柱 石牀 丹霞 煉丹 獅子 雲外

紫雲 芙蓉 飛龍 采石 壘障 仙人 碁石 布水 松林

別諸僧坐肩輿上歸路。過楊村。復訪蔣叟雅堂一談。夜宿下舍村。

七日(木)午後雨止。余肩輿前行。失道不經。西溪南而經巖寺。巖寺亦歙

縣。大市方演劇。紅男綠女千百為羣。遇一小學生。問知市有兩小學校。

時晏不及觀。返屯溪。

八日(金)師範學校校長胡君招往午餐。且集教職員令報告黃山遊況。

為師範生旅行準備。夜上船赴杭。留贈吳美利行一聯。

率水由山其民好禮。屯溪有山曰由山水曰率水

春蠶秋稼有女如茶。民國三年夏遊屯溪主於吳美利字留此紀念六經無茶字茶即古茶字

皖南茶市情形略悉一二。祁門產紅茶。以漢口為行銷中心。點婺源休

茶


炒



黃炎培考察教育日記  
第一集

寧歙等處產綠茶以上海為行銷中心點而屯溪實為綠茶轉運機關常年出口紅茶約七十萬箱內祁門產約占九萬箱綠茶出口約四十萬箱內自屯溪轉運者十七萬箱  
 紅茶製法採下後曬之使軟次揉之使捲次審之使變色次篩之使勻以上為茶戶之事次烘之使燥次揀之使淨次裝箱運售則茶號事也綠茶製法採下後炒之使軟次揉之使捲次焙之使乾以上為茶戶之事次篩

茶 揉




之。揀。之。簸。之。扇。之。使。勻。淨。每。次。須。焙。之。使。燥。次。裝。箱。運。售。則。茶。號。事。也。茶。細。者。每。箱。五。十。斤。粗。者。每。箱。三。四。十。斤。茶。叢。生。以。種。於。山。麓。爲。宜。土。質。黑。而。濕。潤。者。最。佳。每。叢。相。距。約。五。尺。叢。之。大。者。每。叢。年。可。收。乾。葉。二。十。斤。茶。戶。所。製。成。曰。毛。茶。每。鮮。葉。二。斤。半。成。一。斤。茶。號。每。毛。茶。五。斤。成。一。斤。若。細。茶。最。上。品。之。針。眉。於。普。通。茶。百。斤。內。僅。能。揀。得。五。斤。多。或。七。斤。茶。由。販。客。向。各。地。茶。戶。收。買。售。



茶

烘



與。茶。行。茶。行。售。與。茶。號。茶。號。售。  
與。上。海。茶。棧。茶。棧。售。與。洋。行。而。  
販。戶。之。資。本。大。抵。由。茶。行。貸。給。  
卽。定。購。其。所。收。之。貨。焉。屯。溪。現。  
有。茶。號。七。十。二。家。茶。行。七。家。現。  
價。毛。茶。每。百。斤。自。十。七。八。圓。至。  
四。十。二。三。圓。不。等。成。茶。頭。批。最。  
佳。者。銀。百。兩。或。九。十。兩。末。批。四。  
五。十。兩。尾。莊。子。茶。二。三。十。圓。不。  
等。若。前。年。冬。最。賤。時。每。百。斤。僅。  
銀。十。六。兩。

茶。之。爲。業。實。包。農。工。商。三。種。  
種。植。農。之。事。也。製。造。工。之。事。也。裝。

飾。輸。運。商。之。事。也。謀。改。良。者。宜。分。別。從。事。而。揉。碾。不。潔。淨。實。爲。詆。毀。華。茶。者。一。大。口。實。此。行。考。察。頗。特。別。注。意。此。點。且。乘。機。爲。之。勸。戒。大。抵。皖。南。茶。戶。平。時。起。居。雖。未。必。十。分。清。潔。而。其。視。茶。事。非。常。鄭。重。故。尙。不。至。汗。穢。譬。如。揉。茶。大。都。用。手。不。用。足。嘗。於。歙。縣。北。鄉。楊。村。蔣。雅。堂。家。觀。其。製。茶。器。具。非。常。精。潔。雅。堂。子。且。自。陳。此。於。行。銷。外。國。大。有。關。係。云。云。余。深。爲。感。動。竊。意。茶。業。公。共。機。關。一。方。宜。用。語。言。或。文。字。廣。勸。製。茶。務。清。潔。一。方。宜。將。業。已。改。良。之。現。況。傳。播。咸。知。或。於。茶。業。前。途。有。小。補。乎。若。論。茶。業。現。況。之。盛。衰。則。一。般。茶。商。類。多。疲。茶。可。憐。之。色。雖。表。面。上。勉。強。支。撐。而。實。則。十。九。虧。折。其。故。緣。茶。市。以。洋。商。爲。主。體。開。盤。定。價。皆。須。聽。命。於。洋。商。往。往。大。批。運。往。上。海。或。漢。口。當。其。去。時。莫。不。懽。忻。鼓。舞。冀。得。善。價。而。歸。及。其。入。市。定。價。欲。爭。論。則。無。發。言。之。權。欲。不。售。遂。絕。後。來。之。路。惟。有。垂。首。長。吁。以。返。耳。故。最。苦。者。爲。茶。商。而。種。茶。之。戶。利。尙。不。薄。蓋。茶。商。日。多。向。茶。戶。競。買。草。茶。於。是。草。茶。價。漲。而。成。本。愈。重。虧。折。愈。大。

歙  
大橋

新安中學

然此茶戶之利寧可久恃者一旦茶商仆而茶戶之命與之俱絕耳。茶商既虧折何以行號尙紛紛開設則以業此者衆個中人舍此無可營生而在皖南一帶富戶鑒於大局之不靖時勢之日艱悉收其存放外間各大埠之現金歸營茶業蓋亦無聊賴者之所爲非真有所利而出此也。

九日(土)午舟行五十里抵朱家村自此至歙城僅十里乃步行往將至西門得大橋曰河西太平橋碑載長八百尺度之良信爲洞十有六望黃山諸峯隱約可見蓋自歙往不及百里也過橋入城訪至新安中學新安中學係當時徽州府立府制減未歸省立其歲費暫以紫陽書院基金息二千餘圓及收入學費充之殊感困難校舍就考棚改建運動場頗足用有一年生三年生四年生共百三十人另師範生十二人爲紫陽師範舊生附入肄業將於今歲畢業者晤其校長汪君勁扶(鍾鼇)略觀教授凡物必先正名一機關之成立必有負責者尤必有所對以

## 第一高等小學


負。責。者。學。校。亦。然。吾。知。皖。南。教。育。界。人。士。與。皖。行。政。官。對。於。此。校。將。必。有。以。處。之。也。詢。汪。君。歙。城。故。蹟。以。太。白。樓。對。方。知。太。平。橋。西。樓。卽。是。次。觀。縣。立。第。一。高。等。小。學。晤。校。長。李。君。子。亨。（嘉會）是。校。開。辦。八。年。就。明。倫。堂。爲。校。舍。李。君。籍。黟。縣。夙。在。歙。教。授。者。蓋。地。方。老。成。人。也。有。生。四。十。人。爲。二。學。年。與。三。學。年。參。觀。時。已。課。畢。坐。自。修。室。朗。讀。各。種。教。科。書。李。君。爲。言。從。前。歲。費。一。千。七。八。百。元。去。年。經。縣。議。會。規。畫。全。縣。設。高。小。六。所。每。所。費。七。百。圓。本。校。乃。不。得。不。收。學。費。每。生。四。圓。大。減。教。員。與。校。役。猶。難。支。問。全。境。高。小。現。成。立。幾。所。曰。二。所。初。小。幾。所。曰。現。存。十。餘。所。前。年。二。十。餘。所。

## 教育狀況

## 初等小學

## 太白樓

次。觀。張。文。毅。祠。初。等。小。學。已。放。課。教。員。不。見。見。兒。童。七。八。應。對。頗。了。了。且。有。禮。絕。可。愛。是。校。有。生。四。十。許。編。爲。一。教。室。聞。城。中。尙。有。一。初。小。未。及。往。女。學。前。曾。辦。過。見。道。旁。尙。有。徽。音。女。學。招。生。舊。廣。告。今。歇。上。太。白。樓。瞰。茗。風。景。頗。佳。四。壁。字。畫。殊。惡。劣。後。樓。供。木。偶。像。大。小。約。二。



十。面。目。無。一。同。者。此。高。手。也。日。暮。乃。取  
道。漁。梁。鎮。返。朱。家。村。於。鎮。得。亭。為。太。白  
訪。許。宣。平。問。津。處。

皖。南。農。產。主。品。為。稻。婦。女。能。赤。足。夏。畦  
蒔。秧。去。草。男。子。出。外。經。商。故。各。地。多。徽  
幫。茶。其。副。產。品。也。春。夏。之。交。采。茶。兩。次  
以。數。十。日。之。光。陰。一。家。男。婦。老。幼。十。數  
人。之。力。苟。時。機。佳。者。獲。百。十。圓。之。收。入  
不。難。有。茶。之。副。產。品。焉。曰。珠。蘭。其。花。用  
以。窰。茶。十。數。年。前。自。閩。移。植。輾。轉。傳。播  
年。盛。一。年。僅。歛。一。縣。年。可。售。銀。十。餘。萬  
圓。

十。日。日。舟。行。新。安。江。兩。岸。皆。山。各。高。數

## 淳安

## 雉城小學

十丈。峯青。水綠。良足。怡人。舟下水。日能行百餘里。水急過灘。須注意。於皖浙交界處。遇大灘。曰梅花巖。以健男三。自岸用繚拉船。緩緩放行。下水如此。愈知上水難矣。是夜泊威坪鎮。浙淳安縣地。十一日(月)午前。過淳安縣。擬一觀小學。上岸縣治瀕江。有門。無城。行市數十武。忽有人來問行蹤。頃之一警察復就同伴問行蹤。倉猝有分際。問途於應姓者。爲導往雉城小學校。借城隍廟後屋設立。晤其校長周君鳳歧。有學生七十餘人。內女生數人。共二教室。一設正屋。一設廂屋。窗小。氣窒。校長謂校初遷至此。尙待佈置。時校長教員皆出招待。未見教授。令余爲臨時訓話。略道爲學宜求應用。校長言。去年有生百二十餘人。今減矣。運動場寬大。亦未布置。日曜日上午。學生來校。溫課。學費不收。由縣稅項下補助。去年規定。每學生一名補助一圓。今須調查成績。分等給費。應君號至善。聞爲縣署禁烟調查員。

淳安。全境小學。去年一百二十餘所。現減十之三。鄉間有停學之謠。對

於學校亦不甚信仰。城廂五百餘家，約人口三千餘。設高等小學一縣，立初等小學三，皆公立。學生都三百餘。去年農會設冬期學校，十一月始。二月止，有生四十餘。地丁附收之縣稅，總數約一萬六七千圓。十之四辦學，其三辦警察，皆周應二君言。

應君導往縣立高等小學校址，高爽屋舍半。特建是校，尙係武進屠敬山君爲縣令時手創。當時因興學頗釀風潮，校長徐君作霖言苟屠先生。在吾校早發達矣。學生各學年全別設補習科一班，共百七十餘人。全年經費兩千餘圓。學費、儒學租、茶鹽捐，約入千五六百元。由縣稅補助七八百圓。學生年長者二十三歲，時飯後皆端坐誦讀。間有誦論說文選本分內外編者，不設學監。由教員分任管理。徐君畢業省城師範學校某科，蓋老成而有資格者也。

船因攬貨未開，乃復往觀師範講習所。係私人創設，議改公立而未決。師範生四十人，十個月畢業。下半年擬借雒城小學實習教授。高小教

物產

嚴州

員洪君方授教育學。各科俱用商務本講義。參觀至課畢。洪君導觀啓明初等小學。教員靜坐。學生自由朗讀國文。復觀私立育英小學。女生三人留教室。餘上體操課。連球與唱歌。聯絡頗有精神。

淳安土產茶爲大宗。皆綠茶。北鄉銷通州。南銷蘇州。西銷西洋。高小校長言。

出師範講習所門。遇適纔途。次問行蹤之人。蓋卽警察長朱君也。是夜泊此。

十二日(火)夜泊建德縣境楊溪。去嚴州三十里。

十三日(水)午前抵嚴州。城視淳安較大。且完市亦較盛。徽州各縣從未見有茶肆。淳安城始有之。然止一家門外。大書揭示。設備整潔。似專餉上等客者。酒肆惟屯溪有之。皆上等菜館。此外食宿處。號中伙安寓者。須自備米菜。就餐至此。遂大盛。一巷之間。望衡對宇。農工游手。鬻坐。叟雜。是亦土風奢儉勤惰之一徵也。



訪得縣立模範兩等小學。見其校長趙君豫馨（啓樟）高初各學年咸備。學生百五十人。不收學費。年費千八百圓。授課時間表及教科書教育會議定。自一月起。各校一律均甚允當。但每日五課外加習字一時。又自習一時許。教室自習室以及兒童容體均不甚整潔。某級方作文命題二。一唐太宗論一蚊雷。兒童間有溫習舊讀四子書者。教員俸每人月十圓。其授課時間每人自十八時至二十二時不等。建德城二千戶人口一萬餘。小學校縣立兩等一縣立女子兩等一公私立初等六鄉公私立兩等五女學三初等八十餘。當民國元年全境僅二十餘所耳。去春亦不逮此數。教育會長包君汝義前曾任教育科長。頗能與現科長聯絡推廣。且會查各村私塾。勒令停歇。辦學。去年暑假。開師範研究所三個月。得八十餘人。都私塾教員去秋之變。此間未受影響。皆趙君言。

參觀省立第九中學。晤校長余君病心。光凝校就雙峯書院改建不足。

借用大成殿。並租民屋。初係府立。現有學生約三百人。一年兩級。二三四五年各一級。五年生乃依舊定課程補習者。餘恪依部定表辦理。各科除國文文法音樂樂典編授講義外。餘用教科書。每學期預定起訖。揭示於事務室。名曰教授預算表。每次招生應考者五六百人。取百人。英文以讀過國民讀本第一冊者爲合格。二三四年生。每隔一週開英語練習會。練習演說或談話。教員預命題。令準備臨時正其謬誤。與姿勢不合者。全校每隔一週。又開國語練習會。以統一學生方言。校長任修身課。學監舍監均略任教課。參觀各級教授。爲生理衛生學。爲國文。爲地理。生理。用掛圖。教地理之方君逸夫。尤能引用時事。校長言學生頗好美術。其圖畫課程。一年鉛筆。二三年水彩。臨繪與寫生兼授。四年幾何畫。此其教授大概也。其管理。則請假出校。用牌考查。性行有表。寢室自修室。學生值日。洒掃。以指定之室。長監之衣服。不准穿綢緞。其經費預算年一萬二千餘圓。皆由省給。舊時府有款產。可分者。分給各縣。

辦。小。學。不。可。分。者。暫。存。校。長。月。俸。八。十。圓。教。員。平。均。每。時。一。圓。每。週。至。多。十。八。時。學。監。二。人。三。十。至。五。十。圓。舍。監。二。人。二。十。至。三。十。圓。授。課。則。另。加。俸。學。費。依。省。議。會。議。決。全。省。一。律。年。收。十。圓。除。家。住。本。城。者。外。均。寄。宿。每。日。收。膳。費。錢。九。十。文。告。假。不。扣。算。非。預。繳。不。得。上。學。

縣。立。女。子。兩。等。小。學。聞。因。校。長。鄭。女。士。結。婚。輟。課。未。往。觀。觀。城。立。時。雨。初。等。小。學。門。外。貼。畢。業。試。榜。朱。筆。煊。赫。入。門。首。進。爲。一。家。庭。往。後。得。教。室。兒。童。二。十。許。坐。各。異。向。或。讀。書。或。習。字。有。袒。裼。跣。足。坐。於。旁。者。問。姓。名。乃。卽。校。長。兼。教。員。者。也。是。日。華。氏。表。蓋。騰。至。八。十。餘。度。客。來。不。速。吾。人。當。深。諒。之。兒。童。所。讀。教。科。書。外。爲。四。子。書。爲。幼。學。故。事。瓊。林。等。問。公。家。歲。給。錢。若。干。答。須。俟。考。查。成。績。分。甲。乙。丙。三。等。甲。五。十。圓。乙。四。十。圓。丙。二。五。圓。問。貴。校。受。考。查。未。日。已。考。查。未。揭。曉。

夜。泊。胥。口。去。嚴。州。三。十。里。


十。四。日。(木)行。三。十。里。至。七。里。瀨。入。桐。廬。縣。境。上。岸。謁。嚴。子。陵。祠。門。內。外。

富 春 山 色



碑甚夥。中供嚴先生像及木主。旁爲范文正歐陽文忠方元英謝皋羽四先生主。是祠重建於清同治五年。知嚴州府戴槃爲之記。略稱自范仲淹守嚴郡。爲子陵置義田。立祠作歌。厥後淳邑有方賊之亂。富春有裘賊之亂。祠廢興不可考。朝廷嘗飭守土之官。歲時修葺。粵匪擾亂。郡當其衝。祠遂不保。余以同治四年八月來守。是土。慨然捐廉集貲。復祠宇舊觀。續造客星樓。入山求子陵後。得二人。一國祿。一正華。爲從父子。相依爲生。懼將無後。而又奇窮。蓋義產之失久矣。爲

釣臺



請於大府。就嚴郡鹽課耗項內。歲提錢八十千文。俾後修葺奉祀。永遠有資等語。國祿無後。今之守祠老嫗。爲正華妻。其遺腹子。天順年十三。就十里外芝廬鎮小學肄業。嫗謂民國成立。此歲費八十千文。無有矣。恃栽茶種果樹。爲生祠。亦漸蕪廢。曷以教子學成。爲嚴先生光祠山半。爲釣臺。臺有二。東臺石亭。垂圮。尙存留鼎一絲。四字額。西臺則謝皋羽哭文文山處也。亭圮存一碑。曰清風千古。其垂竿百尺。

額。僅。於。草。際。覓。得。竿。字。殘。石。而。已。臺。下。清。波。一。曲。夾。岸。峯。巒。秀。麗。太。平。寰。宇。記。稱。錦。峯。繡。嶺。良。信。方。元。英。者。邑。人。唐。方。千。隱。於。會。稽。鑑。湖。釣。魚。爲。樂。清。一。統。志。稱。有。故。居。在。縣。西。南。四。十。五。里。白。雲。源。夜。至。桐。廬。泊。

謁嚴陵祠

跌。宕。羊。裘。劫。後。身。釣。竿。三。尺。亦。經。綸。先。生。不。作。酸。寒。態。自。占。山。號。富。春。

桐廬

取。縮。私。塾。之。方。法。之。布。告

十。五。日。金。清。晨。上。岸。桐。廬。無。城。南。臨。江。東。西。北。皆。山。東。南。爲。桐。君。山。山。巔。有。寺。及。浮。圖。山。西。麓。則。天。目。溪。入。江。處。也。市。等。於。淳。安。而。稍。大。隔。江。遠。望。高。峯。離。立。時。方。微。雨。雲。氣。蔽。虧。入。市。見。布。告。二。足。令。人。注。目。者。其。一。省。署。禁。止。綠。茶。用。滑。石。靛。青。烏。煤。等。着。色。又。其。一。則。縣。署。取。締。私。塾。方。法。四。條。大。意。凡。私。塾。在。學。校。附。近。一。里。半。以。內。者。勒。令。停。閉。其。學。生。改。入。學。校。鄉。僻。處。令。改。爲。私。立。學。校。其。課。程。教。管。方。法。應。依。學。校。辦。理。有。不。遵。者。勒。令。停。閉。

縣立第一高等小學。在城東孔廟旁。舊爲書院。有生九十餘。三學年全在城五六生通學外。餘均寄宿。新校長胡瑟如(傳鏗)未受事。學監洪君振佩(鐸)代理。洪君本校畢業生。復在上海理化專修學校畢業者。並晤英文算學教員史君子明(清)畢業杭宗文中學者。學生一二學年畢業。初小者較多。三年多。自私塾來參觀教授。三年史君教英文。二年國文。一年算術。皆用注入式。年齡殆無過大者。操場頗合用。設足球會。校門前關地數畦。令學生自由種植。自去年始於必修科外加設農業。近頃嘗率全體生旅行三十里至嚴子陵祠。經費年二千二百元。學費每人年收三元。教員六人。年俸自百二十元至三百元。校長俸百二十元。任教課另加俸。學生多數頗好英文。問袁爽秋先生族況。洪君爲言。前校長卽其從子。袁爲桐廬大族。城居者不多。南鄉之西湖。北鄉之侯浦。皆盛。此間除家祠外。尙無公建祠宇。

桐廬城高小一。初小三。女初高小一。鄉初小五。十餘。光復初。全境僅二。

女子小學

十二。所。今。歲。視。去。春。無。增。減。縣。稅。總。額。八。九。千。圓。十。之。四。教。育。其。三。警。察。高。小。除。賓。興。等。固。有。產。息。收。入。外。由。縣。稅。如。額。撥。給。其。於。初。小。視。學。生。名。額。多。寡。並。由。縣。署。委。員。借。教。育。會。員。考。查。成。績。分。甲。乙。丙。丁。四。等。丁。僅。依。名。額。給。費。無。獎。甲。乙。丙。另。獎。有。差。殆。與。建。德。同。聞。行。之。三。學。期。矣。南。鄉。多。山。故。多。茶。北。鄉。多。桑。

參。觀。女。子。初。等。高。等。小。學。賃。民。屋。設。立。校。長。高。勝。康。女。士。杭。人。與。教。員。方。女。士。均。畢。業。浙。西。女。子。師。範。教。員。龔。女。士。曾。在。利。康。公。司。習。縫。紉。者。學。生。五。十。高。初。各。一。教。室。無。寄。宿。無。學。費。年。由。公。家。補。助。八。百。圓。時。在。九。時。前。學。生。方。自。習。未。上。課。觀。時。間。表。縫。紉。殆。占。三。之。一。備。縫。機。五。學。生。皆。攜。料。來。習。

第一初等小學

參。觀。公。立。第。一。初。等。小。學。學。生。五。十。分。教。室。四。教。員。鄭。君。心。懋。方。上。國。文。課。招。入。參。觀。用。注。入。式。坐。而。講。授。船。亟。須。解。維。辭。出。夜。泊。蜈。蚣。橋。十六。日。土。八。時。至。富。陽。城。東。南。兩。面。臨。江。上。岸。過。一。磯。有。碑。曰。嚴。子。陵。

富陽



東城小學

垂釣處。入東門。得東城初等小學。時未上課。學生陸續至。有向孔子位前行禮者。校長趙君畢業本城高小。未及觀上課。聞有生六十人。每生年收學費三圓。

高等小學

參觀高等小學。校長金君任父(守滄)延入。有生一百十餘人。三學年全。正問答間。省視學黃君伯珣(人望)至。乃偕觀自修室。校舍舊係書院。大堂中爲禮堂。兩旁自修。光線不甚足。廊下揭示一學期犯規諸生姓名。事由及其處罰法。省視學謂宜隱去。以養其羞恥心。甚是。參觀教授二年講授國文。用注入式。三年一年皆讀國文。加設農業科。未有實習場所。操場不甚大。未備運動器械。

教育狀況

參觀私立山氏小學。男女學生二十四人。單級編制。公立中城小學。學生七十餘人。分兩教室。均未見教授。富陽小學。共七十餘。城高小。一初小。三教會。立女子初小。一附稅。總額約九千圓。十之四歸學務。城市面頗盛。新安江上可稱第一。夜泊聞家。

金華之學務

杭州

屯溪至杭之路程

堰屬蕭山縣境。去開口三十里。去蕭山城三十里。去紹興百二十里。省視學黃君金華人。述金華學務較發達。蘭溪一縣小學三百八十四。其數之多冠全省。諸暨次之。併計舊湖州全府屬縣不及也。其故因金華各姓均有學田。名曰賢租。在科舉時代為培養科舉人才之用。光復後改養退伍兵。去年收回辦學。故每校基金年息統在二百圓以上。十七日(日)晨八時到開口上岸。入候潮門。寓公和旅館。自屯溪來路程里數如次。

屯溪至朱家村	50
朱家村至威坪	120
威坪至淳安	60
淳安至楊溪	100
楊溪至嚴州	50
嚴州至胥口	30
胥口至釣臺	50
釣臺至桐廬	30
桐廬至蜈蚣橋	60
蜈蚣橋至富陽	30
富陽至聞家堰	60
聞家堰至開口	30
	—
	679

十八日(月)晨持公文至省公署見屈文六民政長(映光)暢談移晷。午後參觀省立女子師範學校。省立第一師範學校。

十九日(火)再觀女子師範學校。

是校甲辰年創立。初係私人組織。後改公立。曾辦簡易科保姆班畢業各四次。現有本科一年二年及預科。共三班。又講習科兩班。全校百八十餘人。均寄宿。附屬小學高等三學年。初等四學年。均全。共二百八十餘人。高等專收女子。初等男女兼收。附屬蒙養園。有生三十餘人。凡師範管理員附屬小學主事及教員蒙養園保姆。多係本校畢業生。參觀蒙養園游戲唱歌。保姆絕不與幼生同動作。進退用口令。不用琴。因此精神未能十分發舒。講習科縫紉自備物料。自由製作家事。用講義烹飪。浣濯尙未有規定。附屬初小教授參用問答式。高小則注入式。爲多。校長鄭君岱生。自始創時任事。至今精神絕不旁鶩。且甚虛心求進步。社會對於是校有信用。故來學者甚盛。校租民屋操場較小。遊戲運動。

雲 插 峯 雙



少。設備。則。其。一。缺。點。也。歲。費。二。萬。圓。左。右。

參。觀。省。立。第。一。中。學。全。校。一。百。九。十。餘。人。各。學。年。全。月。費。一。千。五。百。餘。圓。第。二。年。博。物。授。植。物。形。態。學。第。三。年。國。文。授。文。法。宿。舍。及。操。場。均。在。校。外。課。餘。有。校。友。會。分。蹴。球。音。樂。演。講。等。部。發。行。友。聲。雜。誌。聞。學。生。多。數。嗜。英。文。

晚。內。子。紉。思。妹。冰。佩。攜。女。小。同。自。滬。來。

二十日(水)

二十一日(木)

第一師範

附屬小學

二十二日(金)連日攜家人遊西湖。

二十三日(土)參觀第一師範附屬小學。午後演說題為「自學」。

第一師範本兼辦高等。今高等停辦。而於本科預科外別設手工圖畫專修科。全校二百六十餘人。本科最高之學級。現為第三學年。課餘組織。校友會。分運動。文藝。兩大部。運動。分蹴球。庭球。拳術。數事。文藝部發行雜誌。專修科成績品。美術。意味較多。於工藝。意味殆視前兩江師範專修科為尤高。主其事者。吾友美術專家李君叔同(哀)也。附屬小學分三部。一部單式。二部複式。三部單級。別設補習科。二部教授。表其編制大概如左。



二部

高等一級

二年

初等一級

二年

三部初等一級

二年 一年 三年

主事蔡君寓仁統轄三部及補習科一二部各級國文算術科教員均  
 兼級主任管理無專員以級主任任之舍監以級主任十人中六人任  
 之分宿六舍每月教員會議一次職教員十七人中十四人在本校畢  
 業者校舍特建前為操場後為學校園學生總數近三百人寄宿者約  
 三之一教室寢室閱覽室遊戲運動器之整理均學生值日輪任每月  
 大掃除一次教師共同動作參觀各級教授大都用啓發式惟國文教  
 授間有專事注入者月曜日第一時修身與唱歌合課唱校歌修身用

偶發事項


參觀第三部。取兒童通學之利便。於居民較密處。租屋爲之。教室用舊廳事。兩楹未去。空氣不甚足。用日光時射課桌。教式用注入。各學年位置。用橫列。第一年列最前排。餘依次。此法恐非所宜。

是校吾友經君子淵(亨頤)積數載之經營。乃獲此果。屬以學制變更。經費減縮。猶未獲盡其施展。然精神團結。已自難得。附屬小學一二部。尤密完。若三部組織。猶新未宜。同日語者也。

參觀私立安定中學。舊係胡氏創立。現另設維持會。校舍則仍胡氏產也。學生二百餘人。多寄宿。公衆月助二百五十圓。杭城有中學三省立第一。安定宗文。頗聞彼此相競爭。不肯下實則內容彷彿相似。其課程皆依部表。未有所特別。注重然學生心理多數重英文焉。

二十四日(日)遊西湖。

二十五日(月)參觀宏道女學。馮氏女學。蕙蘭中學。皆耶穌教會設立。



宏道女學。有中學。有高小。有初小。主任美國惠女士。極虛心垂問。一切參觀宿舍。極整潔。皆學生自爲之用。鐵牀帳。皆上捲。觀上英文課。學生均未。有課桌。算學教科書。用美華書館本。數學拾級。僅較勝於筆算。數學而已。初小主任雷女士。適授四年唱歌。其一。二。三。年。習字。用映寫。告以不如臨寫。爲宜。宿舍用舊屋。亦整潔。馮氏女學。爲英國馮女士以遺產捐立。教員多係英國女士。亦有中學。有高小。有初小。其圖畫專授。圖案及寫生。授圖案。用教員自製。掛圖由單簡。



而。複。雜。以。紅。綠。色。毛。筆。繪。之。其。授。寫。生。教。師。採。花。若。干。枝。上。課。時。分。與。學。生。人。各。一。枝。令。左。持。花。右。執。筆。寫。之。亦。用。彩。色。毛。筆。索。觀。學。生。習。畫。簿。先。葉。後。花。先。單。簡。後。複。雜。體。操。則。五。月。至。九。月。停。止。以。華。氏。表。過。七。十。度。爲。限。日。曜。日。午。前。後。皆。須。禮。拜。夜。隨。意。讀。經。餘。自。由。習。畫。

蕙蘭中學校學生百餘人。奉耶教者占三分之一。其目的在畢業後直接入美國大學中學外有高小附設印刷所凡學生日作工二小時者減半收學費教科重英文中學三年以上算學地史等俱用英文本課餘有英語練習會高小每週英文亦課八小時一二三年算術教科書尙用筆算數學日曜日上午禮拜下午主日學課及佈道會四時後休息但不得請假出外校舍特建操場寬大。

二十六日(火)偕糺思坐火車至開口緣錢塘江而上遊六和塔至於之江學校校長美人王君令賡導入。適全體學生開會乃令演說全校二百餘人校舍居山半俗稱六和塔之二龍頭夷衍平塹前臨之江風景

絕。勝。校。地。五。百。畝。屋。皆。特。建。東。西。兩。宿。舍。不。用。一。僕。其。整。理。洒。掃。一。切。服。役。皆。學。生。自。爲。之。設。有。自。助。部。凡。入。自。助。部。者。減。免。其。諸。費。宿。舍。服。役。皆。自。助。部。員。爲。之。也。

青年會演說

夜。青。年。會。招。集。杭。城。男。女。教。育。界。人。士。令。演。說。

第一高等小學

二十七日(水)參觀縣立第一高等小學。一二三學年共百二十人。一年授國文。三年授地理。二年授理科。是課。適。未。用。地。圖。及。標。本。意。其。平。日。不。如。是。也。其。教。式。皆。取。注。入。校。當。秦。望。山。麓。循。級。而。上。俯。瞰。市。塵。如。畫。校。後。有。學。校。園。分。三。片。每。一。學。級。栽。植。其。一。每。月。經。費。二。百。四。十。圓。

第一初等小學

杭城高等小學校長。皆兼長兩初等小學。第一高小校長朱君汲民(作槩)兼任第一第二初小校長。承導觀東岡寺第一初等小學。教員二人。一在師範傳習所畢業。學生七十人。分兩級。一級上國文。教式偏重。注。入。一。級。習。字。大。楷。映。寫。臨。寫。並。習。小。楷。鈔。讀。本。每。月。經。費。三。十。二。圓。逐。日。與。屈。省。長。教。育。司。長。沈。君。復。聲。(鈞)業。科。長。洪。君。岷。初。(彥)遠。財。政。司。

浙江教育行政狀況

長張君詠霓(壽鏞)暨教育界諸同志晤談。證以實況。去秋之變。浙省受影響最少。行政機關能信仰教育。認爲國家根本。所繫故得無恙。執政者爲余言。以小學校數論。今茲視光復以前。殆增五分之四。某君言本省前後數都督皆能贊助教育。從未挾武力以摧殘。故雖世局滄桑而浙省教育今尙進行未已。

省教育費。二年度預算總數爲七十八萬圓。經常費皆如額支放。惟臨時費十八萬圓。未能如額。三年度地方收入大減。教育費隨之減削。現雖未確定。大約可列六十六萬圓。盡力撙節。尙不至受大損害。

縣附加稅分爲十成。四成充教育費。三成充地方巡警費。二成充善舉工程。等費。一成充準備金。各縣教育費併計。除他項收入外。卽此四成附加稅亦得三十餘萬圓。此三十餘萬圓。規定專充推廣小學之用。省立學校以中學爲最多。師範次之。實業又次之。中學十一所。就舊時杭嘉湖寧紹台金衢嚴溫處十一府立中學。改設卽依其次序定爲第

一。第二等名稱師範學校。杭縣。鄞縣。紹興縣。永嘉縣。麗水縣。各一所。又省城女子師範一所。實業則甲種農業一蠶桑學校一甲種商業一專門則法政學校一醫學校一。各縣師範講習所。省行政機關有案者三十餘所。全省公私立小學校。依元年上半年統計得二千八百餘所。據行政機關中人言。今茲殆增一倍。則爲五千餘矣。頗聞成績之優。以寧波爲最。而校數之多。以金華爲最。

浙江省教育會發行教育週報。頗受教育界之歡迎。何君紹韓（競明）孫君（增大）任編輯。經君子淵實爲會長。奮然欲有所爲。此行所見省教育會。惟此而已。

西湖之今昔

西湖當八年前。嘗偕友七八輩。來遊宿孤山。讀書樓。七日。時滬杭未有火車也。今茲所見景物。大異瀕湖一望。若公園。若圖書館。若南京陣亡將士祠。若陶烈士祠。若徐陳馬三士墓。若鑑湖秋女祠。皆巍然新建。築

詩

畫棟豐碑一新氣象而有清功臣祠宇與其詩歌聯語之留題雖欲求  
零墨殘縑而不可復得卽湖上遊船制度畫局安碁張空作幔亦若隨  
民國氣運俱新此行攜家人流連旬日西上韜光登北高峯南窮石屋  
煙霞諸勝懽樂中猶不勝今昔之感而所尤涓涓者地方生活之程度  
苟或逾於其能力則將來彫敝殆無可逃湖上舟子頗爲余道生計之  
苦所冀他日者工藝淳興農桑廣殖湖民庶有豸耳張君葆靈世杓逐  
日指導合誌謝

攜家人登北高峯

西湖西去一峯飛。曲磴盤雲上翠微。天賦滿門健腰脚。輕裾絕頂  
送斜暉。

午後乘滬杭火車返滬。

此行往返九十五日間。所見三省教育狀況。社會狀況。得其共同之  
點如左。

結語



攝人遊靈隱石佛合撮一影

一各地小學校其校數及學生數民國元年二年無不大增今年銳減惟浙江各縣今年尚間有增設者其所以增與減雖不一其因而最重要之點前則深信國體既更舍學校無進身之路後則誤會今後政府不復重視教育故紛紛改變其意向

一各種社會無一不困於生計但求得過且過爲佳斷無三年九年之蓄故一遇偏災流亡載道一經煽誘揭竿立起非好亂也生計爲之也

一交通愈閉塞者其地方風氣愈淳樸深山僻地元氣渾然今之教育一方輸入新思想一方惜尙未能注意保存舊有之好習慣

一各地以書院或私塾改設之學校每不能盡脫向日習氣其特設者成績必較其他爲優故知爲一方模範計宜有特設之小學

一各地方視初等小學之重每不如其視高等小學行政者之精神與地方經費比例觀之用於初等小學之多每不如其用於高等

## 小學

一 小學校教員往往分兩派。修身、國文、史地等科爲一派，算學、理科及技能各科爲一派。屬於前派者往往缺乏新思想，屬於後派者往往缺乏國學根柢。故皆不易得受教育者完全之信仰。而此二派之精神亦終鮮克融洽。

一 各地中等學校其教材類有過多之病。於腦力上既患用之過度，於智識上尤患食而不化。

一 中等以下學校教員往往誤認彼之職務以在授課時間爲限。故授課以外不盡肯有所致力。此層實爲實施訓練之一大障礙。

一 各地學校普通之缺點甚多。而其最不注意者莫如體育與衛生。

一 一般學校通行之教授法多係注入式。求能用啟發式者絕鮮。若

其各科普通之缺點。可得而言者如下。

國文科命題作文論說體占大多數。其材料史事占大多數。令習



書信及其  
他日常應  
用文字者  
絕少  
修身均用  
課本專事  
講演於德  
育實際上  
殊無何等  
之影響  
習字影寫  
楷書最多  
圖畫毛筆





A541 212 0017 9745B

影畫最多。

至於訓練。求能實施者。更少。

一各學校於教育法令。往往從其文。不從其意。取其形式。而遺其精。神。例如減少授課鐘點。乃提早放學。令減少受教育時間。多感受。社會不良之習慣。加授農業商業。絕未有相當之設備。與其他施設。徒加授一種特別之國文課而已。

右之所列。乃其共同之點。若論特別情形。具如日記。

92973

教育雜誌第六卷臨時增刊

教育實用主義問題

朱元善編 一册定價四角

本社實用主義徵文。前經登報披露。後。并選擇巨作數十篇。彙刊一册。都十餘萬言。顏曰。教育研究實用主義問題。內容除徵文外。又采錄日本最近之學說。以資參攷。首有黃炎培莊俞兩君叙文弁言。理論縱橫。美不勝述。誠我國研究教育以來未有之大著。凡為教員者。不可不手此一編也。

壬九五七號

中華民國三年十二月初版

(黃炎培考察教育日記一册)

(每册定價大洋柒角)

著述者 黃 炎 培

發行者 商 務 印 書 館

印刷所 上海北河南路北首寶山路 商 務 印 書 館

總發行所 上海棋盤街中市 商 務 印 書 館

分售處 北京天津保定奉天龍江吉林長春 西安太原濟南開封成都重慶漢口 長沙安慶蕪湖南京南昌杭州蘭谿 福州廣州潮州桂林雲南澳門香港 商 務 印 書 館 分 館

※此書有著作權翻印必究※

五九二〇



~~209731~~